

# ლიტერატურული გაზეთი



დათო მალრაძე

## სიცოცხლე ჰენეციაში

ვუძღვნი შესანიშნავ მხატვარს, ჩემს ძვირფას მეგობარს, ანატოლი ბელკინს, რომელიც არის ჩემი ქართული, რუსული და ესპანური ნიგნების მხატვარი და რომელმაც ცოტა ხნის წინ ერთი ნამუშევრის — „კარპაჩო — მაღალი წყლის“ — გამოფენა გამართა. მან თავის ინსტალაციაში ვიტტორე კარპაჩოს XVI საუკუნის შედევრი ვენეციაში ამოგზავნა და კონტრასტით გვაჩვენა, რომ ჭეშმარიტ ხელოვნებას ჩვენი ეპოქა მაღალი წყლის საფრთხით ემუქრება.

ჩემს პირველ პედაგოგს, რომელსაც ლიტონი არ უთქვამს ფრაზა და მინდა, რომ ვენდო მას: — პოეტი იწყება იმ ერთი სტრიქონით, როდესაც დაუშვებს ღვთაებრივ შეცდომას. ჯაპანურ ტანკას ვწერ, თუ ვნატრობ სონეტით, ვეხლები ჯებირით დადგენილ ნაპირებს, ვდარდობ თუ ვოცნებობ ყველგან და ყოველთვის, ღვთაებრივ შეცდომის დაშვებას ვაპირებ. და რადგან ამ თემას ყრმობიდან გავუშინაურდი, ჩავთვლი, რომ ვიპოვე მოტივი, თუ ვენეციაში ეს ლექსი ჩავუშვი, განგაშის საზომი გათლილი ბოძივით.

— ვინ დათვლის ვარსკვლავებს, შენ თუ არ დათვალე, პაპი აღარ ხიბლავს განდგომილ პურიტანს... პროგრესის ეპოქა მოირგებს სათვალეს და ჩააშტერდება საკუთარ უნიტაზს, რომ იქნებ როგორმე ან ავტოპორტრეტი შექმნას, ან მიაგნოს თვალწარმტაც პეიზაჟს, ამ აქტივისტების, ცოტათი მოკრეტიწ-მოფაშისტოთაგან მიშველის გეიშა, რომ ავცდე უღმობელ მშობლიურ განაჩენს, ზედ სულზე მომისწრო კულტურამ ჯაპანის, უცხო ხილს მივმართე, რომ თავად გადავრჩე და ვიხსნა კულტურა მამის and პაპანის.

— blow up! — მაესტრო, სულ უფრო მკაფიოდ გაზარდე ფოკუსი პრობლემის შიშველის, ეპოქა წააგავს უსისხლო მაფიოზს და ისევ მხატვარის ფუნჯი თუ გვიშველის. შენ თუ არ გაჰყევი ესპანურ გალიონს, სხვა ვინღა გაჰყევა მუცლიან იალქნებს... და მერე ღამეში ბეთლემის ალიონს შენგანვე დათვლილი ვარსკვლავით მიაგნებ. ...ფეხი არ გაადგიო თუ მამის სახლიდან და მშვიდად შეირგე პური და სახლ-კარი, თუკი ოდისეა არ შედგა ახლიდან, მე ასეთ სიმშვიდეს — Pardon! და გავკარი.

შენ თუ არ ილოცე, სხვა აღარ ილოცებს...


წყლის დონე მატულობს... ვრცელდება სახადი... სხვადასხვა ქვეყნიდან მიიღებს მილოცვებს მხატვარი, რომელიც დახატა ნახატი. — მიეცი გვარი და ძე, ლედი ჰამილტონს! ნუ დაელოდები საბანკო ვაუჩერს, სხვა ველარ გარისკავს და სწორედ ამიტომ ღვთაებრივ შეცდომას ვერასდროს დაუშვებს. ...როგორი ექოა, უხხ, მართლა მე შენი!.. როცა კარავაჯოს შუქ-ჩრდილი დიადი კოპოლამ იცნო და ქორწილის ფეშენით გამიჯნა დონ ვიტოს ოთახის წყვილიადი.

ედემის ვაშლი რაც დაეცა ნიუტონს, მას შემდეგ სითეთრე ვინა სთქვა უშვავოდ... თუმცა ისააკი ძალიან ჯიუტობს, ცის მიზიდულობის კანონზე ვმუშაობ და ველი ხელახალ მუზათა ბრძანებას, მაშინვე, როგორც კი მზის სხივზე გავშრები, მოდის მაიოლის ბრინჯაოს ზმანება და მიხმობს წვიმაში პომონა ვაშლებით. თუ ვაშლთან როდისმე შეხება გავრისკე, რომელიც ცდუნების აგზავნის დემონებს. მაქსიმუმ, მარკეტის დახლიდან სახლისკენ წავიღებ ისე, რომ არ დავაგემოვნებ.

და ყურში მოცART-ის ფრაზა თუ შეუშვი, როდესაც აღმართში მოგწვდება ქოშინი, მხნეობას იპოვი დაქანცულ სხეულში, გახვრეტილ ჯიბეში მოძებნილ გროშივით. ...როდესაც ისლამმა ხატება შელესა რომაულ კედელზე ბერძნული იკონის მოუხმომ მხატვარმა მშობლიურ რენესანსს და იხსნა სამყარო მოცART-ის სტრიქონით. კარპაჩომ მოუსწრო სათუო ეპოქას, — დაბნეულ ტურისტს რომ მოუსწრებს მაშველი...

— ხოლო რაც ეხება ბელკინს, ჩემს მეგობარს, სისხლის ანალიზის პასუხი: — ქაშერი!

...და რადგან მუსიკას ყრმობიდან გავუშინაურდი, ჩავთვლი, რომ ვიპოვე მოტივი. თუ ვენეციაში ეს ლექსი ჩავუშვი, განგაშის საზომი გათლილი ბოძივით.



ნინო მშვიდლობაძე

## ციცინათელა

სულ მინდოდა, ციციინათელაზე დამენერა, არა იმაზე, ჩვენ რომ გავარომანტიკულეთ, ღამეს რომ გვინათებს და ყოფიერების მუქ ჩრდილებს რომ აციმციმებს,

არამედ იმაზე, საკუთარი ნათებით მამრს რომ იტყუებს და კლავს.

რა შემზარავი სილამაზა ეს ერთი ციდა მწერი, უმწეო და სუსტი, თანაც მანათობელი, რალცნაირად იმედის მომცემი, მკვლელია თურმე და ის თავისი ღამეული ციმციმიც გამრავლების ინსტინქტია მხოლოდ და სხვა არაფერი. ხომ ხდება ხოლმე, სიმართლე იმდენად მწარეა, არ გინდა, თვალი გაუსწორო, გინდა, გჯეროდეს, რომ ის, რაზედაც ოცნებობდი, ან გნამდა, რომ სუფთა და შეურყენელი იყო, ასეთად დარჩეს, რა ძნელია, ასეთ დროს სიმართლეს თვალი გაუსწორო. ახლა ვხვდები, რატომაც დაითხარა თვალეი ოიდიპოსმა... მე კი ციციინათელაზე ვწერ, აი, იმაზე: საკუთარი ციმციმით მამრს მოსაკლავად რომ იტყუებს — მისი ცხოვრების წესია ასეთი, ვერაფერს შეცვლის და მეც ვერ ვცვლი ჩემი ცხოვრების დადგენილ წესს, თუნდაც სულელურს: ციციინათელები ზაფხულის ღამის ჭორფლებია მხოლოდ, მე ხომ ასე მწამს, ამგვარად ვხედავ — და რა აზრი აქვს ასეთ დროს სიმართლეს, ასე მგონია, ცხოვრების პარადოქსულობა ამ ერთმა პანანა მწერმა დაიტია საკუთარ ციმციმში, მე ციციინათელაზე ვწერ.

IV-V





1. მოქმედი

არც კი გარბოდა. მთავარი მოვლენები მისი პოზიციისგან მოშორებით — შეტყვის მარცხენა ფლანგისკენ ცდილობდა განვითარებას. ისიც, ცენტრის ხაზთან ნაშიერად შეყოვნებული, ამ მცდელობას გასცქეროდა, როცა დაეცა. პირველებმა ეს მეზობელმა მცველმა და შეკარემ შენიშნეს. მეორედ საჯარიმო ოთხკუთხედის მიტოვება გონივრულად არ მიიჩნია. უშუალო კოლეგა კი მაშინლა მიუახლოვდა, როცა მიხვდა, რომ თავისით ნამოდგომას არ აპირებდა. დახედა და ეგრევე ხელეობს ქნევა დაიწყო. ამასობაში ბურთი მოედინიდან გადაგორდა და საქმეში ჩართულმა მსაჯმაც ენერგიული ყესტით შემოიხმო ექიმები. იმათ დამატებითი დახმარება მოითხოვეს. მალე ევაკუატორიც გამოჩნდა.

2. ტელევიზორი

მგონი, რალაც სამინელება ხდებაო, იმეორებდა ტელეკომენტატორი. თუმცა ფეხბურთელი რომ გაიყვანეს, ფერების გალიაება სცადა — იმედია, ყველაფერი კარგად დამთავრდება, რადგან რაიტი, თუ არ ვცდები, უკვე გონზე მოვიდაო.

საინფორმაციო გამოშვებამ დაახლოებით ერთ საათში გააქარწყლა მატჩის კომენტატორის დაახლოებით ერთი საათის წინანდელი იმედები.

— დაახლოებით ერთი საათის წინ ტრანგედი დატრიალდა ინსექტარენაზე, — თქვა შენუხებულმა დიქტორმა, რომელსაც შეიძლება ადრეც გავიგონა გამოსაცხადებელი სახელი და გვარი, — ეროვნული საფეხბურთო ჩემპიონატის კალენდარული მატჩის მსვლელობისას მოულოდნელად „ენტისის“ მარჯვენა მცველი მარკ... მაიკ რაიტი გარდაიცვალა. ექიმებს ჯერჯერობით არ განუცხადებიათ ფეხბურთელის სიკვდილის გამოშვები შესახებ...

3. აქსპერტიზის ბიურო

ექიმებმა მაიკ რაიტის სიკვდილის მიზეზი ვერც მოორე, ვერც მესამე და ვერც რომელიმე მორთველი დღეს დაასახელეს. თუმცა რამდენიმედღიანი ექსპერტიზის შემდეგ ბევრი რამის დასკვნა შეიძლება. მაგალითად, იმის, რომ:

მაიკ რაიტის სიკვდილი არ გამოუნვევია გულის ტაქიკარდიას. მაიკ რაიტის სიკვდილი არ გამოუნვევია მიოკარდიუმის გენეტიკურ არითმოგენურ პათოლოგიას. მაიკ რაიტის სიკვდილი არ გამოუნვევია კორონარების ანატომიურ ანომალიას. მაიკ რაიტის სიკვდილი არ გამოუნვევია თრომბოემბოლიას. მაიკ რაიტის სიკვდილი არ გამოუნვევია ანევრიზმას. მაიკ რაიტის სიკვდილი არ გამოუნვევია ინსულტს. მაიკ რაიტის სიკვდილი, მით უმეტეს, არ გამოუნვევია ავთვისებიან სიმსივნეს, კოვიდის რომელიმე შტამს, ციროზს, ნეფრიტს, პნევმონიას, ჰაიმორიტს. მაიკ რაიტის სიკვდილი, რა თქმა უნდა, არ გამოუნვევია სუიციდს, ბუნებრივ კატასტროფას, საგზაო შემთხვევას, სამხედრო ოპერაციას, ავთვალს და კიდევ უამრავ რამეს.

ყველაზე თვალსაჩინო და დამაჯერებელი კი მაინც ეს დასკვნა იყო: ყოველივე ზემოთქმულის მიუხედავად, მაიკ რაიტი გარდაიცვალა.

4. ცა

— თქვენ ჯოჯოხეთში მოხვდებით! სპეცაგენტები თავჩაქინდრულები იდგნენ. შეფი სავარძელში ბობოქრობდა. — თქვენი ადგილი იქ არის — ქვაბებთან! ურთიერთ კავებები ცოდვილები და ისუნთქეთ კუპრის ოსშივარი!.. მარადიულად!..

სპეცაგენტებს მხრებიც არ შესტოკებიან — რომ გეფიქრა, საზარელმა პერსპექტივამ თუ არ შეაძრუნა, ააღლევა მაინცო. უფრო იმას იეჭვებდა, ასეთ მუქარას პირველად არ ისმენენ და, შესაბამისად, გაცილებით უფრო ნათელი მომავლისა სჯერათო. თუმცა შეფი, რომელსაც, წესით, ამ საქმეში ხელქვეითებზე მეტი გამოცდილება უნდა ჰქონოდა, დაცხრომას არ ჩქარობდა. ნუ გამოვირცხავთ — როლი ჰქონოდა ჩასამთავრებელი.

— აქამდე რომ არ მოგთხოვეს პასუხი, ვინიცის, იფიქრეთ — ჩაგვიარაო! ექსპერტიზის დასკვნებს ველოდებით! იქნებ რამე მიზეზი მოსჩვენებოდეთ! ეჭვი მაინც გამოეთქვამთ ისეთი, რომ ჩაგვლაუჭბოდი და აქედან პედალი მიგვეცა! მაგრამ არაფერი მაგისთანა — ამჯერად! პირდა-



6. საქალაქეები

პირ განაცხადეს — აზრზე არა ვართ, ბატონო! სულ დაკარგეს თავმოყვარეობა! იქაც!.. ამ დროს, ყველა ასხნას მოითხოვეს და განმარტებას! და თურმე მარტო მე უნდა ვიხალო თავში!.. როგორ გეკადრებათ! ვერ მოგართვით! ახლავე დასხდებით და დაწერთ მაგ ასხნა-განმარტებას! ორივე! ყველაფერს დეტალურად ჩამოყრით! და ვაი თქვენს ტყავს, თავი თუ ვერ იმართ!.. თუმცა რით უნდა იმართლოთ?! რამ უნდა გიშველოთ?!.. გადიო!

კაბინეტიდან გამოსულმა სპეცაგენტებმა თავები ასწიეს და, როგორც იქნა, თვალები გამოაჩინეს. თვალებმა კი, თავიანთ მხრივ, უკვე ზუსტად გამოაჩინეს, რომ მათ პატრონებს რამის კი არ ეშინოდათ — რალაც ეზარებოდათ.

5. სასაფლაო

მაიკ რაიტის საფლავის ქვაზე გასმული დეფისი სულ რალაც 25 წელიწად იტევს. ქვასთან დაახლოებით ამავე ასაკის ქალი ჩამუხლულა და ტირის. ტირის მოთქმით, სახის ხოკვით, მინაზე თავცემით. ტირილი ტურქებსა და ტურქებიდან ამომავალ სიტყვებს უბრეცს. თუმცა გარჩევა მაინც შეიძლება.

— რეტემ?! — კითხულობს ქალი. მაგრამ ასეთი ნატურალიზმი ალბათ, დაცინვად თუ არა, უსულგულობად მაინც ჩამოგვერთმევა. ამიტომ ჯობია, ქალის ხმით ნატირალი ჩვენი სიტყვებით გადმოვცეთ. ჩვენი სიტყვებით, ქალს მაიკი უყვარს და ენატრება. თუმცა ნატირალის ლაიტმოტივი მაინც სხვა რამეა.

რატომ? ქალს აინტერესებს, რატომ მოკვდა მაიკი, რომელიც საუკეთესო ადამიანი და, შესაბამისად, ყველაზე დიდხანს სიცოცხლის ღირსი იყო და რომელსაც, რაც თავიარა, ამისი არანაირი საფუძველი არ ჰქონდა. ან მანქანა დასჯახებოდა, ან ტყვია მოხვედროდა, ან მეხი დასცემოდა... იმას კი მრავალდღიანმა ექსპერტიზამაც ვერ დაუდგინა სიკვდილის მიზეზი.

უფრო ზუსტად, ქალს კი არ აინტერესებს ეს, ქალი პასუხს მოითხოვეს ამაზე — ყველასგან და ყველაფრისგან, რაც შეიძლება, ან არ შეიძლება, სიკვდილ-სიცოცხლეს, სააქაო და საიქაო ამბებს, სამყაროს ნესრიგს ან უნესრიგობას მართავდეს.

— რეტემ?! რეტემ?! რეტემ?! — კითხულობს ქალი მანამ, ვიდრე ძალა თუნდაც დაბრეცილი სიტყვების ამოთქმისთვის ჰყოფნის. მერე უკვე უსიტყვო მოთქმა, სახის ხოკვა და მინაზე თავცემა აზანზარებს ცას. ისიც საკვირველია, საერთოდ რომ არ ამსხვრევს და ნაწილ-ნაწილ დაბლა არ ჩამოაქვს. თუმცა ორი ნატეხი კი ვარდება ტრიალ-ტრიალით და პირდაპირ მაიკ რაიტის საფლავის ქვასთან ეცემა.

ქალი ერთ საქალაქედს იღებს. ჯერ ამაოდ დაჰყურებს. მერე კი, როცა ცრემლიან თვალებს მაჯებით ნაწილობრივ ამოინმენდს, გაჭირვებით ამოიკითხავს: სიკვდილის განყოფილება სპეცაგენტი იქსი ასხნა-განმარტება

მაიკ რაიტის საქმესთან დაკავშირებით მეორე საქალაქედსაც თითქმის იგივე აწერია. მხოლოდ იქსია შეცვლილი იგრეკით.

ქალი საქალაქედებს აკანკალებული ხელებით მკერდზე იკრავს და გარბის.

„უპირველეს ყოვლისა, მოგახსენებთ, რომ მეც და ჩემს მენეჯერსაც (სპეცაგენტი იგრეკი) ღრმად გვაქვს შეგნებული და გათავისებული სპეცაგენცილების როლი და მნიშვნელობა ისეთ ღირსეულ საერთო საქმეში, როგორც სიცოცხლის გარკვეული ფორმების ცხოვრების დაგვემისა და მართვისას გაპარული და მოგვიანებით მოულოდნელად წარმოჩენილი ხარვეზების დელიკატურად აღმოფხვრა. შესაბამისად, ყოველთვის პასუხისმგებლობითა და შემართებით ვეკიდებით დაკარგულ მოვალეობას ზოგადად, და თითოეულ დავალეობას კონკრეტულად, რითაც, ვიმედოვნებთ, ჩვენი მცირედი წვლილი შეგვავსს საერთო სიცოცხლის არსებული სისტემის მდგრადობის შენარჩუნებაში.“

შესაბამისად, მეც და ჩემი მენეჯერიც (სპეცაგენტი იგრეკი), რა თქმა უნდა, ზუსტად ასეთივე განწყობით შევგებეთ დაკარგულ მორიგ მისიას, სახელწოდებით „მაიკ რაიტის მოკვდინება“.

„მისიის შინაარსი და ვადები ერთმანეთთან მაშინვე იმდენად შეუსაბამოდ მომეჩვენა, რომ ეს დაუყოვნებლივ და ხმაელა აღვნიშნე. სპეცაგენტი იქსი ეჭვიან მზერაზე ეტყობოდა, რომ მეთანხმებოდა.“

„ამის საპასუხოდ მე და ჩემს მენეჯერს (სპეცაგენტი იგრეკი) ნათლად და დაბეჯითებით განგვიმარტეს, რომ სინამდვილეში სწორედ ასეთი განსაკუთრებული შემთხვევებისთვის არის შექმნილი ჩვენი განყოფილება ზოგადად და სპეცაგენტის თანამდებობა კონკრეტულად, ხოლო მისიისთვის გამოყოფილი დრო აბსოლუტურად საკმარისია იმისთვის, რომ ორმა პროფესიონალმა სპეცაგენტმა მას წარმატებით გაართვას თავი.“

ამის შემდეგ მე და ჩემს მენეჯერს (სპეცაგენტი იგრეკი) გულმოდგინედ და დაწვრილებით შეგვახსენეს ჩვენი სამაყო პროფესიული წარსული ზოგადად და მრავლობითი წარმატებული მისიები კონკრეტულად.“

„ჩვენს პროფესიულ თავმოყვარეობაზე აქტიური პედალირების მიუხედავად, მე, და პრინციპში სპეცაგენტმა იქსმაც შეუსაბამოდ მივიჩნიეთ ობიექტ-ადამიანის დაუგეგმავი სიკვდილის გათანაბრება ისეთ მისიებთან, როგორებიცაა მოხუცის ქუჩაზე გადაყვანა, ხიდან მხდალი კნუტის ჩამოსხნა, მამლის დაყვილების მომენტის დროში გადაწევა-გადმოწევა და ასე შემდეგ.“

„მე და ჩემმა მენეჯერმა (სპეცაგენტი იგრეკი) ერთხმად ვაღიარეთ ზემოთ ჩამოთვლილი მისიების მნიშვნელობა და საპატიობა, თუმცა იქვე აღვნიშნეთ ახალი დავალების გარკვეული დამატებითი სირთულე; კერძოდ, ის, რომ ობიექტ-ადამიანის მოკვდინების პროცედურა, რომელიც, მიზეზთა გამო, თავის დროზე ანუ ობიექტ-ადამიანის დაბადებამდე დეტალურად ვერ გაიწერა, ნებისმიერ შემთხვევაში საჭიროებს გარკვეულ მოსამზადებელ სამუშაოებს. ამას გარდა, ასეთი მისიის წარმატებით შესრულებას უნდა დაეხმაროს თავად ობიექტიც — ვთქვამთ, ძალიან სუსტი ჯანმრთელობით, მავნე ჩვევებისადმი ძლიერი მიდრეკილებით, ლამაზობით თხრილებთან ქუჩებში ხეტიალის სიყვარულით ან/და სხვა მსგავსი ნიშან-თვისებებით. ხელმძღვანელობამ ჩვენი მოსაზრებე-

ბი ყურადღებით მოისმინა, თუმცა ბოლომდე არ გაიზიარა.“

„მივხვდი, რომ არავინ გვისმენდა. შესაბამისად, კამათი უაზრო კი არა, მანებელიც ხდებოდა, რაკი მისიისთვის მოცემული ისედაც მცირე დროს კიდევ უფრო გვიცოტავებდა. ამიტომ ან პირდაპირი უარი უნდა გვეთქვა მისიაზე, რა თქმა უნდა, ჩვენი კარიერისთვის მოსალოდნელი უმძიმესი შედეგის გათვალისწინებით, ან სასწრაფოდ უნდა დაგვეწყო დავალების შესრულების ცდა.“

„ზოგადი გაიდლაინის თანახმად და კონკრეტული ამოცანიდან გამომდინარე, პირველ რიგში, ობიექტის (მაიკ რაიტი) ჯანმრთელობის მდგომარეობა და ცხოვრების წირი შევისწავლეთ. ვერ ვიტყვით, რომ შესწავლის შედეგად მოპოვებული მონაცემები მისიის მიზნისთვის ზედგამოჭრილი აღმოჩნდა. ობიექტის (მაიკ რაიტი) ფიზიკური ორგანიზმის მდგომარეობა და ცხოვრების წირი მაინცდამაინც დიდ იმედებს არ იძლეოდა.“

„რომელ სწრაფ სიკვდილზე შეიძლება და საუბარი, როცა ობიექტს არ ჰყავდა ცოლი და ერთგული მეგობრები, არ სვამდა, არ ეწეოდა, არ ეტანებოდა ნარკოტიკს, იყო უკიდურესად ჯანმრთელი და, როგორც უკვე ყველამ იცის, სპორტსმენიც კი.“

„ზოგადი გაიდლაინისა და კონკრეტული რთული ვითარების შესაბამისად, გადაწყვიტეთ, მაინც ამოგვეწერა ფიზიკური ორგანიზმისთვის დამახასიათებელი ავადმყოფობების თემა. ამისთვის გამოვითხოვეთ იმ მყისიერად მომაკვინებელი დაავადებების ჩამონათვალი და ეფექტიანობის მაჩვენებელი, რომლებიც კაცობრიობას უახლოეს მომავალში უნეცს. და ვინცეტი განხილვა — ხომ არ შეიძლება რომელიმე მათგანის ჩართვა მისიის წარმატებით დასრულების საქმეში. ერთი შეხედვით, ამისთვის კაცობრიობის საცხოვრებელ არეალში დაავადების შეტანის თარიღის მცირედით წინ გადაწევა იკმარებდა.“

„მაგრამ აღმოჩნდა, რომ კაცობრიობის უახლოესი მომავლის ყველა დაავადება, რომელსაც სიკვდილის გამოწვევა სწრაფად შეიძლება, ვირუსული და იოლად გადადებია. ამიტომ რაიტისგან, რომელთან კონტაქტსაც მისი დაცემიდან კარგა ხანს არ მოერიდებოდნენ, ის უამრავ ადამიანს შეხვედებოდა და დაუგეგმავად მოკლავდა.“

„ამის შემდეგ, ზოგადი გაიდლაინისა და კონკრეტული საჭიროების შესაბამისად, გამოვითხოვეთ იმ ცოცხალი და არაცოცხალი პოტენციურად დამხმარე ელემენტების საქმეები, რომლებთანაც ობიექტს (მაიკ რაიტი) უშუალო შეხება ჰქონდა ან უახლოეს მომავალში ექნებოდა. რასაკვირველია, ეს გავაკეთეთ იმის იმედით (მცირე იმედით), რომ პოტენციურად დამხმარე ელემენტების თავგადასავლების სცენარებში ვიპოვიდით თვალსაჩინო ხარვეზებს, თეთრ ლაქებს, წინასწარ დაუგეგმავ ადგილებს, რომლებსაც საჭიროებისამებრ შევავსებდით; ან უმნიშვნელო ეპიზოდებს, რომლებსაც ისე გადავაკეთებდით, რომ იმათ ყოფაში სერიოზულად არაფერი შეიცვლებოდა, მაგრამ სამაგიეროდ, ობიექტს (მაიკ რაიტი) გაუწყინებდით საჭირო გზას.“

„პოტენციურად დამხმარე ელემენტების თავგადასავლებში მსგავსი ვერაფერი აღმოვაჩინეთ.“

„დრო კი, როგორც ზოგადად, ისე იმ კონკრეტულ პერიოდშიც, გადიოდა. მალე ობიექტის (მაიკ რაიტი) საფეხბურთო კლუბი „ენტისი“ საკუთარ სტადიონზე „მესკიტოსს“ შეერკინებოდა. შესაბამისად, გუნდი ინსექტარენაზე დროის ლოკალური სისტემის მიხედვით დაახლოებით 1 საათში უნდა შეკრებულყო. ობიექტი (მაიკ რაიტი) ბოლო ხანებში ქალაქის ვარუდისაში, ტბასთან კერძო სახლს იშენებდა. მანამდე კი სტადიონთან ახლოს 5-ვარსკვლავიან სასტუმრო „ვეტპოტელში“ ცხოვრობდა და საშინაო მატჩებზე ფეხით გადადიოდა ხოლმე. ამას, დროის ლოკალური სისტემის მიხედვით, მაქსიმუმ 10 წუთს ანდომებდა. იმ მომენტშიც სასტუმროში იმყოფებოდა და სავარაუდოდ, დროის იმავე სისტემის მიხედვით, ასე, 50-ოდ წუთს კიდევ დარჩებოდა.“

„50 წუთში ჩვენი რამდენიმე იდეის მოფიქრება, განხილვა და უარყოფა ან რეალიზების ცდა მოვასწარი.“



„პირველად მძარცველის შეჭრა-თავდასხმის ვარიანტი განვიხილეთ. ობიექტი (მაიკ რაიტი) საკმაოდ შეძლებულად ცხოვრობდა. პროფესიაში ვარსკვლავები არასდროს მოუწყვეტია, მაგრამ მაინც ფეხბურთელი იყო, რაც კაცობრიობის ლოკაციის უდიდეს ნაწილში, რატომღაც, ნორმალურ ფინანსურ შემოსავალს გულისხმობს. ასე რომ, არ იქნებოდა არაბუნებრივი, თუ ვინმე მის გაძარცვას შეეცდებოდა, თავმოყვარე სპორტსმენი კი მოძალადეს წინააღმდეგობას გაუწევდა და იმ თავმოყვარეობას სიცოცხლის ფასად გადაირჩენდა.“

„თავისუფალი მომავლის მქონე მძარცველი ვერ მოიძებნა.“

„მისი როლი რომელიმე ჩვენგანს უნდა შეესრულებინა.“

„მაიკი, რომელიც ძვირფას სასტუმროში ცხოვრობდა, ბევრს იხდიდა არა მხოლოდ ცხოვრებისთვის, არამედ — უსაფრთხოებისთვისაც.“

„როლის შესრულება ჩემმა მეწყვილემ (სპეციაგენტი იგრეკი) ითავა.“

„ვებპოტელში“ შეღწევა მაინც ვცადე, მაგრამ ლამის ჰოლომეტი ვაგები. თავის მოსულელება და მერე ფეხების სისწრაფის გამოყენება დამეჩინა.“

„ამის შემდეგ ობიექტის (მაიკ რაიტი) ფანჯრები მოვძებნეთ. ადამიანი იმათ ვერ მიუდგებოდა — ვერც უშუალოდ, ვერც სხვა იარაღით, გარდა ერთისა. საბრძოლო დრონი ავაფრინეთ.“

„პარალელურად მიმდინარე კვლევით გაირკვა, რომ ქვეყანაში ყველა დრონი და მისი ოპერატორი აღრიცხული იყო. ანუ აღრიცხვა დრონით დაბომბვა გაუხსნელი საქმის ადგილობრივი პოლიციისთვის შეტენვას ვერ გადაივლიდა და აუცილებლად რომელიმე მეზობელი ქვეყნის სპეცსამსახურს დაჰპრალდებოდა. ამას კი შეეძლო, დაუგეგმავად არა მხოლოდ რამდენიმე ადამიანის, რამდენიმე ქვეყნის ბედიც კი შეეცვალა. დრონი დაესვით.“

„კარგა ხანია, სპეცოპერაციისას გველი არ გამოგვიყენებდა. კერძოდ, მას შემდეგ, რაც ერთ-ერთ ობიექტს (თავადი ი.ჭ.) გადავუგდეთ ეზოში. მაშინ ქვეწარმავალს თავი გაუჭყყყეს, მისი ეზოში გადაგდება კი ადგილობრივ გლეხებს დაჰპრალდა. სხვანაირად რომ ვთქვათ, ოპერაციამ არ გაამართლა. შესაბამისად, აღარასდროს გავვიმეორებთ. მაგრამ ახლა ბევრი არჩევანი არ გვქონდა.“

„უკვე ზუსტად ვიცოდი — „ვებპოტელში“ გველს კი არა, ჭიანჭველას ვერ შეაპარებდი.“

„ამიტომ ორი მშვენიერი გიურზა სასტუმროს კარის სიახლოვეს, გაზონზე გავუშვი. რალაცნაირად ვიზამდით, რომ ობიექტს (მაიკ რაიტი) სასტუმროდან გამოსვლისას რომელიმესთვის ფეხი დაედა. აღარ გავიმეორებ, რომ ეს საფრთხის ქვეშ აყენებდა სასტუმროს პრესტიჟს, რასაც შეეძლო გარკვეულწილად ემოქმედა პერსონალის მომავალ ბედზე, მაგრამ რა გვექნა?“

„ვებპოტელის“ პერსონალის სასახლეოდ აღმოჩნდა, რომ არამხოლოდ შენობა, გარე პერიმეტრიც მაგრად კონტროლდებოდა. გველები დამლაგებელმა იპოვა და დაცვას მიუთრია. დაცვათ ხელმძღვანელობასთან იამაყა. თუმცა გარეთ ეს ამბავი არ გაუტანიათ. გველები ჩუმად დახოცეს და, რაკი მენიუში არ ჰქონდათ, რესტორნის ლუმელში გაანადგურეს.“

„აბაზანაში გაგუდვაზე დაგვიქრდით.“

„შხაპიც არ გადაუღლია.“

„ამასობაში ობიექტი (მაიკ რაიტი) სასტუმროდან გამოვიდა, უგველო გაზონი გადმოიარა და სტადიონისკენ მიმავალ ქუჩას გაუყვა. შეეცვადეთ, სასწრაფოდ რაიმე საფეხმავლო ხიფათი მოგვეფიქრებინა.“

„ენტისის“ იმდღევანდელი მეტოქის დისკვალიფიკაციის გამო, „მესკიტოსის“ ქომაგებს მატჩზე დასწრების უფლება არა ჰქონდათ. ამიტომ ქალაქის ქუჩებშიც არ ჩანდნენ. სტადიონის მიმდებარე ტერიტორიას კი მაინც ბლომად პოლიციელი აკონტროლებდა. რაიტი უსაფრთხოება სასტუმროდან სტადიონამდე ამ მხრივ დაცული იყო.“

„სწრაფად გადავირბინეთ ვარიანტები: მანქანის დაჯახება, კედლიდან ჩამოვარდნილი აგურის თავში დაცემა, საკანალიზაციო ჭაში ჩავარდნა.“

„მანქანის მძღოლი, სამშენებლო კომპა-

ნიის მფლობელი და წყალკანალის სამსახურის ხელმძღვანელი პირები ვერსად დამალებოდნენ. მკაცრად დასჯა არ ასცდებოდათ, რასაც ვერ დავუშვებდით.“

„ამრიგად, ობიექტმა (მაიკ რაიტი) სტადიონზე შეგვეასწრო.“

„გასახდელი მიუდგომელი ადგილია.“

„დაგვრჩა მოედანი.“

„უბურთოდ.“

„ლამის კიდევ ერთხელ გააქტიურდა დრონის თემა; ოღონდ ამჯერად — ტელეკამერიანი დრონისა. რა თქმა უნდა, მას არც რაკეტა უნდა ესროლა და არც — ტელეკამერა. ის თვითონ უნდა ჩამოვარდნილიყო პირდაპირ ობიექტზე (მაიკ რაიტი).“

„ტექნიკური ხარვეზით ვერ ჩამოვადგებდით — მთელ გადამღებ ჯგუფს დაიჭედნენ.“

„ვიფიქრეთ, დრონს მეხი დასცემოდა, შემდეგ კი წყოზიდან გამოსული დრონი თვითონ დასცემოდა ობიექტს (მაიკ რაიტი).“

„მაგრამ იქ მყოფი დანარჩენი ადამიანების ბედ-იბლები მოწმენდილ ცას ითვალისწინებდა. მოწმენდილი ციდან მეხის დაცემა კი მოწმენდილ ცაზე მეხის გავარდნასთან გაუგებარი იქნებოდა.“

„ცისა რა გათხრათ, ჩვენს მდგომარეობას კი უკვე ნაკლებად მოეკითხებოდა ადეკვატურობის სკრუპულოზურად დაცვა. ამიტომ დავიწყეთ ცის პერიმეტრის თვალთვლება და ახლოს მყოფი ღრუბლების მოძიება. შესავლად ერთი-ორი უხმო ელვაც გავკვლავებთ.“

„ამასობაში გავარკვიეთ, რომ თამაშს მხოლოდ შტატივიანი ტელეკამერები იღებდა. მატჩის უმნიშვნელობის გამო დრონზე უარი ეთქვათ.“

„რაკი ღრუბლების მოზიდვა უკვე დაწყებული გვქონდა, მეხის არა შუალედური, არამედ პირდაპირი მოქმედების ვერსიაც განვიხილეთ.“

„პირდაპირი მეხი სახიფათო იყო. მით უმეტეს, ამასობაში უკვე ნამოგონინკლეთ. სველ მიწებზე დაცემული მეხისგან მართო ერთი ფეხბურთელი არ დაშვებოდა.“

„გაგვასვენდა არწივი, რომელიც მაშინ, ღრუბლების ძებნისას შევინძნეთ. მეხის იდეის დაწინების შემდეგ ფრინველი თავიდან მოვძებნეთ, ბრჭყალებში კუ მივეცი და სტადიონისკენ ვაფრინეთ.“

„არ იყო პატარა გზა. არც კუს ბაკანია ბრჭყალებით მოხერხებულად დასაჭერი. არწივი უძახე და დაილალა გზაში. კუ სტადიონამდე გაუსხლტა ბრჭყალებიდან. კიდევ კარგი, ქვევით მხოლოდ ბზის ბუჩქები იყო, ბზის ბუჩქებში კი — არავინ.“

„გვემა სასწრაფოდ დავაკოორდირეთ და არწივს ობიექტზე (მაიკ რაიტი) პირდაპირი თავდასხმა შევუკვეთეთ. ფრინველი იმხელა არ იყო, ობიექტი (მაიკ რაიტი) მოედნიდან აეტაცებინა, ბუდეში წაელო და მართვეებისთვის დაეძიძგნა, მაგრამ რამეს მაინც დაუშვებდა და სულ არაფერს სჯობდა.“

„უცხო ქალაქის თავზე ფრენამ, მერე კი რალაც ოთხკუთხედის გარშემო ოვალად შემორტყმული ამდენი ადამიანისა და ერთი ბურთის მადევი 22 კაცის დანახვამ დაღლილი არწივი კიდევ დააბნია. ფრინველს თვალები სახიფათოდ აუჭრელდა. ამ დროს, „მესკიტოსის“ ფეხბურთელებს უფრო გამოკვეთილი, კაშკაშა მანურები ეცვათ, ვიდრე ენთსელებს. გაჩნდა საფრთხე, არწივს რაიტიც ნაცვლად საერთოდ სხვა გუნდის წევრი ემსხვერპლა. ძლივს მოვაშორეთ იქაურობას.“

„ამის მერე იყო, მოედნის მისადგომებთან ცოფიანი ძაღლი რომ გამოჩნდა.“

„ოთხი დაკბენილი სტიუარდი მალევე აიცრა. ახლა კარგად არიან.“

„რალა უნდა გვექნა? კორიდის ხარს ვერსაიდან გავაჩენდით.“

„ისიც ალბათ მესკიტოსელების კაშკაშა მანურებისკენ გაიწვედა.“

„ობიექტს (მაიკ რაიტი) ახლა ტყვია თუ გააჩერებდა.“

„მაგრამ ტყვიით მოკვდინება გამოინვევდა დაუსრულებელ გამოძიებას და ინსექტარების გაურკვეველი ვადით დისკვალიფიკაციას, რაც დაუგეგმავად და უხეშად იმოქმედებდა უამრავი ადამიანის ბედზე.“

„ამ დროს, როცა უკვე თითქმის აღარაფერს ველოდით, კოლეგებისგან გარკვეული დადებითი სიგნალი მოვიდა. კერძოდ, მათი კოლეგური მონადინებისა და ძალისხმევის შედეგად, შესაძლებელი გახ-

და თამაშში „მესკიტოსის“ ყველაზე აგრესიული მოთამაშის, შემტევი ჯეისონ ჯოპლინის ჩართვა.“

„ჯი ჯის პირდაპირ მკვლელობაზე ან მასთან მიმსგავსებულ ქმედებაზე, რა თქმა უნდა, ვერ წავიყვანდით — მის მომავალში ვერანაირად ვერ ჯდებოდა რამდენიმეწლიანი პატიმრობა.“

„მაგრამ რალაც იმედი გაჩნდა. მაგალითად, თამაშის სასურველი გზით წარმართვის შემთხვევაში, შეიძლებოდა ჯეისონ ჯოპლინისა და ობიექტის (მაიკ რაიტი) შეჯახება, რასაც რალაცნაირად შევანმენდილი ხელეხს. ბოლოს და ბოლოს, იქნებ თვითონ გამოუვლდ მდგომარეობაში ჩავარდნილ ექიმებს ამ შეჯახებისთვის დაეზრალეზინათ ობიექტის (მაიკ რაიტი) გარდაცვალება.“

„ეტყობა, ჩვენი პარტნიორები თამაშის ცქერით გაერთნენ და სიფხიზლე მოადუნეს. უყურადღებოდ დატოვებულმა ჯი ჯიმ ვერ მოითმინა და სანამ მოედანზე მაიკ რაიტს გადაეყრებოდა, მანამდე დაამტვრია „ენტისის“ შემტევი ვილი ნაითლი, რისთვისაც მოედნიდან ნითელი ბარათით გააძევეს.“

„აქვე დავძენ, რომ საბედნიეროდ, „ენტისის“ თავდამსხმელის (ვილიამ ნაითლი) ტრავმა სერიოზული არ აღმოჩნდა და მიუხედავად იმისა, რომ საკაცით გაიყვანეს, მოედანზე დაბრუნება შეძლო. რაც მთავარია, საჭირო არ გახდა მისი ბედის გადაწყობაზე ზრუნვა.“

„მისიისთვის განკუთვნილი ვადა, პრაქტიკულად, ამოიწურა.“

„თვითნებობა და ვადის გადაცილება მე და ჩემს მეწყვილეს (სპეციაგენტი იგრეკი), ზოგადად, არასდროს დაგვიშვია. კონკრეტულ შემთხვევაში კი დროს ლოკალური სისტემის მიხედვით ულ რამდენიმე წამში უკვე მორიგ მისიაში გვიწვედა ჩართვა. სხვა გზა არ ჩანდა. მისიის გადასარჩენად ოპცია „სხვა გზის უქონლობა“ უნდა აგვემოქმედებინა.“

„ერთმანეთს შევხედეთ, ჩვენ-ჩვენი პულტები მოვიმარჯვეთ და ორივემ ღილაკ „სგუ“-ს დავაჭირეთ თითები.“

**7. სიზმარი**

შეყვარებულის სიკვდილის მერე ეს ქვეითის პირველი სიზმარი იყო, რომელშიც მაიკი პირადად არ მონაწილეობდა. თუმცა თემა გარკვეულად.

ქეთიმა სპეციაგენტი იქსისა და სპეციაგენტი იგრეკის დანახვისთანავე იგრძნო, რომ ეს ქმნილებები, რომლებიც ახლა უშედეგოდ ცდილობდნენ, თავიანთ ნაკლებად მინიერ გამომეტყველებაში ადამიანური თანაგრძნობის ნიშნები შეეკვეხებინათ, სპეციაგენტი იქსი და სპეციაგენტი იგრეკი იყვნენ. ამის შემდეგ ქეთიმა კიდევ რამდენიმე რამე იგრძნო ერთად. სიზმარში, ზოგადად, გრძნობების ნიუანსურად გაშიფვრა ძნელია. ამიტომ საქმე გავიმარტივეთ და იმ ქართული განცდებიდან, რომლებითაც შეიძლება სპეციაგენტებს შეჰყურებდა, ორი გამოვიყოთ: ერთი მხრივ, ქეთის არ შეეძლო, შეყვარებულის მკვლელები არ სძულებოდა, მაგრამ თითქოს თანაუგრძნობა კიდევ მათ იმის გამო, ამ გაუგონარ საქმეში რომ მოუწიათ გარევა და მის ბოლომდე მისაყვანად დიდი ძალისხმევა დახარჯეს. მეორე, სწორედ ამ რალაცნაირი თანაგრძნობით გაუწონდა საქალაქეები — თქვენია და გიბრუნებთო.

სპეციაგენტი იქსმა ორივე საქალაქე ჩამოართვა, ქეთის საპასუხოდ, ლამის უკვე შეკონინტებული თანაგრძნობით დაუკრა თავი და მეწყვილესთან ერთად ცად ამალეება დააპირა. მაგრამ ქეთის შერეული განცდები, ეტყობა, უსიტყვოდ განშორებას არ ითვალისწინებდა.

— ჰო, მაგრამ რატომ? — ცრემლიანად იკითხა მან.

სპეციაგენტი იქსმა საქალაქეებიანი ხელი მექანიკურად წამოსწია — თითქოს აქეთ იკითხა — აბა, ესენი რისთვის წაგაკითხეთო.

— მე ვგულისხმობ — რატომ? რატომ? — თავისი პირველი კითხვა არც ისე ოსტატურად დააზუსტა ქეთიმა.

სპეციაგენტი იქსისა რა მოგახსენოთ, მაგრამ სპეციაგენტი იგრეკი მაინც თითქოს რალაცას მიუხვდა:

— ეგრე ეწერა, — თქვა მან.

— ბატონო?

მგონი, არც სპეციაგენტი იგრეკს გამოუვიდა ოსტატური პასუხი. კიდევ კარგი, ამასობაში სიტყვამრავალი სპეციაგენტი იქსიც გამოერკვა.

— ნამდვილად ეგრე ეწერა, — დადასტურა მან, — როცა მისიის რელევანტურობაში დავეჭვდით, სიკვდილების საერთო გრაფიკიც გამოვითხოვეთ. და ნამდვილად ეწერა შიგ ობიექტის... მაიკ რაიტის სახელიც, გვარიც და გარდაცვალების ზუსტი თარიღიც. უბრალოდ, ეს თარიღი თავის დროზე გამოუპარათ. შესაბამისად, წინასწარ ზომებზეც არავინ იზრუნა და საბოლოო ჯამში ჩვენი თავშისახლელი გახდა... — თან ჯობიდან წარმოუდგენელი ზომის ნივთის ამოღებას ცდილობდა და როცა ბოლოს და ბოლოს გამოუვიდა, ქეთის წარმოუდგენელი ზომის ქალაქის გრაფიკი გაუწონდა, — შეგიძლიათ, ნახოთ.

— ჰო, მაგრამ რატომ? რატომ ეწერა ეგრე? — არ ცხრებოდა უბედური ქალი.

— რა გითხრათ, მის. ეგ ჩვენს განყოფილებას არ ეხება, — მიუგო იქსმა.

— აბა ვის ეხება, ვის?! — ბიუროკრატი-აზე ცალკე გახრახრა ქეთი.

— აი, — ამჯერად იგრეკმა მოიქეცა ჯიბე და იქიდან მომცრო, სავიზიტო ბარათის მსგავსი ქალაქი ამოიღო, — შეეცადეთ, ამ განყოფილებასთან დაამყაროთ კონტაქტი. ბარათმა იგრეკის ხელიდან ქეთის ხელში გადაინაცვლა, ხოლო ქეთის მზერამ — ბარათიდან იგრეკის სახეზე.

— აქ მხოლოდ „სიკვდილის განყოფილება“ წერია... კონტაქტი... ამათთან კონტაქტი როგორ უნდა დავამყარო?

— როგორც ჩვენთან დაამყარეთ.

— ტირილით?... ისედაც სულ ვტირო... რამე განსხვავებულად უნდა ვიტყვო?

— ეგ არ მიგულისხმია. არა მგონია, მაგათ ტირილით მოუღობოთ გული. მეორე კონტაქტზე ვთქვი. დაისიზმრეთ, როგორც ჩვენ.

**8. გზა**

ქეთის სიზმრიდან ახალი გასულები იყვნენ, სპეციაგენტი იქსმა რომ იკითხა: — კი, მაგრამ, იგრეკ, იმათთან როგორ დაამყარებს კონტაქტს? ისინი ხომ არავის ესიზმრებიან. ამათ კი არა, მე არ დამსიზმრებიან არასდროს.

— უნდა მოვახერხოთ, იქს. როგორმე უნდა დავისიზმროთ. რადგან მეც ძალიან მაინტერესებს, რატომ მოგვკალით მაიკ რაიტი.







ნინო მშვიდლობაძე

მიტოვებული თოჯინები

ნუ გამაგონებ:
იმ შავოსან ქალს შვილი მოუკვდაო...
ნუ გამაგონებ:
ის ნვეროსანი მამა შვილს გლოვობსო...
ნულარ დამანახებ მიტოვებულ თოჯინებს,
ღმერთო...
ბენვზე კი არა, ერთმანეთის ქცევაზე ჰკიდია გული,
ერთმანეთის სიტყვებზე, შემოხედვებზე...
ნუ გამეგონოს:
ვაი, შვილოო...
ნუ გამეგონოს:
დედა მოგიკვდესო, შვილო...
ალარ მანახო მიტოვებული სათამაშოები,
ტალახიანი თოჯინები,
მონყენილი ველოსიპედები.
დავიღალე, ღმერთო,
გლოვით და ტირილით დავიღალე
ამ ჩემს ხელისგულისოდენა სამშობლოში...
დედამინის ყვავილები გვიჭკნებიან და
ეს ჭკნობა შეაჩერე,
გთხოვ...
კი ვიცი, ჩვენი უღმერთობის გამოა,
ჩვენი გულცივობის გამოა,
ჩვენი გულგრილობის გამოა,
ყვავილები რომ გვიჭკნებიან,
მაგრამ შეაჩერე, გთხოვ,
ნუ დაგვიობლებ დედამინას უყვავილებოდ,
ნუ დამანახებ მიტოვებულ თოჯინებს,
მონყენილ ველოსიპედებს,
პატარა საფლავს...
გული ბენვზე კი არა,
ერთმანეთის სიტყვებზე ჰკიდია თურმე და
გვასწავლე, სიტყვას რომ ძალა აქვს,
მორიდება გვასწავლე, ღმერთო...
ნუ გამაგონებ: ეს დედა შვილს ჰგლოვობსო;
ნუ გამაგონებ: ამ მამას შვილი ალარ ჰყავსო;
ნუ დამანახებ მიტოვებულ თოჯინებს,
ღმერთო...

\*\*\*

ამომიტანე მარგალიტები
მაგ შენი სულის ხვეულებიდან
და მითხარი, რომ
მხოლოდ ჩემთვის გამოიმეტე...
სულ მისხალ-მისხალ შემეგროვე
სადაფისფერი ნიჟარები.
რბილ ხელისგულზე ქვიშისფერად
გადამატარე სიცოცხლის ხაზი...
სალამობით მიჩურჩულე
თეთრი ლექსები:
ნაოცნებარ ქალაქებზე;
ვერახდენილ ნატვრებზე;
არშემდგარ სიყვარულზე...
მე ჩემსას გეტყვი.
გეტყვი: როგორ გავკადნიერდი
და სიყვარულით ბოლომდე სავსე მოვედი შენთან,
მოგიტანე ჩემი ნილი ბედნიერება...
შენ კი მაგ შენი სულის ხვეულებიდან
მარგალიტები ამომიტანე,
სადაფისფერი ნიჟარები
შემეგროვე და
ჩამავალი მზის ოქროსფერ შუქზე
ხელისგულზე ქვიშისფერად დამანერე, რომ
მე გიყვარვარ!
მოვედი, ზღვაო...

სამქიმრისა
ლანჩხუთში სტიქიას
12 წლის იურიკა გუჯაბიძე ემსხვერპლა

გეძინა მაინც?
მშვიდად გეძინა, შვილო?...
გაუთენებელ ღამეს მაინც თუ შეხვდი
ფერადი სიზმრით?
იქ რა ამბავი აიტანე ნეტავ,
პატარავ???
ღმერთს რა უთხარი:
ჩვენგან ზურგმუქცეულ,
ჩვენგან მიტოვებულ,
ჩვენგან დავინყებულ ღმერთს???
იმედი მაქვს, რომ ტკივილი ვერ იგრძენი,
უფრო ზუსტად, მინდა მჯეროდეს, რომ ვერ იგრძენი,
თითქოს ასე უფრო მშვიდად ვიქნები —
საკუთარ თავს ვუფრთხილდები —
ეგოისტი ვარ.
არ შეგეშინდეს მანდ, პატარავ,
რამდენიმე დღის წინ შოვიდანაც წამოვიდნენ მანდ
ტალახს გამოქცეული ანგელოზები,
მარტო არ იქნები და არ შეგეშინდეს,
ჩვენ გვაპატიე,
ჩვენ — აქ დარჩენილებს,
გვაპატიე, რომ
ცოცხალს ვერ მოგეფერეთ სათანადოდ,
რომ ღმერთი გავაბრაზეთ და უთქვენობით გვსჯის,

ღალი

შენ უსარგებლო ხელები გაქვს,
უმისამართო წერილებს წერ.
არ იციან შენმა ხელებმა ნამდვილი საქმე,
შენს წერილებს კი ადრესატი არასდროს ჰყავთ,
ხელში
მხოლოდ საკუთარი ოცნებები შემოგრჩა,
ახალშედეგებული რძესავით.
რა იციან შენმა ხელებმა ჯაფა,
ყოველი სიტყვა, შენგან გამოსული,
ჰაერში ფარფატებს, რომ იპოვოს ის,
ვისთვისაც ამოთქვი,
ვისთვისაც დაწერე.
რა ფასი აქვთ სიტყვებს,
თუ მათ არავინ ნაიკითხავს,
არავინ გაიგონებს,
რა იციან შენმა ხელებმა
დაღლა,
ჩვილს რომ საფენებს უცვლის დედა,
მის ხელებს ასდის ჩვილის სუნი,
შენ ხელებს მხოლოდ ფურცლების სუნი აქვს,
ან სანერკალმიდან გადმოღვრილი
მელნის ფერი და სუნი.
მელნისფერი თითებით წერ უმისამართო წერილებს,
უადრესათო წერილებს და გინდა, იყვირო,
იოგების დაწყებამდე იყვირო,
რომ
შენი უსარგებლო თითები
ისევე დაექებენ გამართლებას,
როგორც სიტყვები,
რომლებიც ამოთქვი და ახლა ჰაერში ფარფატებენ.
რა იციან შენმა ხელებმა ნამდვილი შრომა?
მხოლოდ მელნის ლაქა რჩება ფერნასულ თითებზე,
როგორც მარტოობის უტყვი და უმზრახი დაღი.

თოლიზა

ცა ქუდად, მინა ქალამნად — არცკი,
თვალეები — ფერად გიშრისფერები.
და სადღაცადან მორეკილ ქარებს
და ვილაცისგან მორეკილ ქარებს,
ვიცი, რომ მაინც მოვეფერები.
ქარებსაც ჰყვანან მარეკები,
ერეკებიან,
მიერეკება ეს ცხოვრებაც ჩემს ნუთებს,
ნამებს,
მე ცა ქუდად მაქვს,
დედამინა ვერ ვიქალამნე,
ფეხშიშველი ვარ,
სულშიშველიც ვიქნები ბარემ...
იმსიდიდოა ყველა ფიქრი,
გაძლება მიჭირს,

ბევრეულია ეს ტკივილიც,
ვზიდავ ეულად...
და გამორეკილ ქარებს მიაქვთ —
აქვთ ამის ნიჭი —
ჩემი სიზმრები,
შიშებისგან ქვად რომ ქცეულან...
ერეკებიან მარეკები ქარებს მუდმივად,
მე დედამინა ქალამნებად ველარ მოვირგე,
დაპატარავდა ჩემი ქუდიც — მომიჭირა ცამ
და თავშიშველიც ვივლი ახლა, ჩემო თოლიგე,
ოლონდაც შენი იარების ვიქცე მალამოდ,
გადაგირეკო წვიმებიც და ღრუბლებიც ციდან,
თუ ქარს გავყვები, გვედრები, არ მომიდარდო,
იქაც შენ ტკივილს მარტოობით დალილი ვზიდავ...
ცა ქუდად მექცა, დედამინა ვერ ვიქალამნე,
ვარ ფეხშიშველი, სულშიშველიც ვიქნები ბარემ...

ქახილი ღვთისმშობელს

ეეჰ, ღვთისმშობელო,
რა მოხდებოდა,
გაზაფხულისფერ მდინარეებს ედინათ ჩემში.
არ ვყოფილიყავ ასე მარტივით არეული დაბადებიდან
და სევდისფერი ტკივილები არ შემეკრიბა...
დრო გაიწელა...
ჰაერიც კი მიჭერს მგონია და
ახლა ისე მეძნელება ღრმად ამოსუნთქვა,
თითქოს ვილაცამ გადამიჭრა ხორხი ლანცეტით.
უფლის დედაო,
ქალი ხარ და უნდა გამიგო...
მძიმე ხვედრია, სხვანაირობდე...
მდინარეები ჩემი სისხლძარღვებია
და გვალვისაგან ვშრები, თითქოსდა...
რა მოხდებოდა, ჩვეულებრივად შემეყვარებოდა...
და არა ასე:
გულმონურვამდე,
ყელში მოხჯენილ ცრემლებამდე,
აკივლებამდე,
როცა კბილებით ვაკავებ ტკივილს,
რომ სივრცეები არ გადაკვეთოს
და დუმილს ვსწავლობ,
სიყვარული რომ არ გაცხადდეს...
ძნელი ყოფილა...
შენც იცი და
მაინც არ მინდა, მხრებჩამოყრილს ვგავდე ბელურას
ნეტა როგორი იყო ზეცა,
შენ როცა იშვი
და როგორი იყო მაშინ,
შენ რომ აჩენდი???
სამყაროს დედავ,
არ დამტოვო მინასთან მარტო,
მომეცი ძალა,
ცის შეხედვის არასდროს შემრცხვეს.



რომ ერთმანეთი დაეკარგეთ და  
ერთმანეთს ვერ ვხედავთ,  
გვაპატიე, კარგო ბიჭო,  
არცკი იცოდი,  
ისე რომ იქეცი გმირად.  
იქ ჩვენგან დავინყებულ ლმერთს უთხარი,  
„ტანჯვით შენდობა შევისყიდეთ“  
დიდი ხანია და ამდენ ტკივილს ველარ გავუძლებთ...  
შენ ხომ გეძინა,  
ჩემო პატარავ?  
ხომ არ გეტკინა???

**ხვარამზე რომ ვიყო**

ნეტავ კი ხვარამზე ვიყო,  
ჩემი სითამამე შეგაცხუნებდა.  
ხან ხევეს ავუყვებოდი,  
ხან ჭიუხებს და არ ვითაკილებდი,  
მონადირე მრქემოდა.  
არ გავიხდიდი საცხენოსნო ტყავ-კაბას  
და ქალურ უნაგირს ვეტყვოდი უარს.  
ნეტავ კი ხვარამზე ვიყო,  
გიშრისფერ დალალებს რომ ჩამოვიშლიდი  
მთვარის სალუქ შუქზე,  
შენზე ოცნებით შევიცურებდი თითებს თმაში და  
ჩამოვივარცხნიდი.  
ერთი მორცხვი გლეხის ქალი ვარ,  
სხვადასხვანაირი თვალებით და  
განიერნესტოებიანი ცხვირით,  
კუთხეში ვდგები ხოლმე,  
რომ არავინ შემამჩნიოს და თუ  
მაინც მომწვდა ვილაცის მზერა,  
თავს მიწამდე ვხრი და ვცდილობ, გავექცი-  
ხვარამზე რომ ვიყო,  
ჩამოგიქროლებდი ჩემი უბელო რაშით და  
თვალი რომ არ მოგეკრა ჩემთვის,  
არცკი შევჩერდებოდი შენ ახლო-მახლოს:  
უნდა გეგრძნო, რომ ჩავიარე.  
გლეხის ქალი ვარ და მარტოობით გადაღლილი  
სანოლისკენ რომ მივიჩქარი,  
ჩემი ქალობა მაშინლა მახსენდება,  
თმასაც ვერ ვიშლი,  
მოვიკვეცი თმები რადგანაც და  
საცხენოსნო ტყავ-კაბის ნაცვლად,  
ჭრელა-ჭრულა ჩითის კაბა მაცვია,  
ფრიალა,  
მოკლე,  
ქარს აყოლილი.  
ხვარამზე რომ ვიყო,  
ისე შემსვამდი,  
როგორც შარბათს და ტუჩებსაც კი გაილოკავდი,  
მაგრამ მე უფრო ძველი ღვინო ვარ,  
ტანინიანი და მშრალი,  
გულზე დაგადგები,  
თუ ჩემი შეჭიდების თავი არა გაქვს.  
ეეჰ, ხვარამზე რომ ვიყო  
არადა,  
ერთი გლეხის ქალი ვარ,  
სხვადასხვა ფორმის თვალებით  
და განიერნესტოებიანი ცხვირით.

**ეპოქის შვილები  
ვისლავა შიმბორსკა ასი წლისაა**

არაფერი იცვლება —  
იცვლებიან მხოლოდ ჩვენი წარმოდგენები,  
თორემ სამყარო ისეთივეა,  
როგორც ჩვენს შექმნამდე იყო.  
დედამინა ისევ ისე აგრძელებს ბრუნვას —  
ჩვენი უფასო ატრაქციონი.  
ცაც ისევ ისე ცარგვალაია, ანუ მომრგვალო...  
სიტყვებიც კი არ ჰკარგავენ მნიშვნელობას,  
მხოლოდ ჩვენ ვამძაფრებთ,  
ჩვენ, რომლებიც  
ინერციით ვმოძრაობთ  
და გვაინყვებდა, რომ მარადიული მხოლოდ დროა.  
და თუკი დროში საზღვრებს ოდესმე ნავშლით,  
მე ვიტყვი, რომ მყავს და,  
რომელსაც ჰქვია უცნაურად არაქართული სახელი —  
ვისლავა  
და რომელიც საქართველოდან შორს,  
პოლონეთში, დაიბადა,  
მაგრამ ჩემი ღვიძლი დაა მაინც, რადგან  
ორივემ ვიცით, რომ არაფერი იცვლება,  
ჩვენი წარმოდგენების გარდა.  
და ორივემ ვიცით, რომ ომებს და სისხლისღვრებს,  
სჯობს „დედამინა სამოქალაქო ტანსაცმელში“.  
და ჩვენი წილი დედამინა ისევ ბრუნავს  
და ჩვენი წილი ცა ისევ მრგვალია  
და ჩვენ ჩვენ-ჩვენი წილი სამშობლოები  
იმაზე მეტად გვიყვარს,  
ვიდრე ვამბობთ.  
საზღვრები როცა ნაშლილია,  
იოლია, თქვა:  
რომ ჩვენ ეპოქის შვილები ვართ —  
აპოლიტიკური ეპოქის პოლიტიკური შვილები!



ალექსანდრე ჯინჭარაძე

**ათასწლეული**

მხოლოდ წარსულის პოეტი ვარ.  
ათასწლეულის ვზივარ სარკმელთან  
და გუაშით მამაჩემს ვხატავ...  
ის კი ჯიუტად  
თმას ისწორებს და მერამდენედ  
დგება სკამიდან.  
ეს ყველაფერი ნამდვილია,  
როგორც ალბათ  
ნამდვილია ყოველი სიტყვა,  
რომელსაც დავწერ!  
მაგრამ ხომ არის,  
რაც არ ითქმის,  
რასაც ვერ დანერ  
და ვერ იტყვი:  
რომ იქნებ არც ერთ მხატვარს  
არ შეუძლია საკუთარი მამის  
დახატვა?!  
რადგან როდესაც მამა  
დგება ხის სკამიდან  
და თმას ისწორებს,  
ამ დროს გრძობს,  
რა უაზროა, რა მცირეა  
ყოველი ფერი  
და ყველა სიტყვა,  
რათა მამის ყელსა და შუბლს მაინც ბოლომდე ასწვდეს.  
განა არა სჯობს,  
საგანგებოდ ჩამოვარცხნილი თმა  
შუბლთან შეუსწორო მომღიმარ  
მამას,  
რომელსაც, ვინ იცის,  
რამდენი ათასი წელი კიდევ  
ველარ შეხვდები?

**ნამიჩემი**

ამათგან რომელია ნამიჩემი?!  
ვიკითხე მე,  
როცა მორიგი რომანი  
დავხურე,  
შუქი ჩავაქრე  
და თბილ საბანში გავეხვიე.  
სარკმელს მიღმა  
ტყე — დედამინის მწვანე ქოჩორი —  
ყვავდა ბნელში  
და მოდიოდა  
ტყის სურნელი,  
ხეების მტვერი  
და რაღაც სულ სხვა,  
უცხო ჰაერი...  
იდგა ზაფხულის მშვიდი აგვისტო.  
მე კი ვიდრე ძილს  
შევასწრებდი  
ჩემსავე სიზმრის ლაბირინთებში,  
გავიფიქრე:  
რომ მთავრდებოდა რაღაცა დიდი,  
რაღაც ისეთი,  
რაც სხვისი იყო,  
მხოლოდ სხვისი.

და მთავრდებოდა საუკუნე  
და იწყებოდა ხვალინდელი დღე,  
ჯერ პატარა,  
როგორც ბარტყის ფრთა,  
თუმცა რახან იწყებოდა,  
მე ვხედავდი, რომ სწორედ ის,  
აი, ის იყო ნამიჩემი!..

**ოლენდრების ალექსანდრე**

თიბავს  
ცხოვრების შემოდგომა  
ამ ყვავილებს,  
ამ მწვანე მინდვრებს,  
ოლენდრების ალექსანდრეს!  
მე ვხედავ ქარის გაყინულ ხელებს  
და ქარნაღებულ ოლენდრებს!  
დიდებულო ნამების ძაფო,  
ცოტაც მედროვე,  
გავაბა თოკი  
ყოფნასა და არყოფნას შორის,  
რომ ზედ გავიდე,  
როგორც კლოუნი  
და დავცინო სიკვდილ-სიცოცხლეს!  
დიდებულო ძაფო ნამების,  
გთხოვ, არ გამიწყდე!  
მზად ვარ ვიტანჯო,  
ოლონდ ვიყო.  
ოლონდ ვაქციო ნამების ძაფი  
ნამთა ძაფებად  
და გორგალებად საუკუნეთა, საუკუნეთა!..

**ელავია ფანქრის ნათალავს**

როცა წვერს ვუთლი  
მე ჩემს ფანქრებს,  
აუღელვებლად,  
მშვიდად,  
უშენოდ,  
მაშინ ვფიქრობ სახლზე,  
ხეებზე  
და კიდევ, კიდევ  
ჩვენი ეზოს შემოდგომაზე.  
რომ შეიძლებოდა,  
ერთ შემოდგომას  
მიმედგა სკამი ამ ხის  
ძირში,  
მინიდან აკრეფილი  
მნიფე ვაშლები კალთაში  
ჩამეწყო  
და ჯერ კიდევ მწვანე ბალახში  
ჩამეთალა ჩემი ფანქარი  
წელი სიმშვიდით,  
სიამტკბილობით...  
იმ მოლოდინით,  
რომ გაიღებოდა  
სახლის კარები  
და გამოვიდოდა ბებო გარეთ,  
რომელიც აუცილებლად  
დახვეტავდა  
ჯერ ოთახებს,  
მერე გრძელ ეზოს  
და ვიდრე ვაშლის ხის ქვეშ  
შემოვიდოდა,  
სწრაფად ავკრებდი  
ფანქრის ნათალავს,  
რომ არც ერთი არ დამეკარგა!  
არ შეიძლება,  
ჩემი ფანქრის ნათალავი რომ ნაგავს მივცე,  
რადგან ეს ჩემი ვერდანეროლი  
სტრიქონებია,  
ჩემი აუხდენელი ბავშვობის ოცნებები,  
რომ მე ოდესმე ამ ჩვენს დიდ სახლში  
თავს მოვუყრიდი  
თორმეტ ოჯახის წევრს  
და გვექნებოდა დიდი ზეიმი...  
და თითქოს ორი ცხოვრებაა,  
რომელიც მიდის  
და რომელიც ჩემი  
ეზოს ვაშლის ხეს მოსწყდა,  
როგორც ბოლო,  
მნიფე ნაყოფი.  
მე კი მხოლოდ ერთ მათგანს ვასწრებ:  
ვიღვიძებ,  
ვდგები,  
ვსადილობ  
და ვწერ —  
ოცდაცხრა წელია,  
ამას ვაკეთებ —  
ოცდაცხრა წელია,  
ვაშლის ხის ქვეშ  
ვზივარ და ვუთლი  
ნაირნაირ ფანქრებს დამპალ წვერს.  
არ მემეტება  
მე ისინი ნაგავისათვის,  
თუმცა ბებო კი მინას მივბარე!..



ბოლოს და ბოლოს, დავემსგავსე ნინაპრებს: ერთ ხელში თოხი მიჭირავს, მეორეში — მობილური. ან თუ გინდათ, დავაზუსტებ, რომ ხელში მარტო მობილური მიჭირავს, თოხი კი დევე გვერდით მიგდია, წყაროს ტოტში პირჩაყოფილი, მაგრამ რად გინდათ. მთავარია, ნინაპრის ძველებით შემოვრჩი მშობელ მინას. უკვე სასწაული თუ გამაღწევენივს ამ ქვეყნიდან იმ სამყაროში, სამოგზაურო არხის ვიდეოდან რომ მეპრანჭება ახლაც. თუმცა რატომ? შეიძლება, თოხმაც გამაღწევენივს. თან მარტო ამ ქვეყნიდან კი არა, ამქვეყნიდანაც. იმ ნინაპრებში აკი თოხით მკვდრებიც მოგვეპოვება.

მაგრამ დღეს — ნაკლებად. დღეს თოხნას თავს არ შევაკლავ. სანამ მზე კარგად არ გადავა, მანამდე ასე ვეგდები ლობიოს ნათესის გვერდით, წყაროს პირზე, აკაციების ჩრდილში. თვალთვლება ხო შემძლია, სანამ მობილური გამიქაჩავს. სულაც თუ არ მიმაძინა ამ სიგრილემ და წყაროს რუკურუკმა.

ჩაძინებამდე ვხვდები, რა განსხვავებაა რუკურუკსა და რაკარუკს შორის. პირველის საპირისპიროდ, მეორე გაფხიზლებს — განსაკუთრებით, ზვიდან ქვევით თუ გიახლოვდება და მაშინლა მთავრდება, როცა ლობიოს ნათესის იქითა მხარეს, ვალიკოს ყამირის ნაგლეჯზე რაღაც მრგვალ-ბრტყელი ობიექტი ეშვება.

იმზე გაცილებით პატარაა, ვიდრე უფრო ხშირად წარმოგვიდგენია ხოლმე მფრინავი თევზი. თუმცა არა მგონია, ათჯერ დიდი მფრინავი თევზის დანახვას ათჯერ მეტად დავეფრთხებ.

ორივე ხელს საფეთქლებზე ვისვამ. მაგრამ თავზარის ცივ ტალღებს ხელებით ვერ შევანერებ — უარყოფის ჯებირი მჭირდება. მაგალითად, ასეთი: მოგეხსენებათ, ტრადიციული მფრინავი თევზები ხაზგასმით ექსტრატექნოლოგიური ან, უბრალოდ, არამექვეყნიური სპაზმური ზუილით ხიანობენ. ჰოდა, კი შეშინებულზე რატომ არ უნდა დავუშვა, რომ ეს საეჭვოდ მორაკარუკე ობიექტი, ციურმა არსებებმა კი არა, ვილაც მინიერმა ჩხირკვედლებმა შეაკონინეს და ახლა აქ ჩამოუვარდათ?

უბრალოდ, ამ იმედის ბოლომდე გააზრებასაც ვერ ვასწრებ, რომ ხომალდის ამობერილი ნაწილის კიდეც უფრო ამობერილი ნაწილი იხსნება და იქიდან უცხოპლანეტელი ამოდის.

ბავშვურად კი გამოვივიდა, მაგრამ, აბა, როგორ მოვიხსენიო — თან მფრინავი თევზიდან ამოძვრა და თან ცოტა უცნაურადაც გამოიყურება. სხვა თუ არაფერი, იმაზე გაცილებით მეტი ხელ-ფეხი ასხია, ვიდრე ორი და ორია.

„ჩამძინება“. უჰ, ამაშენა ღმერთმა. დროზე მომაფიქრდა. თან, ნესით, ეს უფრო გამძლე იმედია. ახლა მთავარია, ინსტინქტურად მანაც სადმე არ ვიპოვო. რომ არ გამეღვიძოს, მერე რაღა ვქნა?

უცხოპლანეტელიც იქნებ სწორედ ჩემი თავშეკავებულობით სარგებლობს, ამასობაში თავის პატარა ხომალდს რომ მისდგომია და უჩიკინებს. „არემონტებს“ — ან ცხადში, ან სიზმარში ვხვდები მე და უკვე ვრწმუნდები, ადამიანურ ცივილიზაციას რომ არ ეუთვნის, რაკი ჩაცუქვისას უკანალის ღარი არ მოუჩანს. საქმეს მალე ამთავრებს, ხომალდის კორპუსს რამდენიმე ხელით დაუტყაპუნებს, შასის ბორბლებს რამდენიმე ფეხს მიარტყამს, მიმოიხედავს და რაღაცაზე უჩერდება მზერა. გაინევს კიდეც იმ რაღაცისკენ. უფრო სწორად, გამოიწვევს, რაკი ის რაღაც აქეთ, ჩემს მინაზეა.

ლობიოს ნათესს მომდგარი უფრო დაკვირვებით მიმოიხედავს და, შესაბამისად, წყაროს პირას განოლილ, დაძაბულობისგან ცოტათი მოკრუნჩხულ და სახეგაფითრებულ არსებასაც ამჩნევს. იქიდანვე მეძახის:

— უკაცრავად, თორმეტიანი კლუჩი ხომ არ გაქვთ?

სიზმარია თუ ცხადი, რეაგირება მმართებს. ზრდილობის გავლენით როგორღაც ფეხზე ვდგები. ენის მოხმარება უფრო მიჭირს. თან არც უცხოპლანეტური ვიცი. ეს გარემოებები მაიძულებს, თავი ქართულ-დედამინურად გავაქნო. ამის მერე ვიაზრებ, რომ მე თვითონ უცხოპლანეტელის ნათქვამი გავიცი.

სხვა გზა არა მაქვს — თავდაცვის ინსტინქტის ყველა ნამცეცი — ხარისხისა და ღირსების განურჩევლად — უნდა მოვ-



იკრიბო და მიღებულ შენაერთს რამე ასეთი აზრი გამოვტყუო: „კარგ პლანეტაზე ყველა ენა იციან... მმ, ჟარგონიც“. მერე თავის დაქვევაც შეიძლება — მონონებით, დანანებით და თუნდაც მცირე ნიშნის მოგებით მშობლიური პლანეტისადმი.

— და — ცოტა ზეთი? — ამას, მგონი, მტკიცედ გადაუწყვეტია, რამეს მაინც გამომჩრჩეს. ტყუილად ხო არ უსწავლია სხვადასხვაპლანეტური ენები. და ეტყობა, არც ამდენი ფეხი აქვს ტყუილად, რაკი ამასობაში ისე გადმოურბენია ლობიოს კვლები, რომ თვალაც ვერ მოვადევნე. შესაბამისად, უკვე ჩემ წინ გაფარჩხულა თავისი მრავალი კიდურით.

— ზეთი არა... — მეორე და თანაც ახლოდან ნათქვამი უარი მეუხერხულება, — მაგრამ... ისა, ცივი წყალი? — წყაროსკენ უღონოდ ვიშვერ ხელს. მობილური ალბათ კაი ხნის წინ გამივარდა.

— წყალი რა შუაშია? — ვერ მიგებს სტუმარი.

— რა ვიცი... ზეთად ვერ გადააქცევთ? — აშკარად რაღაცები ამერია. ამას უცხოპლანეტელიც ხვდება და ალბათ იმ მიზნით, რომ დამილაგოს, რამდენიმე კიდურიდან ერთ-ერთს მიწვდის:


— მერნიკონოზონი. პანტიკატოლონი. კულვიკევიკონინიდან.

თუ სწორად დავიმახსოვრე, რა თქმა უნდა.

და ნეტავ, რანაირად ვხვდები, რომ სამი გრძელი სიტყვიდან პირველი ამას ჰქვია, მეორე — ამის ბიოარსს, მესამე — ამის პლანეტას? გამიმართლა, რომ თავისი გვარი და თავისივე მამის, ქვეყნის, რეგიონის, ქალაქისა და ქუჩის სახელებიც არ მომახსენა.

სამაგიეროდ, სხვა რამეში არ გამიმართლა. ეს მაშინ გამოიკვეთება ხოლმე, როცა ვინმეს უნდა წარვუდგე.

— ნეს... ნესტორი... — თუმცა მერე მაინც ოდესღაც ნასწავლი სიამაყით ვაგრძელებ, — ადამიანი!



— და პლანეტა?

— რა პლანეტა? — ალბათ ტანში გამგზავრი მსოფლიო პროვინციელობაა, ადამიანურ სიამაყეს რომ მაინყებს: რაკი შეკითხვა ვერ გავიგე, ესე იგი, ჩემი ბრალია და არა მისი. ლობიოსავით ვიბნევი.

— ეს რა პლანეტაა? ადრე არ შემიმჩნევია. აქ საიდან გაჩნდა?

— ცვდილობ, ავიკრიფო და ამომწურავი პასუხი გავცე:

— მმმ... ორი ვარიანტია.

— კერძოდ?

— პირველი: ჯერ იყო სიტყვა...

— მერე?

— მოკლედ, ეს ყველაფერი ღმერთმა შექმნა, მთელი სამყარო, მათ შორის, დედამიწაც.

— მეორე ვარიანტი?

— დიდი რაღაც აფეთქდა და დროთა განმავლობაში ნაშხვრევებმა და მტვერმა დღევანდელი სამყარო ჩამოაყალიბა.

ვამბობ და ვყურდები. ვიცი, რომ უადგილოდ მოვბოდე. აშკარად სხვა რამე მკითხეს, მე კი დაბნეულობამ თუ ცოდნის გამომჟღავნების სურვილმა იმ თემაზე ნამაკითხა ლექცია, აუდიტორიამ ჩემზე გაცილებით უკეთესად რომ იცოდა. მაგრამ მეორე მხრივ და სწორედ ამიტომ, იქნებ... იქნებ ეს არის ჭეშმარიტების ნამი? განა ბუნებრივი არ იქნება, სწორედ ახლა გაირკვეს, რომელი ვერსიაა ამ ორიდან მართალი? ან რატომ მაინცდამაინც ამ ორიდან? უცხო სტუმარი, უბრალოდ, სამყაროს წარმოშობის ერთადერთ ნამდვილ ამბავს გაამხელს, ახსნის, დაამტკიცებს და მე ვიქნები პირველი ადამიანი, რომელიც ამას შეიტყობს!

— სახელი. სახელი გკითხეთ ამ პლანეტისა, — იმ ყველაფრის ნაცვლად, მხოლოდ ამას ამბობს მერნიკონოზონი.

— დედამიწა...

სხვა დროს ალბათ გამახარებდა უცხოპლანეტელის ასტრონომიული შინაარსის შეკითხვაზე პასუხის ცოდნა, მაგრამ ახლა

იმხელა იმედი გამიცრუვდა, რომ ვიმრიზები:

— როგორ? კაცი... თუნდაც პანტიკატოლონი თეფშით მოძრაობთ, ჩემს ნაკვეთში ჩიტვით დაფრინდით და არ იცით, ეს რა პლანეტაა?.. თუ ასე გააგრძელებთ, აუცილებლად გავიღვიძებ! — სამაგიეროს გადასახდელად თავში მეტი არაფერი მომდის და ვითომ საპნკენად გამზადებულ ორ თითს ვაჩვენებ.

— დღეიდან მეცოდინება, — თავს იმართლებს მერნიკონოზონი და თვითონაც მაჩვენებს ორ თითს. აშკარად ვერ მიხვდა, ჩემი ფესტი რას ნიშნავდა და ყოველი შემთხვევისთვის გაიმეორა, — ყველა დღემდე აღმოჩენილი პლანეტის სახელი სულ რამდენიმე პლანეტოლოგმა თუ იცის, მე კი ერთი უბრალო აგრონომი ვარ, — თან ალალი პანტიკატოლონივით იღიმება.

— აი, ჩვენთან კი ყველა მეორეკურსელმა იცის! — ამრეზილობა ისევე სიამაყეში გადამეზარდა. არ მენადვლება, რომ ვაჭარბებ და მაგალითად, კულვიკევიკონი პირველად დღეს რომ გავიგონე.

— როგორ? ოცდაშვიდივე მილიარდი პლანეტის სახელი იცის?! — მგონი, არც ისე უსაფუძვლოდ იოცებს მერნიკონოზონი, — როგორც ჩანს, თქვენ ძალიან გვისწრებთ განვითარებით. ამიტომ ალბათ ისიც აღარ გაგაკვირვებთ, კულვიკევიკონი აგრონომია დღემდე რომ არ იცნობს ამ სიმპათიურ მცენარეს.

— ლობიო?

— ლობიო... რა ლამაზი სახელია!.. რამდენაირად შეიძლება მისი წარმოება: ლობიო, ლობიობა, ლობიოიანი... — მცენარის ორმოციოდე ძირს ერთად ეალერსება სტუმარი.

— ლობიანი, — ზერელედ ვუსწორებ.

ამან დედამიწა არ იცოდა და დიდი ამბავი...

— რანაირად? გინდათ მითხრათ, რომ მარაანი, მუყაანი და კაკანიც სწორი ფორმებია? — მგონი, არ მიჯერებს.

— ეგენი საიდანლა მოტანეთ? — ცოტათი ვლიზინდები.

— მარაოდან, მუყაოდან და კაკოდან, — მიხსნის.

ამის ლინგვისტობადა მაკლდა. გეგონება, ნელან „კლუჩი“ მე მოვიტხოვე. კიდეც უფრო ვლიზინდები. ვუტყე:

— კი, მაგრამ, ლობიო თუ არ იცოდით... აბა, რამ გაგაძლიებინათ? რამ მოგიყვანათ დღემდე? — წინაპრებს ვგავარ-მეთქი, ტყუილად კი არ ვთქვი ზევით.

— ბლლიხვერდუკმა! — მერნიკონოზონი მეტი დამაჯერებლობისთვის ზევით იშვერს რამდენიმე ხელის რამდენიმე თითს, რომლებში ჩაბლუჯული რამის (მაგალითად — უჯლიხრის) ნატეხი ალბათ მრავალჯერ ამოსმულა ცხელი-ცხელი ბლლიხვერდუკში... სიმართლე გითხრათ, მთლად მკაფიოდ ვერ წარმოვიდგინე, მაგრამ მაინც ასე ვპასუხობ:

— ააა.

— თავხედობაში ნუ ჩამომართმევთ და, შეიძლება, ოციოდე ცალი საჩუქრად ავილო? ჩემი კოლექციის მარგალიტი იქნებოდა, — ქანჩსალები და ზეთი მოთელვა ყოფილა. აი, სინამდვილეში რა ნდომებია პანტიკატოლონს.

— ორმოცი აიღეთ. მე ხომ ქართველი ვარ! — ეს რაღა იყო ახლა.

მერნიკონოზონი ისეთი კმაყოფილია, რომ თანამოსაუბრის უადგილო ეროვნულ ტრიპარობას უყრუებს და ლობიოს ორმოცივე ძირს ისე სწრაფად თხრის, რომ ვრწმუნდები: თუ ვითარდები, კიდურები უნდა გამირავლო, მხოლოდ ორ ფეხზე დადგომა ვერაფერი ბედენაა. მერე საჩუქარს ვიბეში ან კანის ნაკეცში ინახავს და ალბათ მიღიმის:

— თქვენი ლობიო უძვირფასესი შენაძენია კულვიკევიკონი აგრონომიისთვის. რით შემიძლია, სამაგიერო გადაგიხალოთ?

— რას ბრძანებთ, რა სამაგიერო, მე ხომ...

მე ხომ გავატრაკე ამ ქართველობით. არადა, მგონი, ბედი კარზე მომდგომია. თუ, რა თქმა უნდა, ბედი კი არა, ჩემი წყაროსპირული სიზმარი არ ედებოდა ლობიოყორეს. მე რომ ვედეები, ფაქტია. აგერ, ამ ამბის სიზმრობაც ხან მანყობს, ხან - არა.

— რა სამაგიერო, რის სამაგიერო... — ნამდვილად დროს ვწვლავ — იქნებ ამასობაში როგორმე მთლიანად დავიფერთხო კალთაზე თუ შარვლის ტოტებზე ჩაფრენილი ადამიანური სიმხდალე. „თუ სიზ-



მარია, ხო რას ვკარგავ და თუ ცხადია, მაინც რას ვკარგავ, ვარდა თოხისა და სხვა მინიერი ბორკილებისა? — ვაგულიანებ თავს.

— უანგარობა! რა იშვიათია ის დღევანდელ კოსმოსში! — მაქვს პანტიკატოლონი. და წარმოდგენაც არა აქვს, სამაგიეროდ, განზილდება როგორი ხშირი მოვლენაა დედამინაზე. აი, ახლაც თავს მისი ხომალდის მიმართულებით ვხრი და რატომღაც შენობით ვეკითხები:

— ადგილი გააქვს?  
— ადგილი? — მერნიკონოზონი კისერს რამდენიმე ხელით იქეჭავს, — ეს ფაქტობრივად, ერთადგილიანია. იმიტომაც ასეთი პატარა. ბავშვს თუ ჩავისვამ ხოლმე ხანდახან...

წამიერად ჩემი მინაზე მოწყვეტილი ჩაჯდომის, ფეხების ასარსალებისა და ატამი მინდაა ჩხავილის სცენა გამილევის, მაგრამ მე რა ერთი ანეკდოტი მახსენდება? და იქვე ვხვდები, რომ კოსმოსიდან მოფრენილი არსება მაგის ჩიტი არ იქნება, ანეკდოტის ფრაზეზმა შეაბას. ამიტომ ამის თქმას ვამჯობინებ:

— ჩავიჭუჭკები.  
— რანაირად?  
— მმ, მეტროს ვაგონი წარმოიდგინე. პიკის საათებში.

მერნიკონოზონს თვალებთან სხვადასხვა ხელის მარჯები მაქვს — აქაოდა, საათს ვეძებო. მე რა იმ ხელის რიგრიგობით იტყვის შუბლი და ანუწუნდება? — უი, როგორ დამავიწყდა!.. იცი, ახლა პლანეტა ფოსბიკობოტონის ღია საპლანეტათაშორისო აგრონომიულ სიმპოზიუმზე მივიჩქარი... თან ზეთიც ვერ დავამატე... ხომ გესმით?..

— მერნიკონოზონ!  
— იქ წაყვანა არაფრით არ გამოვა! სავიზო პრობლემა, ერთი, მეორე... როგორმე სხვა დროს იყოს... ჯერ საბუთები მოგროვებ... შევხმანდეთ!.. ამ გზაზე ხშირად დავდივარ!.. ნახვამდის!..

მისი ხმა სულ უფრო შორიდან მესმის. არც მიკერს — ის ხომ თავისი ჯაბახანის მიმართულებით ისე სწრაფად მშორდება, ორფეხი რომ ვერაფრით შეძლებდა. მაინც — შეიძლება სწორედ იმიტომ, რომ დანევის უშანსობა სიხდალის ნარჩენებისგანაც მათავისუფლებს — მთელი ორფეხული ძალისხმევით მივყვები უკან. მგონი, მართლაც ჯაბახანაა, რაკი აფრენამდე ვასწრებ, მივვარდებ და კორპუსზე ბრახუნის, კორპუსს გარედან კი ყვირილი ავუტეხო: — არ ნახვიდე! გააჩერე! წამიყვანე! წამიყვანე, მერნიკონოზონ! პანტიკატოლონი! უღვიღედორონელი!

\*

ბრახაბრუხში მერნიკონოზონს ეღვიძება. თუმცა ვიდრე ბოლომდე გამოერკვევა, ჩანთილებულ თვალებს ისე აცეცებს, ნამდვილად მე მეძებს. მაგრამ კიდევ ორისამი ასტეროიდის ბრავგანის საბოლოოდ და ბუზღუნით აბრუნებს რეალობაში.

— ამ შატლბანის მოწესრიგება რაღა გახდა?! აღარ უნდა გადახურონ?! ახლა ისევე პროფლაქტიკაში ვიქნები მისასვლელი! რამდენს გასწვდეს აგრონომის ხელფასი?! — ბუზღუნის და თავისი ჯაბახანის მონიტორზე შეჭურვებს თავისი ჯაბახანას, რომელიც ამასობაში მეწყერსაშიში ზონიდან გადის და მშვიდად მიცურავს უსიერ კოსმოსში. მერნიკონოზონიც მშვიდდება, სამართლიანობის პატივისცემა უბრუნდება და უხმოვად აღიარებს, რომ პროფლაქტიკაში, კარგა ხანია, არ ყოფილა, რომ მის დაჭყეყილ ხომალდს ასტეროიდების ახალი წვიმა თვალსაჩინოს ვერაფერს დააკლებდა (ანუ შემატებდა) და რომ ამკარად სიზმრიდან გამოჰყვავა უწყურში.

ბოლო აღიარებაზე უნებურად კანის ნაკეცებს იქეჭავს, მაგრამ იქიდან თითებს მხოლოდ ბენვის ბუჭები მოჰყვება.

— ჰუჰ! მაინც იმას ვეძებდი... არა, რამ დამასიზმრა... მოიცა, რა ერქვა პლანეტას?... დედა... დედა-მინა... რა სახელია! ენას მოიტეხს პანტიკატოლონი!

\* ნესტორს სავარაუდოდ ეს ანეკდოტი ახსენდება: მოხუცი იგრონოს, სიკვდილმა უნდა მოაკითხოს, და არასასურველი სტუმარი რომ გააცხროს, ბავშვურად ჩაიკვამს, თავზე დიდ ბავთლს გაიკეთებს და ფაფას მიუჯდება. სიკვდილი რომ მოვა, მოსულსა და დამხვდურს შორის ასეთი მოკლე დიალოგი გაიმართება: — რას აკეთებ? — ფის ვწამ. — ადექი, ადექი, ატამი უნდა წაგიყვანო!

პასიმიტი ებრაელი: ჩვენს სოფელში გათენებინან დაღამებამდე ღრიან(ცელი ისმის. ყველა, მოზრდილი თუ პატარა, ქალი თუ კაცი, ქუჩაში ყრია და მუშტარს ელოდება. მუშტარი კიდო ყოველი კუთხიდან მოდის. მაგათ რო კითხო, გაჭირვებული ვართ, ლუკმა პურის ფულიც კი არ გვაქვსო, აქ კი, რო იცოდეთ, რა ავეჯს ყიდულობენ — ნატოე თუ რუმინულ სპალნაში არ ჩაუფორდა ვახოეს, ისე ვერაფერს მოახერხებენ? მუშტარი კი მოდის, მარა მაინც ტაციანობა. ეგერ იქ უხვდება — სოფლის თავში. ჩვენში ყველაფერს იყიდი: ტანსაცმელი გინდა, ფეხსაცმელი თუ წამალი. წამალი და ექიმი არ მოჰკლებოდეს იმას, ვინც ჩემთვის გლახა მონდომოს! სიგლახის მსურველს კიდო რა გამოლევს — ბოლმით არიან სავსე, ამ ათი წლის წინათ ფოთიდან ქალი ჩამოვიყვანე. ქორწილში დიდძალი ხალხი დავპატიჟე, მოვიდნენ, ჭამეს, სვეს — გასკდნენ. მეორე დღეს მთელი სოფელი ჩემზე ლაპარაკობდა, ფულის

არ მეძინა წუხელი, მარა მაინც ვუთხარი, გამოვასწორებთ მაგ ამბავს-თქვა, ვუთხარი და რიგიდან მართლა კაი შარვალკოსტიუმი ჩამოვუტანე. გახსნა თუ არა, უკან გადმომიგდო, ეს შავი არ არისო. „რა მოხდა მერე, ბატონო, მუქი ლურჯია, მარა შენ შავად მოგახმაროს გამჩენმა-მეთქი.“

ა, ამ დღეში ვარ თელი ჩემი ცხოვრება! რო დაიძახეს, ისრაელს მივაშუროთ, იქ არც ობეხეხია და არც რაიკომი და კომსომოლო, ვიფიქრე, მეშველა, წავალ, უდარდელად ვიცხოვრებ-მეთქი. ნითლები ხომ შენს ფიქრსაც ტყობილობენ: მეძახის მილიციის უფროსი და მეუბნება: რას შობი შენ, ხო არ გადაიირი, არ ნახვიდე და ხელს შეგიწყობ, რასაც შოულობდი, სამჯერ მეტს გამოვინებო. მეც არ მინდა, მარა ცოლი არ შობა, თუ დაეყოლიე, შენ რავე მოგშორდები-მეთქი, დავაიმედე. თქვენ გგონიათ, ჩემი სიყვარულით კუჭი უსკდება და ამიტომ მიშლის ნასვლას? არა, ბატონო, შემოსავალი მოაკლდება: მე თუ სამჯერ

გურამ ბათიაშვილი

ორი მონოლოგი

გასული საუკუნის 70-იანი წლები

გულისთვის ყველაფერს იკადრებო. რატომ ატყდა ეს ამბავი? ქორწილის წინ, მანამ სანამ ნაზიკოს სახლში მივიყვანდი, სიმამრმა „მოსკვირი“ მომართვა. ნაზიკო ცოტა კოჭლი კია, მაგრამ ლოგინში არც არაფერი ეტყობა, ცოტა, სულ ცოტა ბრუციანიც არის — შენ გგონია, თვალეში გიყურებს, სინამდვილეში კამერას მისჩერებია. რას იზამ... სამაგიეროდ, მაგენი ტაჭკით დადიან, მე კი „მოსკვირით“ დავგრობილობ. სოფელს წყალი ჩამოუდის. ესენი მდინარეს ეძახიან, სინამდვილეში ერთი ტურტლიანი ღელეა. ამ ღელეში სარეცხს რეცხავენ, აფსამენ, როგორც კი გამოზაფხულდება, პარასკეობით შაბათის დადგომამდე, ამ ღელეში ბანაობენ.

ღელეს გადაღმა ჯვარცმის მინდორია, იქით ქართველები ცხოვრობენ. ახლა უყურეთ, რას აკეთებენ იმათი ბავშვები: იციან, პარასკევე საღამოდან შაბათის დაღამებამდე, მანამ, სანამ ცაზე ვარსკვლავები არ გაბრწყინდება, ჩვენ ასანთებს არ გავკრავთ — ცეცხლს ვერ დავანთებთ, არადა, წინა დღეს გაკეთებული საქმელი ხო უნდა გავაცხელით — მშიერი ხო არ ვიქნებით?! ეს ბავშვები შაბათს ჩამოვიღიან და ყვირიან: „კერესინკა!“ „ფეჩი!“ „ბუხარი!“ შემოვლენ, ცეცხლს გაანჩალებენ, კერასინკა აგინებენ. რატომ აკეთებენ ამას? რაღაცა უნდა აჩუქო.

რომ ჰა შანის — ესე იგი ჩვენი ახალი წლის წინ ლოცვა, გარაფრაჟამდე რომ იწყება სელიხოთი, აუ, რა დღეში ვართ! ერთი კაცი გვყავს სოფელში — მეორე, ყველა მერიოკ ადევს ეძახის. რატომ? ნაშუალამევეს გარაფრაჟამდე ამ ჩვენს ქუჩაზე ყველა შუკა-მოსახვევში დადგება და ყვირის: „სელიხოთი, ჯამაათო, ლოცვა, ადეა, ადეა!“ მაგისი ყვირილი მთელ სოფელს ესმის. ახლა უყურეთ რა ხდება: ეს „მერიოკ ადეა“ საიქიო საქმეს იკეთებს, ჯამაათს რომ სალოცვად ეძახი, ის ხომ გამჩენის სამსახურია, ჩემს ძილსა და მოსვენებას არ უფრთხილდება, თვითონ კი აქედან იკავებს ადგილს სამოთხეში. რამე ეხარჯება? მილიციას უნდა მისცეს წილი თუ პროკუერატორს? რაიკომს თუ აღმასკომს? „მერიოკ ადეა“ გამჩენის სამსახურში დგას. მე? მე ამათ ვემსახურები: რაიკომს, აღმასკომს, მილიციას, პროკურორსაც. კიდევ ვინ არი? ჰო, კომსომოლა. მარა, მაგენი არ განუხებენ მაინც. მუნჯად არიან. მარა, ხო შეიძლება, ეს კომსომოლა ხვალ მილიციის უფროსი გახდეს, რამდენიც გინდა! ვაი, იმას, ვისაც კომსომოლობისას მაგათთვის პატივი არ უცია — პროკურორი, რაიკომის მდივანი ან მილიციის უფროსი რო გახდება, გაგიხსენებს, ზედაც არ მიყურებდაო.

ამას წინათ ერთი კომსომოლა პროკურორი გახდა. მეძახის და მეუბნება: „სირცხვილ-ნამუსი სულ დაკარგეთ?“ „რა იყო, ბატონო, ამნაირი რა მოხდა.“ „სირცხვილი არ არის შენი რაიონის პროკურორი ამ ჯვალოს კოსტიუმით დადიოდე და ობეხეხის ოპერ სოსოია შტერს შავი კრეპის კოსტიუმი ეცვას?“ ე, მაგის დარდი

მეტს ვიშოვი, მაგენიც სამჯერ მეტს მიიღებენ. სამჯერ მეტი კაი ხელა ფულია და აღარ ნავედი, დავრჩი. არა უშავდა, კარგად იყო საქმე, მარა, რა უქნია ამ უბედურ მილიციის უფროსს: ერთი პატიმრის ცოლი თავის კაბინეტში სტოლზე გადაუკოტრილებია. იმ ქალმა წივილ-კივილი ატეხა. ატყდა ერთი წიოკობა. ახლა იძახიან, მილიციის უფროსი დაჭერას თუ გადაურჩა, კარგია, სამსახურს ვილა ჩივისო. ნამეტანი აირია საქმეები, ვისაც მისწვდნენ, ყველას რაღაც მიზეზი მოუწახეს და ჩააყუდეს. რაღა მექნა? დავკარი ფეხი და ნავედი ისრაელში. ნავედი მარა... პირველი ვინც აეროპორტში შემხვდა და „სიხარულით“ გულს ამივსო, შალიკია „მუნჯალა“ იყო: „გერჩია, იქ დატეულიყავი, აქ რა მოგარბენინებდა, იქანა ფულით მაინც გააკეთებდი საქმეს, აქ არც ფულს იღებენ და არც რამის გამკეთებელნი არიან!“

ოპტიმიტი ებრაელი

ჩვენი კოპნია, მუდამ ხმაურიანი, აფრიამულებული სოფელი იმერეთშია. მთელი სოფელი, დიდიან პატარაიანად, სულ ქუჩაშია. რატომ, მეკითხები? მუშტარს ელოდება, მუშტარი კი არც ისე იოლი საშოვარია. ხო ყოველი კუთხიდან ჩამოდის ხალხი: გურია იქნება თუ სამეგრელო, აფხაზეთი თუ რაჭა, რამდენი თბილისიდან ჩამოსული მუშტარი მე აქ მინახეს, იმდენი სიხარული ჩემს ოჯახს, მუშტარზე მაინც ტაციანობა. აქ ყველაფერს იყიდი — ავეჯი? სადღოური გნებავს, ბატონო! არის მოსკოვის, ისე, დიდი არაფერი, რიგის კაია, ძალიან კარგი, ლენინგრადის კიდო უკეთესი! ამ ბოლო დროს რუმინული სპალნები და იუგოსლავიური ზალაც შემოგვავქეს. ფეხსაცმელი? იტალიური მოკასინები მე შემოვიტანე საქართველოში, ილიკო სუხივილის არ ეცვა, ლანჩხუთელ ზურიას რო ჩავავაცი და ერთ კვირაში ქალიც ითხოვა. ღირსეული ხალხი, გამოსული ოჯახი, ქორწილს ვერ გადაიხდის, თუ ჩვენთან არ ჩამოვიდა. აქ უნდა იყიდოს საქორწინო ტანსაცმელი. კოსტიუმი? ცალბორტიანი, ორბორტიანი. თუ სიძეს ჩვენთან ნაყიდი კოსტიუმი არ აცვია, ქორწილს ეშხი არა აქვს.

სოფელს მდინარე ჩამოუდის. მდინარეში მუდამ ფრიამულია — ბავშვები ჭყუმპალაობენ. დიდიდან საღამომდე წყალში ყრიან.

ქალი სოხუმიდან ჩამოვიყვანე. ჩემი ეთერა ისე ლამაზი იყო, ყველამ კურდღელივით დაჭყიტა თვალეში. ჯერ ის უხაროდათ, სიმონიკამ ქალი სოხუმიდან ჩვენს სოფელში ჩამოვიყვანაო, მერე ის, რომ შესახედავი გოგო იყო, სიმღერაც გამოითქვეს:

სიმონას ე ქალი ვინ მისცა, მთელი სოხუმი თვალეში?

მდინარის გადაღმა სულ ქართველები ცხოვრობენ. გამოღმა ისრაელიშვილები ვართ. ჩვენ კიდევ არ დავუძახოთ, შაბათს თვითონ შეგვხმანებია: „კერასინკის“, „ფეჩის“ დანთება ვის გინდათო! ჩვენ ხო შაბათს ცეცხლი არ დავგვინთება, იციან ეს ამბავი და წინა დღეს გაკეთებული საქმე-

ის გასაცხელებლად მოდიან. შენ მაგათი აღდგომა დღე უნდა ნახო ჩვენში: კომუნისტების თვალის ასახვევად ალფეგრობას რო ეძახიან. ასე სჯობიაო. ჯვარცმის მინდორზე იმდენი გამოწკეპილი ქალი, კაცი, ახალგაზრდა თუ ბერიკაცი გამოეფინება, გაგიკვირდება: ამდენ ლამაზ, თვალტანად ქალსა თუ კაცს ამ ერთ სოფელში თავი ვინ მოუყარაო. არი ერთი ფრიამული, საპატარდოების და საცოლვე ბიჭების გადახახულება. ისე მღერიან, ცეკვავენ, სახლში რა გაგვარჩევენ. ჩვენც მივდივართ, სხვა თუ არაფერი, ცეკვისას ტაშს მაინც დაფურავთ.

კაი ხნის ამბავია ეს: რაიკომის ახალი მდივანი ჩამოსულა. აღდგომა დღეს რომ ჩვენი სოფლის ქუჩებში და ჯვარცმის მინდორზე ამდენი ხალხი უნახავს, გადარეულა. სასწრაფოდ შეუკრებია რაიკომის ბიურო, ეს რაიონი ცრურწმენის ჭაობშია ჩადირული, ყველა უნდა მოგხსნათ და კოლექტივში გაგიშვათო. ბიუროს სხდომის დამთავრების შემდეგ გაზეთის რედაქტორს მორიდებით უთქვამს:

— რა ცრუმორწმუნეობაზე ლაპარაკობთ, ხალხმა რა ხანია, ამნაირი ამბები დაიკვნია, ნუ გაახსენებთ, თანაც ხომ იცი, ამ სოფელში დაბადებული და გაზრდილი კაცი თბილისში რას აკეთებს, ა, გაზეთი რო გაქვს გაშლილი, მაგ გაზეთში მაგ კაცის ორი პორტრეტი დახატული.

მილიციის, ობეხეხის უფროსებიც კაი ხალხია, მარა ხშირად იცვლებიან, რავარც კი გაძლებიან, ჩაიკვამ-დახიურავენ, ოჯახს გამართავენ, სადღაც ისვრიან. მოდის ახალი — მშიერი, ჩაუცმელ-დაუხურავი და არავის გვიკარებს, სპეკულანტები, მუქთახორები ჩვენი რაიონიდან უნდა ამოვიძირკვოთ. ამ დროს ჩვენ მუშობას ვწყვეტთ, საქონელი — კაი-კაი შარვალკოსტიუმს, მოკასინებს, ზიზილო-ზიზილო ხალათებს მდინარის გაღმა სოფლებში ვინახავთ ქართველებთან. გადის დრო და... კუჭი ხო ყველას აქვს... ჩვენ, მუქთახორებმა, თუ არ ვაჭამეთ, სული ამოხდებაო. მერე დაგიძახებს და „პლანულო გამოსულა კიტაისკი...“ „ქალის ფეხსაცმელიო, რაცა იმნაირი, შეკვრა რო არ უნდა.“ იმ პლანუსს, მოკასინებს, გინდა კოსტიუმს, რო ჩააცმევ, მიდი და იგულავე! რაც გინდა და რამდენიც გინდა, ჩამოიტანე, მარა... ჭკუით უნდა იყო... მილიცია-პოლიცია, რაიკომი-აღმასკომი, პროკურორი-მოკურორი ყოველთვის უნდა გახსოვდეს. რასაც იშოვებ, შენი ხო არ გგონია, იმათიცაა, თორე რა გამოდის — კუჭი შენ გაქვს და იმათ — არა? შენ თუ დაივიწყებ, ისინი არ დაგივიწყებენ, გაგიხსენებენ და... ათი იმდენი დავიჯდება.

ჩვენი ხალხი რომ ისრაელი გზას დადგა, გადაეწყვიტე: წავალ, ისტორიულ სამშობლოს დაფურუნდები, დემოკრატიულ სახელმწიფოში ვიცხოვრებ, არავის შიში არ მექნება, არც ობეხეხის შემანუხებს, არც რაიკომი და პროკურორი-მეთქი. გაუგია ეს ამბავი მილიციის უფროსის და ის ყლინჭი ვახოია გამომიგზავნა, სერჟანტი როა, აუცილებლად მნახეო. რავარი მისასვლელია, რა იცი, რა გუნებაზე დაგხვდება — იქნება, სულაც დაგტოვოს, იყავი აქანა პეტერა ხანო — ამიტომ ვამბობ: მაგათთან იარა უბედურმა ხალხმა! რა მექნა, ნავედი. მეუბნება: რამდენს გამოგვალ თვეშიო. იმას კი არ მეკითხება, ამდენს რომ დაწონილებ, ხან მოსკოვში ხარ, ხან — ლენინგრადში, ჩემთანაც რო მოგაქვს, ვიცი, სხვასაც არ ტოვებ უყურადღებოდ, წვალეზად თუ გიღირსო. რამდენს გამოიხარო? მიდი და ჩაუკაკლე მილიციის უფროსს! ყველაფერი გამიწყველა, სალპარაკოდ თუ ღირდეს-მეთქი. ყველა ფერიო? — გაეცი-ნა, — შავიც, თეთრიც, ცისფერიც და ნითელიც? მოკლედ, მიმიხვდა, რომ ვერ მათქმევინებდა და ასე მისვამს საკითხს: ოღონდ ისრაელში არ ნახვიდე, ოღონდ აქაურობა არ დატოვო, რამდენსაც შოულობ, სამ იმდენს გამოვინებ, ჩემს კაცს მოგამაგრებ, რო ხელი არავინ წავაგლოს, მიდი და იგულავეო. ფულის გულისთვის ჩემი წინაპრების მინაზე რაფერ თქვა უარი?! ვუთხარი და გამოვიდი. იმ დღის მერე ხელი არ გამინძრევია, შარში არ გამხვიონ-მეთქი. დავინწყე სამზადისი ისტორიულ სამშობლოში გასამგზავრებლად. აბა, რა ვქნა, იმას ვუყურო, როდის მტაცებს ხელს ი ყლინჭი ვახოია?!

ა, ახლა აქანა ვარ. კაი მოგცეს გამჩენმა, აქაურობა კაი იყოს — კანონი კანონობს!





ვანო ჩხიკვაძე

ჩვენს ბედობაზე წილი არის რადგან ნაყარი,  
ალმარტის შემდეგ  
თავდაღმართზე უნდა დაქვანდეთ —  
არ მოგასვენებს,  
ვერ იქნება მშვიდად სამყარო,  
ვიდრე თავისთავს არ დაგამგვანებს!

მაინც, პატარავ,  
გაბედე, მიდი,  
არ გაგიჩუმდეს სიმართლის ჩიტი.

თუ შენს საყუდელს ვერ დაიფარავ,  
ვინ გაგახარებს  
წმინდა სისხლის ოქროსქორიანს,  
წამოგიქცევინ ერთგულებით დაღლილ წიქარას  
და აბლავლებულს ყელს გამოსჭრიან...

მიდი, პატარავ,  
გამოტეხე, დროა, ნაჭუჭი,  
ლოცვა-კურთხევა პერანგივით ტანზე მოირგე,  
აღვირახსნილი ირგვლივით უნდა გარჩუმდეს,  
როცა არტახებს დაწყვეტავ და ხმას ამოიღებ!

უკვდავებისკენ ერთადერთი გზანვრილი მიდის,  
ჯალათის კუნძით,  
ეშაფოტით,  
და ბენვის ხიდით...  
სისხლის ყივილი გაღვიძებს ვიდრე,  
მიდი, პატარავ,  
პატარავ, მიდი!

\*\*\*  
გაჩერებულა კედლის საათი,  
მაგრამ დრო მაინც გა-ა-დის!

ალარ გაღვიძებს ციფერბლატიდან  
მონოტონური ყრუ მასლაათი —  
წამშობი — ციფრებს,  
ისარი — ისარს,  
ალარ მოჰყვება უკან ტაატი.

თებერვალს მარტი,  
ამინდს ამინდი,  
წელს წელიწადი შეცვლის,  
თმაში სიბერის მახარობელი  
სხივი გაკრთება ვერცხლის.

ნეტავ, ამ ღამეს როგორ გაათევ,  
როცა არ იცი რა გზას დაადგე...

გაჩერებულა გული საათის,  
მაგრამ დრო მაინც გა-ა-დის!

\*\*\*  
ქარიც მიყურდა.  
წვიმაც მიჩუმდა,  
ტოტებზე აღარ დამოგზაურობს  
და იმეორებს ყრუ გულისცემას  
წვეთი, რომელიც კართან ხმაურობს.

ადრე თუ გვიან  
შენც დაოკდები,  
წუთისოფელის აურზაურო...

მიუგდე ყური,  
ვიდრე მოსწყდება,  
წვეთი წვეთებთან რაზე საუბრობს.

\*\*\*  
ამდენი ცრემლი რატომ აყვავდა,  
ვინ სწყალობს კართან მომდგარ ნარ-ეკალს,  
მხოლოდ ის უწყის,  
გზაგასაყართან  
უცხო ძაღლები ვინც აყვავდა.

გულსაკლავია შენი სიჩუმე,  
შენი დუმილიც ისე მაშინებს,  
ზოგჯერ მგონია,  
ღვთისმშობლის კალთას,  
ვით ყრმა, მოგწყვიტეს და გაგაშვილეს!

აივანი  
ემზარ კვიციანიშვილს

ასეა დღემდე, მტკვარზე ორპირი  
ქარი როდესაც გაშლის მარაოს,  
მონწე ჩავლილი შენი ბავშვობის,  
როგორც ტალღებზე ტივი, ქანაობს.

ყამმა რამდენი „ძვალი“ გამოხრა,  
აივანი კი ისევ „ბალახობს“,  
ნაცნობი ხედი,  
გალმა-გამოდმა  
ხელში აყვანილს რომ დაგანახოს.

\*\*\*  
გადაივლის თიბათვე,  
მკათათვეც გადაივლის,  
ახლოს მარობის სანთლებიც პარპალებს.  
სექტემბრის პალიტრა ყვითელ ფერს გაირევს  
და ფოთოლცვენაზე დარდს შემოგაპარებს.

მიდიან თვეები —  
მგზავრები ბაასით,  
დეკემბრის მყეფარი კალენდრის ღიობებს —  
დაბადების დღეებს, ოქტომბრის დარბაზებს  
აიკლებს ორპირით და მოაღნიშობს.

უკვე წაიკითხე,  
შუბლზე რაც გწერა,  
რას ტოვებ, რა მიგაქვს ხვალ სააქაოდან —  
მკერდზე მიბნეული უმწეო ენძელა,  
თებერვლის თითებში ობლად რომ ყვაოდა.

ამაღლება

მენელსაცხებზე ქალების  
ახლაც ჩამესმის გლოვის ხმა,  
მარიამ მაგდალელის და  
მარიამ იაკობისა.

საუკუნეთა ლოდები  
უფსკრულებისკენ დაქანდნენ,  
ისევ ის ცოდვა გვინელებს,  
რაც ვივავლახეთ აქამდე.

სისხლის წვეთებით ყვავილობს  
შუბლზე გვირგვინის ეკალი,  
ქვითინებს დედა უფლისა —  
ჩვენი მფარველი მზე-ქალი.

დადუმებულმა გოგოთამ  
სიკვდილის მწუხრი მოისხა,  
ბოლოჯერ ამოიფშვინა  
ვარდმა ფურცელთა ჭკნობისას.

— ჩემია ძე საყვარელი! —  
ცათა მიღმიდან მოისმა,  
შუბნადგერები ნათელი  
ჯვრიდან რომ გარდამოიხსნა.

რამდენმა გადიგრილა,  
აგბედიდად რომ ღელავდნენ —  
ტალღებმა წუთისოფლისამ,  
შობიდან ამაღლებამდე.

რამდენჯერ გახმა იმედი  
ჩამოტეხილი ტოტივით,  
ხან ავობს წუთისოფელი,  
ხან დარდიანი მოგტირის.

კვერო  
ობოლი ქვეყნისა,  
აქამდე რატომ ვერ ცხვები,  
თავზე რად დაგტრიალებენ  
მენელსაცხებზე მერცხლები.

საით ხარ?  
ვერ გამოკვალე  
გზანვრილი, ჩვენსკენ სავალი,  
გათენდი, თუ გათენდები —  
მესამედ ყივის მამალი!

გახსნეს კარიბჭე!  
გაბრწყინდი!  
გეპკუროს მაღლი ლოცვისა,  
მარიამ მაგდალელის და  
მარიამ იაკობისა!

მონოღება

მიდი, პატარავ,  
პატარავ მიდი,  
ვიდრე სტვენს შენი სიმართლის ჩიტი.

ცოდვის ვაქცინით მანამ აგცრიან —  
გულუბრყვილობის საწოვარას გამოგაცლიან —

მხოლოდ შენ ერთი თუ ილაღადებ:  
— შიშველი მეფე!..  
შიშველიც, ფლიდიც! —  
ნამუსს ნამუსი ვიდრე ახადეს,  
მიდი, პატარავ,  
პატარავ, მიდი!

შენც მოუსინჯე გამძლეობა ყელის იოგებს,  
არ ანაცვალო მშობლიურ ხმებს უცხო კრუალი,  
გაუბზარავი და ხაფი ხმით უნდა ჰყიოდე,  
რომ გააგონო —  
დედამინა გულღრძო ყრუ არის!

ნუ გაიოცებ,  
ასეთია მისი „ხელობა“,  
„ფერებს“ ვერ არჩევს  
დალტონიკი „უმაღლესობა“.

თუმც ახრჩოლეს დამწვარი ხიდი,  
ბარიერს უნდა გადაახტე —  
პატარავ, მიდი!

ყველას თანაბრად გვასაჩუქრებს  
ღმერთი ბავშვობით,  
უფლისწული ხარ, შეძლებული თუ უპოვარი,  
ნუ დაამგვანებ შენს უენო სათამაშოებს  
ცხოვრებას-მეთქი,  
გიმეორებ, უკვე დრო არის!



რკინა-ბეტონში ქალაქს ფუთავენ,  
დილა-სალამოს თუ ღამლაობით,  
ძველი უბნების სულთამხუთავი  
ცათამბჯენების ჯინი ამოდის.

მაინც უძლებს და არ იხდის აბჯარს,  
ციხის მცველივით „გოდოლზე“ დარჩა...

ამ აივანზე ათოვს და აწვიმს,  
სულს შერჩენილი ნაიარევად,  
ფონენდოსკოპით,  
ექიმის ჩაჩით,  
მამის აჩრდილი დაიარება.

**ღმერთო!**

როგორ მეგონა მყარად ნაშენი  
ლიბო ოშკის და თამარაშენის.

მარად ძველი და მარად ახალი,  
კვლავ სარეველა ღვარძლის ღაღანი.  
წარსულის ექოდ რად მეორდება  
ძუძუმოჭრილი ქართლის გოდება!

გადაუარა ნაცარმა კერას,  
ფრთა ვერ გავშალე როგორც მენება —  
ლიახვის გამოლადრული ყელით  
იცი, „ჩაკრულო“ ვერ იმღერება.

რად შევაჭამე ჯავრს ორლესული —  
ღმერთო, როდემდე ვიგლოვო ხმით მე!  
ქსნისპირებში რომ ველარ ვლოცულობ,  
შენ მაინც როგორ დუმხარ და ითმენ!

რაც შენ მიბოძე,  
ჩემი მეგონა,  
ახლა, სამშობლო,  
ესე ვით არი —  
ერთად, ხელახლა როდის შეკონავ,  
ისე ნუ მომკლავ, თუ არ მითხარი!

**\*\*\***  
ჩაკრულია ხმალი ვადამდე,  
ვის უნდა ჰკითხო, ასე სადამდე?!

მოდლებული გჭამს ნაგერალი,  
ვისი მოდგმის ხარ, რომ დაგავინწყოს.  
ბოლოს და ბოლოს, ძარღვში მთვლემარე  
სისხლი ხომ უნდა გამოაღვიძო!

შეხედე, დროშებს ვინ აფრიალებს,  
გამოიღვიძე, შენს თავს რა ხდება,  
მონობის ჯაჭვის „სიმთა“ უღრიალი  
თავისუფლების ჰიმნად საღდება.

წამოუყვია თავი იქედნეს  
და გიდამბლავებს ხერხემლის მალეებს,  
ან სანუგეშო მითხარი რამე,  
ან ტყვია მაინც გამოიმეტე.

თუ არ გაიხსნა ზეცის სარკმელი,  
მწყალობელი და თვალი კეთილი,  
დამთავრდეს ლექსი უკანასკნელი  
სისხლის ნვეთების მრავალწერტილით.

ნუ მეკითხები, ასე რად ხდება —  
ჩალის ფასი აქვს დღეს თავდადებას.

ღამეს ლეშივით ფლეთენ აფთრები,  
ვიდრე მომწვდება კლანჭი მდევრების,  
უკანასკნელად მომენატრები,  
უკანასკნელად გამახსენდები...

მოკიდებულო ჟანგო ვადამდე,  
ასე როდემდე, ასე სადამდე!

**სოლო-კონცერტი**

*ზაქარია ქარუაშვილის*

კენტად, წყვილ-წყვილად  
ბედისწერამ ვისაც უყელა,  
მუნჯი ლოდების ლაბირინთი უხმოდ მოდიან.  
ეშვება ციდან როიალის შავი ღრუბელი  
და შენს საფლავზე წვიმს მელიოღია.

და სულერთია,  
ბალახს ბახის ფუგები ვარცხნის  
თუ ტკბება ვალსის სურნელებით  
ყვავილი ცაცხვის —  
სულგანაბული საფლავების დარბაზი გისმენს,  
რომ ტაშისცემით გაგისმონ ბისზე.

გაირინდება  
მწუხრის ყელზე შემოხვეული  
თეთრი საყელი — სიქათქათე მარტის აღუბლის,

არც ამფითეატრს,  
არც პარტერს და  
ალარც ბუნუარს  
ოვაციების ქარიშხალი არ გადაუვლის.

მახსოვს, ამინდი  
ფოთოლცვენის ფურცლავდა ნოტებს,  
იდგენ ალგები ზეცისაკენ ალასტულები,  
როცა ღონიერ თითებქვეშ თრთოდნენ  
კლავიატურის თვინიერი სატაცურები...

ასე მგონია,  
წამოდგები, როცა ინებებ  
და თავს დაგიკრავთ უნაზესი ბგერების ავტორს —  
სად ნოქტიურნის სიმსუბუქე,  
სად კლავიშებზე  
აცეკვებული „ტორების“ ჯადო!..

რეკავს და რეკავს  
განშორების მესამე ზარი,  
სულერთი არის გამთენია თუ საღამო:  
„ფორტეპიანოს მეტრონომი“  
აფრთხილებს მგ ზავრებს —  
ადრე თუ გვიან მაგ სადგურზე ყველა ჩამოვა!

**ცრემლი**

მეც თავი ცრემლის ქინძისთავებით  
ღამით დაჩხვლეთილ ბალიშზე მიდევს  
და ვიდრე დილა  
მწუხრის უბიდან  
თეთრი მტრედით ამოფრინდება,  
როგორ მინდა აქედან შორს,  
სადმე, კუთხეში,  
მივიკუნჭო და აქეთ აღარ გამოვიხედო!

მაგრამ ნატვრას როგორ ავიხდენ —  
ამ ჭორფლიან და გალაყებულ კვერცხს,  
მრგვალ დედამინას სადა აქვს კუთხე.

აჰა, ორი ნახევარსფერო —  
გაკახებული დედაკაცის ბიუსტჰალტერით —  
ერთნაირი, გაჭრილი ვაშლი —  
ამ ორიდან რომელს აირჩევ,  
რომელს შეებდავ,  
გემოს რომელს გაუსინჯავ,  
თავს რომელით მოინამლავ —  
მეორეს? პირველს?

რამდენჯერ გკითხე, ვინ გვითხზავს-მეთქი  
ბედისწერის როლის რერმარკებს,  
ვინ გვაგინწყებს, ერთი მუცლიდან —  
დედამინის ნაშობნი რომ ვართ!

ნუთუ ერთგული მარჩენალი, მუცელმოშლილი,  
ჩვენთვის მშვიდობას  
ველარასდროს იმშობიარებს?!

აკი გითხარი, გინდა თუ არა,  
თავი ცრემლის ქინძისთავებით  
ღამით დაჩხვლეთილ ბალიშზე მიდევს  
და როგორც დღემდე  
შეუძლებელს ვეპოტინები —  
ჩემთვის მარტო...  
სადმე...  
კუთხეში!..

**\*\*\***  
ბოლო წუთი ყოფნისა  
აღრენილი ჩემზე,  
გიზის, როგორც მიმინო  
ასაფრენად ცერზე.

თურმე ამაოდ გდიე  
მინდორ-მინდორ,  
სერ-სერ.  
სიტყვა, ჩემთვის სათქმელი,  
გადგას ენის წვერზე.

ახლა მაინც მითხარი  
რა მოხდება შემდეგ,  
ვიდრე სიცოცხლის ბოლო  
ფურცელს ამოხვედე.

**გისაროდეს!**

ზეციურ აივანზე  
ანგელოზნი გალობდნენ —  
გისაროდეს, მარიამ!  
მარიამ, გისაროდეს!

წასულებიც, ცოცხლებიც,  
ვინც ცოდვებში გმინავენ,  
ხელს, ვინ იცის, რამდენჯერ  
კიდევ გადაიბანენ.

ვიდრე სიძულვილის და  
შხამის თესლი ბოგინობს,  
გადარჩენის იმედი  
უნდა მოილოგინო.

თორემ უსიყვარულოდ,  
მწყალობელი ქალწულო,  
ცოდვილ დედამინაზე  
რაა სასიხარულო.

ისევ რომ დააბრმავონ  
და ბრბო აიყოლიონ,  
ხომ დაიწვიის სირცხვილით  
საფლავების სქოლიო.

გისაროდეს, მარიამ,  
შენი კალთის მადლია,  
ხე თუ აღარ იზრდება,  
ჯვარცმისთვის რომ გათლიან.

სანთლებს რომ უნანავებს,  
სააღდგომო ქარია —  
გისაროდეს, მარიამ!  
გისაროდეს, მარიამ!

**\*\*\***  
გაზაფხულმა მოსვლა გვიან ინება,  
ბალში, მაინც,  
მობრძანდა საჩუქრებით,  
სიფრიფანა,  
დაბუშტული ტუჩებით  
გაკვირტული ატამი ილიმება.

შენს მაგივრად,  
თუ ამინდმა გიხამა,  
ვინ აუნყოფს ფეხს აპრილის აღილოს,  
ნადრევად, ნეტავ, რამ მოგიყვანა,  
მარტის ჩვილო —  
უცოდველო ყვავილო!

**\*\*\***  
აღარც ცხადია სანახავი,  
აღარც — სიზმარი, გაქრა ორივე,  
აღარც მხსნელად მოჩანს მესამე,  
ვიცოდე მაინც  
საით მივალ, საით ვიქარი,  
ვიდრე სამგზავრო  
ბოლო ჯვალს გამოკემსავენ.

ვიდრე დარეკავს ცისკრის ზარი —  
ტყვიდან გუგული,  
დღეები უკანასკნელ სადგურს  
მიაკივლებენ,  
გვინდა თუ არა  
ამ საუკუნის  
ჩვენც ჩავგიტყდება საფეხური  
ზეცის კიბეზე.

თუ ჩაგიქერი,  
ხელმეორედ ველარ ამანთებ,  
ჯავრად წამყვება,  
ბოლომდე რომ ვერ მოგიარე,  
როცა სიცოცხლე —  
ბოლო აღმართზე —  
მუჭში მთრთოლავი  
ჩიტის გული შეიფრთხილებს.

**რიკი**

ბევრი იცელქა, ვიდრე სიცოცხლის  
არ მოეხურა კარი.  
მესამე დღეა,  
გალიის ჩიტი  
უკვე უფალთან არის.

მოსიყვარულეს და უცოდველის  
აწვიმს პანია საფლავს,  
ვინც ხელისგულზე,  
როგორც სანთელი,  
დადნა, ჩაინვა, ჩაქრა.

ეფერებოდა დიდს და პატარას,  
უცხოვს, ოჯახის მკვიდრებს,  
რკინის გალიის საპატიმროდან  
თავს დაიხსნიდა, ვიდრე.

ისე იცხოვრა და იმარტვილა  
ხის ხარისხზე მარტომ,  
საყვედურიც კი არ დასცდენია:  
— რატომ, უფალო, რატომ?!

სიცოცხლეში რომ ვერ ინავარდა,  
როცა ჩამოჰკრეს ზარი,  
ფრთებით გულხელი დაიკრიფა და...  
რიკი ზეცაში არის!



„ამას თუ წაიკითხავ, ბანარი ახლოს იქონიე, დასაბამელი არ გახდეს, el bastardo“...  
ევფროსინა მარიატუ რობაიო ნკოსი, პალენკერა...

ევფროსინა მარიატუ რობაიო ნკოსი

ღმერთო, რა გაუძლებს, კაჯე? დელ კოლეგიოს გათენებას რა გაუძლებს, ქლორით მორეცხილ ქუჩის სუნს, მტრედების ფრთების ფართქუნს, რიბი-რაბო დილის შუქებს, პერუელების სუშის ბართან გამოსულ ფუფიკა სანს, კედელს რომ აპკვრია დილიდან, მობილურზე დაიყურება წვრილად მოჭუტული თვალებიდან, კითხულობს და მესიჯობს. ვიცი, ვისთანაც და რაზეც... სერხიო ბენკოს ალზანტეს ებაზრება, ამ ჩემი ბარის მცველსა და შეთავსებით კი ჩემს ცალმხრივად მეტრფეს — სწორედ მაგისგან აქვს ნასწავლი შოტოკან და ასევე ვადო-რიუ კარატე...

რა გაუძლებს აივანზე გამოსულ პალენკერა პოლას, რომელიც ტრადიციულ, აფრიკულ და კოლუმბიის დროშის ლურჯ-წითელ-ყვითელ ფერებთან, ფურფუჭულეზიან კაბას, ჭრელა-ჭრულა წინსაფარს და წითელ კოფთან გადაიცვამს, თავზე მოსახვევს მოხვევს, იმას კიდევ სულ თეთრს და მერე მთელი დღე ქუჩის შუაში დგას, ასევე გამოწყობილ მელინდასთან ერთად, თავზე ბანანების და ანანასების თაბახი ადგათ, ხილითაც ვაჭრობენ და ოთხი-ხუთი ათას პესოდ ფოტოებსაც გადაიღებენ ხოლმე კარტახენაში ჩამოსულ ტურისტებთან.

ამ ჩემი ღამის კლუბის La Palenquera Club House Gastrobar მცველს, მულატ ბალთაზარს რა გაუძლებს, თვალეზობრევილი რომ დგას შესასვლელთან და წუხანდელი ღამის თეთრად გათენების კვალის სახეზე ანერია, რაკი გუშინ ფუფიკა სანმა უთხრა, რომ მეორე მცველი, სერხიო ბენკოს ალზანტე საქმეზე იყო წასული და მარტოს მოუწვევდა მუშაობა...

რა გაუძლებს მოტოციკლით ჩავლილ პოლიციელებს, მუზარადებით და უნიფორმით აღჭურვილ მრისხანე ქალ-ვაჟს, რომლებიც ქუჩების ასაპრიალებლად მალამონასმულ კორნელიას და სესილის ედავებიან დელ კოლეგიოს ქუჩის კუთხეში, რამდენჯერაც ჩამოვიარეთ, ისევე აქ იდექითო და რას აკეთებთ აქ ამდენი ხანი, ძალადობრივ და ფარულ პროსტიტუციას ხომ არ ეწეებით, საყვარლებო, ძალიან ეჭვს იწვევთო...

რა გაუძლებს სახურავზე აპარულ კატას, ვითომ რომ ნადირობს და ველარც ნადირობს, რადგან ფრთხილად გაუფრინდენ მტრედები.

რა გაუძლებს ჩალის შლაპებისა და სათვალეების გამყიდველის, დონ ფაკუნდო ურუჩაგას გამყინავ ხმას — ¡Boinas sere con paja cara! — „ბერეტები ძვირფასი ჩალით!“

რა გაუძლებს ამ ვარდისფერ დილას, ამ მოლულუნე მტრედებს, ამ კაჯე დელ კოლეგიოს ამდენ ამველ-ჩამველს, მთელ ამ ისტორიულ ცენტრს, ამ კარტახენა დე ინდიასს, მთელ ამ კოლუმბიას და იქით აფრიკაში ბანტუს ხალხს, ტამტამებზე დამკვრელი კაცებითა და თავზე წყლის დოქ შემოდგმული, ფერად-ფერად კაბებიანი და მძივებიანი-საყურებიანი ქალებით, მთელ ამ ბნელ-ნათელ, ცრუ და ნამდვილ სამყაროს რა გაუძლებს, უშენოდ რაღა გაუძლებს მეთქი, ბაკანო — ¡Qué chévere!...<sup>3</sup> გრინგო<sup>4</sup> ხარ, გრინგო არა ხარ, ვინა ხარ, ბოლო-ბოლო, ველარ გავიგე...

ველარ გავიგე, მაგრამ შენ იმ ბოლო გამოხედვას რაღა გაუძლებს, რაღა...

ბაკანო — ¡Qué chévere!

ორ-ორნი, სამ-სამნი დგანან ძველ ქალაქში, კოლუმბიის დროშის ფერებში გადანყვეტილი ყვითელ-ლურჯ-წითელი კაბებით — მიხვალ, მოელაპარაკები რომელიმე ამ პალენკერას. თუ ამერიკელი გრინგო ხარ, მეტს ვადაგახდევინებ, თუ სხვა გრინგო ხარ, ათი-ოცი ათასი პესო უნდა მისცე და იმასთან ერთად გადაიღებ სურათს...

თავზე ხილის ლანგრები ადგათ, იმ ლანგარს მერე კლიენტსაც დაადგამენ ხოლმე ხუმრობით, მერე თავად დაიდგამენ და ისე მარჯვედ დგანან, ისე მოხდენილად დადიან, რომ გეგონება თავზე ლანგრით დაბადებულანო.

მთელი დღე დგანან ქუჩაში და ელოდებიან ჩამომვლელ ტურისტებს. შუადღი-



სას კაი ყავით და არუბათი — აქაური სიმინდის კეკრებით — მოითქვამენ სულს და დაღამებამდე მუშაობენ მერე.

ისვენებენ ხოლმე ტროტუართან, ფანჯრის გარე რაფის გამონაშვებზე ჩამოფრები, ლაპარაკობენ მხიარულად, იცინიან გადამდებად და ლამაზები არიან, ძალიან ლამაზები.

შარშან სწორედ აქ გამაცნო მაკარიო ანხელ ერევერიამ ერთ-ერთი მათგანი, ევფროსინა მარიატუ რობაიო ნკოსი — ესლა ამათ ჩემი ნამდვილი სახელი და გვარი ხომ არ იციან, პასპორტი ჯაკო პეიჯის სახელით მაქვს და არც დამახსოვრება გაუჭირდებოდათ, მაგრამ რაკი წარა-მარა გავიძახოდი ამ კოლუმბიურ სლენგიდან მონონებულ სიტყვებს, სწორედ ესენი შემარქვეს — „ბაკანო — ¡Qué chévere!“, ანუ „მაგარი — რა მაგარია!“, ეგეთ პონტში, თან აქ პატივისცემის ნიშანიც არის, რამე ეგეთს რომ გეძახიან და ფუფურებ ამ პალენკეროს, აბა, ეს მეტსახელი როგორ მიიღო და ჯერ შორეულ სევდა დედა ღია მწვანე თვალეზში, მუქლურჯი ნერტილიდან რომ ავსებოდა და რომ შემომხედა, მაშინვე მხერა მომინაცვლა, ცაში აიხედა და ხელახლა რომ დამაკვირდა, დაინტერესდასავით და ის ნერტილები კიდევ მერცხლებად გადაიქცენენ, ამოფრინდენ იმისი თვალეზიდან და მე შემომხევივნენ ჟივილ-ჟრინამულით...

მაგასთან მდგომი სხვა პალენკერები, პოლა და მელინდა ილიმბოდნენ გამოუცნობად და მერე პოლამ უთხრა, Deha ma ombre komponé bo pekaó<sup>5</sup>. მელინდამ კიდევ — Nu obbirá poné bulo mbosá<sup>6</sup>. ამაზე გაბრაზებულმა ევფროსინამ ორივეს დაუცაცხანა თითქოს, — Enu é mamá mí nu<sup>7</sup>.

ევფროსინა მარიატუ სამუშაოდ კი არა, თავისი სულის საამებლად იდგა პალენკერებში, თორემ მაგას აქ თავისი ბარ-რესტორანი „Palanquera“ აქვს, ძველ ქალაქში...

მოკლედ, თითქოსდა მოგვეჩინა ერთმანეთი, გავიარ-გამოვიარეთ აქეთ-იქით, სხვადასხვა უბნებში: ბოკა გრანდებზე, ძველ ქალაქში თუ გეთსემანიში, რასაკვირველია, კუნძულ როსარიოს ორიგებზე აღარ წავსულვარ, ბალთაზარი გაჰყვა მაკარიოს. მერე კი მაკარიოს მარტო მოუწია დაბრუნება მედეჯინში, მე კარტახენაში დაგრჩი და ევფროსინამ თავის სოფელშიც კი წამიყვანა ერთი კვირით, მაპალეს<sup>8</sup> სასწავლად.

და იქიდან რომ ვბრუნდებოდით კარტახენაში, მაშინ მითხრა — არ შეგეშინდეს, მაგრამ როცა ორივესთვის სიკვდილი და სიყვარული ერთი და იგივე გახდება, აი, მაშინ მეყვარები სრულადო...

სარჩიო ბენკოს ალზანტე

კარტახენას ისტორიულ ცენტრში, საათის კოშკის მიმდებარედ გვერდიგვერდ არის მშვიდობის მოედანი და კარტების მოედანი, სადაც დგას ამ ქალაქის დამაარსებელი კონკისტადორის პედრო დე ერედის ქანდაკება — აი, სწორედ აქ არის „ლა პეროიკას“, როგორც სიმონ ბოლივარმა უწოდა ამ ქალაქს, პროსტიტუციის ეპიცენტრი.

არ იმჩნევენ, თორემ ეს ამბავი ყველამ იცის და ბევრსაც ლაპარაკობენ ამაზე...

ქალების პოვნა იოლია სალამოს ექვსის შემდეგ და ამით ძალიან ემყარებოდა ხოლმე ნებისმიერი კაცი, ვინც კი საათის კოშკის კარიბჭე გადაიარა, რადგან აქ ქალი თავის სამსახურს სთავაზობს კლიენტს.

უკვე კაი ხანია, მეც აქ ვდგავარ და ველოდები...

ლუდის გამყიდველი კარლოსი მანიშნებს და, აბა, მოდის ისიც...

თურმე, ეს ტაქსისტი ემელიანო ერთი ბანჯგვლიანი და ლიპმომხვეული კაცია, გამოდის ლუდის და წვენების გასაყიდი ჯიხურის ჩრდილიდან, ხელში ლუდის კათხით, მეორე ხელით ერთი დამორცხვებული გოგო მოჰყავს და კითხულობს — როგორ მიდის საქმე, ხომ არავის უნდა გამყილად სოფია, სულ ოცი წლის. შეგიძლიათ, აქედან უკვე კომპანიონის თანხლებით წახვიდეთო.

და მეთქი — გაუშვი ეგ გოგო, მაგარი შეკვეთა მოგიტანე და წამო, შემკვეთი გველოდება, დავილაპარაკოთ.

არსადაც არ წამოვალ, აქ მითხარო. მეთქი, სამი გოგო ბორა ბორას კუნძულებზე მიმავალ იახტაზე, მთელი უიკენდი, თავისი ატრიბუტებით, შეიდ-რვა მილიონ პესოდ.

აუ, რას ამბობ, და, კი, კი, ნამდვილად, ეგ შვიდ-ნახევარი მილიონი ნაღდად მოსულა მანდ, ალბათო.

და მეთქი — აბა, რა!.. მერე, სად არის ის კლიენტით?

და მეთქი, ქალაქის შემოსასვლელში, CARTAGENA რომ წერია დიდი და ფერადი ასოებით, იქ გველოდება, პლაჟზე-გრინგოა, ხო?

მეთქი — ალბათ... მერე სოფიას ვილაცას ჩააბარებს ემელიანო და იმისი ტაქსით მივდივართ.

ბაკანო — ¡Qué chévere!

მედეჯინიდან მე და მაკარიო ანხელ ერევერიამ წამოვედით ანტონიას ვილისის ჯიპით — აეროპორტის ქალაქამდე, რიო ნეგრომდე, ჯერ...

ქალების მხრივ ვერ არის ყოჩაღად ეს მაკარიო, რაღაცა ფული გაჩნდაო და სანამ ანტონია ბარსელონაშია, დრო ვიხელთოთ და კარტახენაში მოვიხილოთ ეგრევეო.

რატომ-მეთქი და — ფეისბუქზე ტაქსისტი ემელიანო გავაძრე ისევე და — შენ უიკენდზე ჩამოდიო და სულ ჩემზე იყოს ქალები გინდა, იახტა, რომი, ტუსი<sup>9</sup> და რამეო.

შენ ისე ლაპარაკობ, რომ, ალბათ, მედეჯინელ მწარმოებელ კალვერას შენ მიყიდე ტუსის რეცეპტი თორმეტ მილიონ პესოდ, თანაც ანტონიამ რომ არ იცის, ისე და ეს ვერცხლიც იმიტომ გაგიჩნდა...

და რომ იცოდე, ჩიკო, სიტყვა „ვერცხლს“ აქ ფულის მნიშვნელობით ამბობენ ხოლმე...

ეგ რა შენი საქმეაო? — ცხარობს მაკარიო და — შარშანაც ხომ არ წამოხვედი ოცდაათქალიან იახტაზე და ახლა ვერსად წამიხვალ, სამოცი ქალი იქნება და უნდა გამომყვიო.

მეთქი, შე ჩემო, რაღა მაინცდამაინც ჩემს თავზე უნდა იფიქროს სამოცმა ქალმა და გული ამირონ... ანდა რაის სამოცი ქალი იახტაზე, აქ ქალები გაკლია მედეჯინში? Playmates სტრიპ-კლუბის გოგოებში ხო დაძვრები ოთხმოცდაათი ათას პესოდ ნახევარ-ნახევარი საათით და ზედაც ლუდი და ტუსი? დაძვრები! New Life ბორდელის ქალებშიც ხო დადიხარ? დადიხარ! და სექს-მასაჟის სალონებში კიდევ? აი, რაღა გინდა, მითხარი და მე სადღა მიგყავარ, თან ისიც იცი, რომ ქალია იქ ერთი, პალენ-

კერა და გადაკიდებულა, ხომ მოგიყევი და რა გინდა, ბოლო-ბოლო, ბოზი კურდღელივით უნდა გამაგოროს მაინცდამაინც?!

კარგი რა, მანო<sup>10</sup>, რა უნდა გაგაგოროს, პალენკერა ეგ ქალი რა, ეგ ევფროსინა მარიატუ და სულაც მე არ გაგაცანი შარშანო?.. და ველარ გავიგე, რანაირად ლაპარაკობ, მე ვარ კაჩაკო<sup>11</sup> თუ შენო?

მეთქი, აი, მართლა და მართლა შენი ბოგოტელი კაჩაკო სისხლი გაშრა შენი... მე კაჩაკო კი არა, კავკასიელი მთიელი გახლავარ, წამოსული აქეთ ბედის უკულმართობით, თორემ იქ ახლა ჩემი ფინკები<sup>12</sup> და საკუთარი ვენახები უნდა მქონდეს უკვე და სამი-ოთხი შვილი ვუვლიდე კაი მაგარ ცოლთან ერთად.

ორი ვარიანტიაო და იქ რომ ჩავალთ, მერე ავარჩევთო. იახტაზე ეწყობა დიდი სექს-ტური, უიკენდზე და გასვლა კუნძულ როსარიოზე. ბილეთის ფასი ხუთი ათასი დოლარი, ანუ 15 მილიონი პესო დაახლოებით. ოცდაათი კაცი ვიქნებით და სამოცი გოგო. კაცზე ორი ქალი დღეში და სხვა დღეებში ქალების შეცვლითო.

და მეთქი, აი, ხო გეუბნები, რომ სრული ბედნიერებისთვის ზუსტად სამოცი ქალის ჟიმაომა მაკლდა აქამდე რა! ბიჯო, მაინცდამაინც კარტახენელი ქალის ძუძუებზე უნდა ისაუზოს ვილაცა დედაარღინანმა გრინგომ თუ კაჩაკომ თუ პაისამ? ისე სუფრაზე ვერა?

რეებს არაკუნებ, რაის არღანო, მაგ ამბავში ასორმოცდაათი ათასი დოლარის შემოსავალია სრული და კოლუმბიაში პროსტიტუცია ლეგალიზებულია, რას ერჩიო?!

მეთქი, არ მინდა რა, ბიჯო, ეგ ბაკანალია, ხომ ვიცი, გული უნდა მერეოდეს მერე სულ!..

და კარგი მაშინ, ეგ სამოცქალიანი იახტა არა, და, მოდი, მე და შენ კიდევ რამე უფრო პატარა იახტით გავიდეთ ბორა ბორას კუნძულისკენ, თითოზე სამ-სამი ქალით, უფრო მაგარი იქნებაო. და ჯანდაბას შენი თავი, ქალების შენაცვლება არ იყოსო.

მეთქი, აი, მართლა ვერა ხარ, ბიჯო, რა... და ბოლო-ბოლო, ისევე ის ბარის მცველი ბალთაზარი გამოგყვება, მე კიდევ ქალაქში გავივლი ჩუმად, სანამ იმ პალენკერა გამაგორობდეს...

და წამოვედით.

სულ ნისლში იყო ჩაძირული მედეჯინის ზემოთ მდებარე ტყეები. მიუახლოვდით რვა კილომეტრიან გვირაბს, სახელად El túnel de Oriente, გადავიხადეთ გავლის ღირებულება, 93 300 პესო და ეს რომ დამთავრდა, მერე ბევრი აღარ გვივლია, მალევე გამოჩნდა პატარა ქალაქი რიო ნეგრო, სადაც არის ხოსე მარია კორდობას საერთაშორისო აეროპორტი და მთელ რვა-მილიონიან მედეჯინის აგლომერაციას ემსახურება, რაკილა თავად მედეჯინში კი სამ მილიონამდე მცხოვრებია, მაგრამ კიდევ სხვა ცხრა ქალაქს აერთიანებს და იმთიანად რვა მილიონზე ცოტა მეტი გამოდის. დაახლოებით სამი საქართველოსხელა მოსახლეობით.

რიო ნეგროს შესასვლელშივე არის სამსახური, რომელშიც შეიძლება მანქანის დატოვება რამდენი დღითაც გინდა. გაჩერებ მანქანას, გამოგინერენ ტალონს, ზედაც სავიზიტო ბარათს მოგცემენ, მერე



თავისივე სამარშრუტოთი მიგიყვანენ აეროპორტამდე. უკან რომ ჩამოფრინდები, ჩაიხედავ იმათ სავიზიტო ბარათში, ნახავ მობილის ნომერს, დარეკავ, მოვლენ აეროპორტში და მიგიყვანენ თავიანთი პარკინგის ტერიტორიამდე, სადაც შენი მანქანა გიცდის.

პირდაპირ აეროპორტში რომ დააპარკინგო მანქანა, ერთი საათი ღირს ოცი ათასი პესო და აქ, ამ სამსახურში რომ დატოვებ, მთელი დღე ღირს მაგდენი. შეღავათია მაინც დიდი და მეთქი — ¡Qué chévere!

**მაკარიო ანხელ ქაიხერია**

შარშანაც ტაქსისტმა ემელიანომ იჩალჩინა ყველაფერზე: იშოვა იახტა, სამი გამოცდილი გოგო, ოღონდ მოზარდებს ჰგავდნენ, კაი დუნდრუცები და, რაც მთავარია, დიდი ტრაკებით ყველა, პლაჟი ელლაგიტო — ბოკავანდეს სულ ბოლოში, ზღვისკენ და იქაც ოთახები საქირაოდ, აგრეთვე ის ოჯახი, შეკვეთით რომ მოჰქონდა: საჭმელი ჩანთებით, ლუდი კალათებით, რომი გრაფინებით და ტუსი და კოკაინი კიდევ პარკებით...

ყველაფერი ფეისბუქზე გაიკვია: ფასი გინდა, ქალები თუ მთელი გეგმა.

ემელიანომ, ისევე, როგორც ბევრმა სხვა ტაქსისტმა კარტახენიდან — ყოველთვის იცის თავისი კლიენტის ჩამოფრენის დრო და რაფაელ ნუნისის საერთაშორისო აეროპორტში ელოდება. მერე წაიყვანს წინდანინ მოქმენი რომელიმე ოტელში, სადაც ჯერ ქალების ფოტოებს ნახავს კლიენტი ამოსარჩევად, მოილაპარაკებენ შეხვედრის დროზე — ერთი დღე იქნება, ერთი საღამო თუ სრული უიკენდი, პარასკევ საღამოდან ორშაბათ დილაამდე...

**ბაპანო — ¡Qué chévere!**

ჩვენი კარტახენური სასტუმროს აივანიდან გნერ ახლა ამას, ჩიკო და, ნეტავ, თბილისში რა ხდება ამ შუა დეკემბერში, ალბათ, როგორი დაჯღანული ამინდია ისევე, და აქ კი ჯერ ხომ დილაა და კაი სიცხეა უკვე, ამიგო.

ჩემი სასტუმროს მარცხნიდან, სულ თეთრებში ჩაცმულმა შავმა პერსონამ მარჯვნივ ჩამომდგარ ორ მობილიან კაცს და აქეთ-იქიდან, სახლის შესასვლელ საფეხურებზე ჩამომჯდარ ვილაცებს გადმოსძახა მჭახედ — მიი-გეეეე-ლ!

ამათგან შუათანამ, ვისაც აგუადენოს სომბრერო 13 ცერად ეხურა თავზე, უპასუხა — ჰოლლლლლლ!

¿Quiubo m'ijo?!

muy bien, ¿y tú?!

და მოკლე-მოკლე მიანიშნეს ერთიმეორეს რაღაც-რაღაცები, რაც მარტო თავად იციან.

- ინყებ?
- ჯერ არა. შენ?
- დაფიწყე უკვე...
- გადიხარ სადმე?
- არა, აქა ვარ.
- კარგი. გნახავ მერე.
- ხდება რამე?
- ემელიანო...
- ისევე?
- Malparido!...

რამე-რუმეების გასაყიდი ურიკით, რომელზეც ნაქსოვი ჩანთები და სვეტებად დაწყობილი კაცის და ქალის სომბრეროები, გამოიარა სულ თეთრებში ჩაცმულმა შავმა ქალმა, თავზეც თეთრი ქუდი და ამ ბოლო სიტყვის გაგონებაზე თლიანად გამოაჩინა თეთრი კბილები...

**ივროსინა მარიატუ რომაიო ნაოსი**

პოპას გორაკზე რომ ახვალ, სადაც სანტა კრუსის დედათა მონასტერია და თვალს მოავლებ მთელ ქალაქს, გულსაც უხარია და სულსაც. მერე შორს, ჰორიზონტისკენ დაინახავ ფაველას, ღარიბთა და სახლებებს და იქიდან ვარ მე. მამაჩემი „რძეზე წავიდა“<sup>17</sup>, დედა ადრე მომიკვდა და სანტა კრუსის მონასტერში მოვხვდი, მანდ ვიზრდებოდი. პალენკერო!<sup>18</sup> დედამ მასწავლა, ესპანური ხომ ისედაც ვიცოდი და მონასტერში კიდევ ცოტა ინგლისური და ქსოვა შევისწავლე...

დედაჩემი კარტახენას სამხრეთ-აღმოსავლეთით რომ დე მარიას მთებია, იქიდან ჩამოვიდა კარტახენაში. იქაა ჩემი პაპაბების სოფელი პალენკე და სან ბაუილიო. Palenque კრეოლურად ნიშნავს „კედლები-



ან ქალაქს“ და ეს ჩემი სოფელი მეჩვიდმეტე საუკუნეში დააარსეს გაქცეულმა მონებმა და ეს ჩვენი კრეოლური ენაც, პალენკერო სწორედ მაშინ გამოიგონეს...

აბა, რა გეგონათ, bastardos, სულ მონებად გეყოლებოდით?

მერე ჩვენი მონასტრის მოძღვარს, დედა ისაბელას, ვთხოვე და იმისი ლოცვა-კურთხევით კარტახენას უნივერსიტეტში ჩავაბარე სამსახიობოზე, რადგან კარგად ვცეკვავდი და, სულ მონასტრის დედას ხომ არ ვთხოვდი მონყალებას, თავის რჩენასაც ჩემით ვცდილობდი.

მოკლედ, ვერცხლი მჭირდებოდა, საკმაოდ ბევრი. იმით, რასაც მიხდიდნენ რესტორანში ჭურჭლის მრეცხავად ან მიმტანად მუშაობისას, თავს ვერ გავიტანდი.

ერთხელ ვილაცა დამელაპარაკა ფეისბუქზე — ძალიან საყვარელი ხარ, მორცხვი გოგონას სახე გაქვს და გინდა, ერთ მაგარ ბიზნესში ჩავართო, კაი ვერცხლი გამოვინიო?

კი-მეთქი.

მოდით, მაშინ ვიმუშაოთ წინასწარი დაჯავშნით გრინგოვთან, კაჩაკოებთან და პასას ხალხთანო.

პირველად ვილაცა el bastardo გრინგოს გამაყოლეს კომპანიონად, იახტაზე ორი საათით გასეირნებით, რაშიც ჩემმა გამქირავებელმა ალაღად ჩამახუტა ექვსასი ათასი პესო და, მეთქი — ეს კარგი ვერცხლია უკვე, თქვენი დედაც... — და ასე დავინტერესდი...

**ბაპანო — ¡Qué chévere!**

მედეჯინის აეროპორტში ჩვეულებრივ გავიარეთ კონტროლი. ისევე ტანსაცმლის გახსნით, ქულის და ქამრის კალათაში ჩადებით, წელის სარტყელი ქამრისაც და საათისაც.

მერე მეხუთე გეითიდან იყო გაფრენა, სანამ ჩვენი დრო მოვიდოდა, მაკარიომ ხუან ვალდესის კაფეების ქსელის ყავა აიღო ქალაღის ჭიქებით და თითო ყველის ღვეხელით. ყავა მთელ კოლუმბიაში ფანტასტიკურია, მით უმეტეს, ხუან ვალდესის. ათი ქულით შეფასდა ათბალიანი სისტემით. ხოლო ღვეხელმა მიიღო ხუთ-ნახევარი ქულა...

გამოვფრინდით. კარტახენას რომ ვუახლოვდებოდით, ნისლი აღარ იყო და ლურჯად ამოსულ სილაჟვარდემი, სულ ქვემოთ კარიბის ზღვის სანაპირო ზოლი ჩანდა, ნავმისადგომის პირსები, თავისი იახტებით და შორს გემებიც იდგა რეიდზე. ილუმინატორიდან ჩანდა ფერად-ფერადი სახლები და ქუჩები, ნაირ-ნაირი მანქანებით...

და ჩიკო, ხო აზრზე ხარ, ზემოდან რომ დაჰყურებ ამ კარტახენას, ეგრევე გახსენდება — „დგება თეთრი დღეები, / რიდეების სეზონი; / განდნენ ორქიდეები / ყოვლად უმიზეზონი. / ლაჟვარდების კიდო, / დაბურული ზმანებით, / ლურჯო მონტევიდო, / ვინრო ხელთათმანებით; / სულში ნისლის ტბებია / და ქაოსის მხატ-

ვარი, / სადაც ველარ თბებიან / ფრთები ნამკათავარი.“ და მეთქი — საიდან სად მოარტყა, რა მაგარია ეს ჩვენი ვალა, მომელრუბლა სული და ლამის ავტირდე, ამის დედაც რა... იცი, რატომაც... მერე მოინერე, ჩიკო, აბა, ის ჩემი ყოფილი ზურმუხტის ქალი როგორ არის, ქმარი ხომ არ აზრახებს და შვილები თუ ეყოლა უკვე...

ჩვენი თვითმფრინავი რომ დაჯდა კარტახენას აეროპორტში, მგზავრების დარბაზს კი არ მიაღდა, როგორც სხვა აეროპორტებშია, არამედ მოშორებით გაჩერდა, მერე ჩამოსასვლელი კიბე მოაყენეს. სავარძლების ზემოთ, ბაგაჟის ადგილიდან ჩემი გორგოლაჭებიანი ჩემოდანი და მაკარიოს ზურგჩანთა ჩამოვიღე და გამოვყვეით სხვა მგზავრებს, ჩამოვედით კიბეზე და აეროპორტის შესასვლელის ჩრდილში გავჩერდით ჯერ.

იყურება ეს მაკარიო, გაფაციცებით ათვალეერებს იქაურობას, ჯერ გარეთ, მერე აეროპორტის დარბაზში დამხვედრებს.

მეთქი, აბა, სად არის ის შენი ტაქსის კაცი ემელიანო?

არ არისო — იჩეჩავს მხრებს — ეგ Güevón-ი ეგო.

აქაურ ჟარგონზე ამბობენ მაგ სიტყვას, ადრეც მოგნერე და ხო ხვდები, ჩიკო, რომ — Güevón-ი, ანუ, ეგ გაიძვერა და არა-რაობაო.

ვაჰ, მართლა-მეთქი? — გამეცინა. ისედაც რაღაცა ვერ ვიყავი კარგად თვითმფრინავშივე, მარცხენა ყური მტკიოდა და ახლა ყბაც დაემატაო — გაფითრებული მაკარიო ამბობს.

აბა, სასწრაფოდ, ჩემი ჩანთა მოგქექე, „ნიმესილი“ გავაძრე ეგრევე და მეთქი — აბა, ეს დაჰკარია და ნუ გემინია, შეჩემა, არ მოვკვდები. აქ სხვა ამინდში მოხვედი, ცხელა და ცოტა ვერა ხარ მაგიტომ და, ნუ გემინია, გაგვიღის.

შევედით შიგნით და დარბაზის ტუალეტებთან დასასვენებელი მერხი იყო, იქ ჩამოჯდა. გავვარდი, დასალევი წყალი მოვუტანე ნახევარლიტრიანზე პატარა ბოთლით, მაკარიომაც ზოგი დალია, ზოგი სახეზე მიისხა და ჩივის — აი, ეს ერთი ნერტილი საფეთქელთან, მარცხნივ, აქ მტკიავო.

მეთქი — დაიცა, მანდ იჯექი, ბიჯო, და აზრზე მოხვალ მაგ რაღაცა რვა მილიონი გადმოურიცხე მაგ ემელიანოს, ორი კაცისა, სულ ათას ექვსასი დოლარია, ბოლო-ბოლო და ერთი მაგ ვერცხლის დედაც რა.

რა რვა მილიონი, მანო, რა რვაო?! გინდა, რომ საბოლოოდ მომკლაო?!

აბა, რამდენი-მეთქი, შეჩემა? ოთხიო!

და ამიტყდა სიცილი — აი, შენი ძუნწი კაჩაკო სისხლი გაშრა შენი და აბა, მითხარი, რვაას დოლარზე თავს როგორ იკლავ, ბიჯო, ათი მაგდენი გაქვს ყოველთვე შემოსავალი და მეტიც...

მოკლედ, აეროპორტის დარბაზის მოსაცდელ სკამზე ვისხვდით კაი ხანი, მაკარიო კიდევ მობილზე ურეკავდა ნაცნობებს,

იმ თავისი სასაცილო კაჩაკოური აქცენტით გაჰყვიროდა — მაგან არ იცის, ვინ გადაიკიდა, მე მაგას დედას და დეიდებს ავუცრემლებ ძალიან მალეო — და ბოლოს ავდექით, ავიღეთ ბარგი და კაჩაკოურად გაავებული მაკარიო ნამიძღვა გასასვლელისკენ.

მალე გავაჩერე ყვითელი ტაქსი, მისამართის თქმაც მე მომიწია და, ჩაჯდომისას — „ბუნოს დიას!“ — და გადმოსვლისას — „მუჩას გრასიას!“ ტაქსისტისთვის. მაკარიო მრისხანედ დუმდა მთელი გზა.

ასე მოვედით ამ კაჯე დელ კოლეგიომდე, სასტუმრო „კოლეგიო ჰაუსში“.

და ჩიკო, დანვრლებით მომიყვია, როგორი სასტუმროა ეგო, რომ მთხოვე, ბიჯო, რომელი მწერალი მე ვარ, შეჩემა?..

კაი, აბა, მაინც: ქუჩიდან რომ შემოდინარ, ჯერ პირველი სართულის კიბემდე უნდა გაიარო ხუთიოდე მეტრი, მერე ადინარ კიბით მეორე სართულზე და იქ ორი ნომერია, სამ-ოთხ კაციანია თითო და შუაში არის დიდი დარბაზი, კონუსურად გადახურული ჭერით, რომლის კოჭები და ფიცრები მუქადაა შეღებილი.

დარბაზის ერთ განაკიდის კედელზე დგას კარადების გრძელი რიგი, რომლის თავზე არის გახუტურა, წყლის ონკანი და ნიჟარა, ელექტრო-ლუმენი, თეფშები და სხვა ჯამ-ჭურჭელი. დაბლა, კარადებში არის ნაგვის ორი ვედრო, ორი პატარა მაცივარი და ქვაბების და ტაფების სათავსოები.

მერე მოდის გრძელი მაგიდა, შუაში ხილის ვაზით, ზედ — ანანასი, ვაშლები, მანდარინები — და ათი სკამი აქვს შემოდგმული. იქით არის ათივე კაცისთვის დაბალი მაგიდა, ორი გრძელი მერხი და ორიც დანული სავარძელი, დასაჯდომი ბალიშებით და დარბაზის მეორე განაკიდის კედელზე, გრძელი თაროს ზემოთ დიდი, ორმეტრიანი ტელევიზორია.

ამ დიდი დარბაზიდან ხის რიკულებიან, მოჩუქურთმებულ აივანზე გადის სამი კარი, მინებით მთელ სიგრძეზე. ეს სამი კარი გარედან იკეტება ძველებური დარბაზებით და ის დარბაზები მერე შიგნიდან უნდა ჩაეკეტოს რკინის რაზებით.

აივანის რიკულები სულ მწვანე ხვიარებშია ჩაფლული.

ამ ჩემს ნომერში კიდევ კარადაა ჩატანებული კედელში. ორკაციანი საწოლია ერთი და მეორე ერთკაციანი.

კედლის თახჩებში არის წიგნების კარადის ორი თანრიგი და ესპანური წიგნები.

მოკლედ, ისეთი სახლია, ცოტა ელეთმელეთი მოგდის, რომ ვაითუ ეგრევე ვილაცა ესპანელი კონკისტადორები გაიჩინონ, პარიკებითა და დამბითა, და ამათ უცებვე მოქსიტავენ, ადგილობრივად გააფართხალბენ და საბოლოოდ გადარჩენილებს ტყვედ აიყვანენ კარიბის ზღვის მეკობრეები, სერ ფრენსის დრეიკის თუ სერ ედუარდ ვერნონის მეთაურობით...

დავბინავდით, გამოვიცვალეთ და ეგრევე Tienda Café Sabor de Montaña არის აქვე და მანდ შევედით. ესაა მალაზია-კაფე „მთის გემო“. გემრიელი ყავითა და სახლში ნაკეთები კერძებით. ძალიანაც მაგარი, უნიკალურად გაფორმებული კაფეა, სამართლიანი ფასებით. მშვენიერი ადგილია დასაჯდომად, Wi-Fi არის, მიმტანი ზიანკას ლიმილია კიდევ, ყავა და წვენები მშვენიერი. დახლში ჩამდგარი მარიოც თავაზიანი ვინეა და გასაფრთხილებლს თავის დროზე გაგაფრთხილებს, ოღონდ არ უნდა დაგავინყდეს, რომ „მუჩას გრასიასები“ ჩაუნერო სტუმრების წიგნში.

სანამ იქ წვენებს დავლევდით, ეს მაკარიო დაეტაკა ორივეს — ემელიანო ხომ არ იცით, ტაქსისტი ემელიანო სად არისო? და იმათაც — გუშინ აქ იყო და დღეს არ შემოსულაო.

წამოვედით იქიდან, ვიარეთ მთელ ქალაქში. სიმონ ბოლივარის სკვერი გინდა, მშვიდობის თუ კარეტების მოედნები თუ სან ფელიპე დე ბარახას ციხე-სიმაგრის შემოგარენი და ლამის ყველა სკვერი თუ ქუჩა ძველ ქალაქში, ზედაც ვეთსემანის მთელი უბანი, თავისი გარე მოვაჭრეებიანად, სულ მოვიარეთ — გადატყინილია მათით მთელი ქალაქი და არავის ენახა დღეს ემელიანო...

მერე მინ დავბრუნდით, დავიძინეთ ერთი საათით და საღამოს გავედით კიდევ ძველ ქალაქში.





მიხო მოსულიშვილი

# მაკალე კარტახენა და ინდიასში



ჯერ მივედით აქაური თეატრის Heredia-ს გვერდით მდებარე კარტახენას უნივერსიტეტის ფილიალის ქიშკართან, რომლის შიგნით არის ეზო, იმის შუაგულში არის დასაფლავებული გაბრიელ გარსია მარკესის ფერფლი, რომელიც აქ გადმოასვენეს მეხიკოდან 2016 წელს. ეს მოხდა მარკესის უძალიანმარგესი მეუღლის, მერსედეს ბარკას სურვილით. ეზოს შუაში, იმ ფერფლის ურნაზე მარმარილოს კოლონაა და ზედ დგას მარკესის ბიუსტი.

მთელ ეზოს კედლებზე გარს უფლის მარკესის ცხოვრების ამსახველი ექსპოზიცია, ფოტოებითა და წარწერებით და შემოვუარე სრულად.

მერე მაკარიომ ხელი ჩაიქნია — ერთი ამ ემელიანოს დედაც, უკვე დაღამდება სადაცაა, გვეყოფა ძებნა და წამო, კარიბის ზღვაზე მზის ჩასვლა უნდა ვნახოთ, დროზეო.

და მეთქი — ეგრე რა, შეჩემა... მაგრამ ჯერ დაიცა, ერთი წიგნი უნდა ვიყიდო.

შევერდი იქვე, წიგნის მაღაზიაში და ვიყიდე მარკესის „მარტოობის ასი წელიწადი“ ესპანურად-მეთქი, ხარჯი ხარჯია და ბარემ ენასაც უკეთ ვისწავლი... წიგნი ღირდა ორმოცი ათასი პესო, ათასი პესო დაჭირდა წიგნის ჩასაღებ ცელოფანს და ორმოცდაათი ათასი პესოდან რომ ხურდა უნდა მოეცათ ცხრა ათასი, იმის გამორთმევა სიჩქარეში დამავინყდა და უკვე კარიბის ზღვის გაყოლებით კედელზე ასულეხს და იქ სურათების გადამღებებს წამოგვადგა თავს იმ მაღაზიის გამყიდველი გოგო და მოგვიტანა ეს ფული — ხურდა დაგავინყდათ, სენიორო... ესეც ძალიან მესიამოვნა და რა ბედნიერება იყო მზის ნითლად ჩასვლა კარიბის ზღვაზე, მოცარტის რომელიღაც სიმფონიასავით, ეჰ...

მერე წამოვედით, კიდევ კაი ხანი ვიხეტილეთ ძველ ქალაქში და ბოლოს, კაი გვიანი იქნებოდა უკვე, მაკარიომ ეგრევე მოხილი გააძრო და გულის რუკით გავედით ჯერ კაჯე 36-ში მდებარე La Cava-ში — ესაა მაღაზია სიგარეტით, სასმელებითა და ყავით ხოლმე. აქ ვიყიდე სიგარეტი და მაღაზიის გამყიდველმა გოგომ დაგვაღვივინა ოცდახუთი წლის რომი — Dictador. ეს რომი მხოლოდ კარტახენაშია და ძალიან ძვირფასი სასმელია. პატარა სირჩებით მოგვიტანეს.

მე ვადღერძე ის მაღაზია, სირჩა მიუჭახუნე მაკარიოს და სულ „მუჩას გრასიას“ მიძახეს მერე მეპატრონე დონ ჩუჩო პერესმა და იმისმა აფროკოლუმბიელმა მეგობარმა, გაყინული თვალებით, სერხიო ბენკოს ალზანტემ, ეგ ხომ შარშან გავიცანი კარგად... უკვე მოყოლილი მაქვს ეგ ამბავი, ჩიკო...

პატარა მაგიდას უსხდნენ, სიგარეტსა და რომს შეექცოდნენ ისინიც.

და მაკარიოს ვუთხარი, მეთქი — ახლა ამათაც ემელიანოზე გამოკითხვა არ დაუნყო, ბიჯო, ხო ხედავ, თავის დილიხორში არიან...

და მაკარიომაც არ დამიჯერა, ჯერ მაინც კაჩაკოური თავაზიანობა დაიცვა, დონ ჩუჩო პერესი გამაცნო და მერე სწორედ ამათ შეეკითხა ტაქსისტ ემელიანოზე,

მაგრამ არც ამათ იცოდნენ არაფერი...

ამის მერე ბევრი ვიარეთ ღამის კარტახენაში, რომელიც ათასის ერთი ოხერტიალითაა სავსე და ეტლითაც ვისეირნეთ ერთი საათი ორასი ათასი პესოდ და იმ ეტლზე ხელბეჩავლებულ ქუჩის რეპერებსაც მანამდე ვუსმინეთ, სანამ თავი არ მოგვაბეზრეს და ოცი ათასი პესოც არ მივაშავე, თორემ ამ მაკარიოს ხომ ჯიბეებში გველები უზის სულ და ხელის ჩაყოფა არ უნდა ხოლმე.

ამ დილას გავხსენი სიგარეტის კოლოფი და ამას ჰქვია La Cava Del Puro Seleccion — ასორმოცდაათი ათასი პესოდაა — ესაა საშუალო სიმაგრის, ძალიან არომატული სიგარა, ნახევარი მოწიე ამ დილით სასტუმროს აივანზე, მეორე ნახევარი მაკარიოს დავეუტოვე.

ჰო, არ დამავინყდეს, მაკარიომ მითხრა, რესტორან „პალენკეროში“ წავიდეთო და — ჯერ ვერა-მეთქი, მოდი, სადმე სხვაგან — და ვიყავით ბარ-რესტორან „ორიგინეს“-ში, ესტანკო დელ აგუარდინტეს ქუჩაზე, ხის გრძელი მაგიდებია დარბაზში, სავარძლებით. ძალიან მაგარი ადგილია. კედლის ტელევიზორში კარიბული მუსიკა გადიოდა. კედელზე იყო თორმეტზე გაჩერებული საათი. მიმტანიც მალე მოვიდა და კალმანი შეუკვეთეთ, ქოქოსის ბრინჯის მისატანელი და Areppa de huevo — კვერცხიანი სიმინდის კვერი კარტახენურად. მე Club Colombia-ს ორი ბოთლი ლუდი ჩავურტყი, თავისი სამი ჭქა რომის ჩაფენით, მაკარიომ კიდევ, მაინც ალაოდ იყო ისეც და იერბაბუნას ლიმონათი სვა გაჭყებამდე. ეს Yerba buena პიტნასავით მცენარეა აქ და მაგარ ლიმონათს აკეთებენ იმისგან.

## ევფროსინა მარიატუ როზაიო ნაოსი

ოცი წლის წინ სჯობდა, el bastardos, სადაც გინდოდა, იქ დადგებოდი და იმუშავებდი, ზოგიერთ პოლიციელს არ შეანუხებდი. არც ამდენი კონკურენცია იყო, როგორც ახლა. თან როგორი კონკურენციაა უკვე, იცი? ქალი შეიარაღებულია, ბევრ კაი გოგოს ხომ ქირურგიაც ეხმარება. ადრე ჩვენ ბუნებრივები ვიყავით.

მართალია, კარტახენას უნივერსიტეტი ველარ დავამთვრე, მაგრამ ცხოვრებას მაინც არ ემდურის ევფროსინა მარიატუ...

უკვე ასაკში რომ შევედი, მივხვდი, კომპანიონობას ველარ გავქაჩავდი, რამე სხვა საქმე უნდა მომეძებნა. ჩემი დანაზოგით ნაყიდი ერთი ძველი და მოფამფალეული ქოხი მქონდა ბოკაგრანდეს განაპირას, სადაც ახლა სასტუმრო „კონკისტადორია“, და ამ ჩამორიგებაზე ჯოკერი მომცა ცხოვრებამ, სწორედ მაგ სასტუმროს ხალხმა იყიდა ჩემგან ის ქოხი კაი ფასად, მაგრამ მარტო ის ვერცხლი რას ეყოფოდა და ამიტომ „შავი ქვრივის“ დისშვილი, სენიორა ანტონია შემოვიდა წილში, ისტორიულ ცენტრში ეს სახლი ვიყიდე, შევაკეთე და აი, ეგრე გაჩნდა ამქვეყნად ჩემი საკუთარი ბარ-რესტორანი „პალენკერა!“

აბა, რა გეგონათ, el bastardos, რაკი აფრიკიდან წამოგვასხით ცხვრის ფარასავით და მონებად გავყვიდეთ, სულ უბედურე-

ბითა და გაჭირვებით უნდა გვეცხოვრა?

ოლონდ ეს რესტორანი რომ მთლიანად გამოვისყიდო, მარტო ამისი შემოსავალი რას მეყოფა, სენიორა ანტონიას ერთი თვის გადასახადს ვერ გასწვდება.

ამიტომ, რას ვაკეთებ, bastardos, რას და — მე ხომ ისევე მაქვს მთელი ის კონტაქტები, ძველი ბიზნესიდან და, რაღა დაგიმალ-ოთ, საქმის მიმცემი ვარ, პოლიციელები კი სუტენიორებს გვეძახიან თავიანთ გრძელ-გრძელ ოქმებში, და სწორედ მაგ ოქმებს იმის მერე დაახვევენ და ერთ ადგილზე გაიკვებებენ ხოლმე, რაც კაი ვერცხლი შეუვა ჩვენგან მაგათ უფროსს, აქ იმის გვარს არ ვახსენებ...

მოკლედ, ორმოცდარაღაცა წლის სუტენიორი ვარ და ბოკაგრანდეს პლაჟზე ანდა ნებისმიერ პლაჟზე, როსარიოს თუ სხვა კუნძულების ჩათვლით, სადაც იქნებიან გრინგოები თუ კაჩაკოები და პაისები, ვსაქმიანობ.

არიან ვიღაც-ვიღაც ტაქსისტები, სხვადასხვა ოტელის თანამშრომლები და დამირეკავენ ხოლმე მობილზე, რომ კომპანიონი ვუპოვო. მერე მე გოგოებს ვურეკავ, ვთავაზობ კარგ ბიზნესს, რომ კლიენტს თან ახლდეს ორი-სამი საათი, ანუ, ის რაღაცა თავისებური ექსკურსიამდლოლობა გაუწიოს...

როგორ და, ვიღაცა ჩამოსული, გრინგო იქნება, კაჩაკო თუ პაისა, აპირებს ორი-სამი დღე დარჩეს კარტახენაში და უნდა, რომ გოგომ დაათვალიერებინოს ქალაქი, მუზეუმებში წავიდნენ, მაღაზიებშიც შეიარონ და იცეკვონ კიდევ დისკოთეკაზე.

სექსზე კიდევ რა გითხრა, el bastardo, თავად იციან, მე არ ვაიძულებ ქალებს, რომ კლიენტთან დაწვინ...

და დღეს, სიესტას მერე ახალი ამბავი შემოვიდა, ჩემმა სიკარიომ სერხიო ბენკოს ალზანტემ მითხრა, რომ სენიორა ანტონიას ხალხი, ის კაჩაკო მაკარიო და იმისი ძმაცაი ბაკანო — ¡Qué chévere! იყვენ გუშინ დონ ჩუჩოსთანო.

და მეთქი, სენიორა ანტონიას ამ თვის ფული უკვე გადავურცილე და ნეტავ, რაზე არიან ჩამოსული?

და თურმე, ტაქსისტ ემელიანოს ეძებენ და არ იციან, რომ ეგ მაგათი ტაქსისტი ემელიანო წუხანდლიდან სანაპიროს ქუჩის ერთ-ერთ ლამპიონზე ჰკიდა, ზედ შავ-შავი გრაკლები დასაკორტნად ასხდებიან და კარიბის ზღვის ქარი აქანავებს...

ეს ემელიანო იყო ვინრო სპეციალობის სუტენიორი. დადიოდა ახლო-მახლო თუ შორეულ სოფლებში და პატარა გოგოები მოჰყავდა რამდენიმე მილიონ პესოდ. აგე, გალმა რომ მაგარი კორპუსებია, ზღვის პირას, ეგაა ბოკაგრანდე და მაგის პლაჟზე, სადაც ბევრი გრინგოები და ესპანელები არიან ხოლმე, მანდ ჰყიდა ამ ჩამოყვანილ გოგოებს. ჰოდა, ამ დროს გადააჭარბა და ზღო კიდევ, როგორც ხდება ხოლმე...

და თქვენ კიდევ, მედვიენილო bastardos, გამოდის, რომ ქალები მოგინდათ და ემელიანომ გადაგადგოთ, არა?!

ოჰ, თქვენი ყველაფერი, თქვე მართლა Malparidos!..

განსაკუთრებით კიდევ შენ, საიდანღაც ჩამოთრეულ, ძაღლისშვილი — კაჩაკო არა ხარ, პაისა არა ხარ, გრინგოც არა ხარ თითქოს და ვიღაცა ოხერი el bastardo ხარ, წარა-მარა ჯე ჩვევრე“ რომ გაიძახი და არა უშავს, მაინც კარგად ისწავლე მაპალეს ცეკვა...

როგორ დამეკარგე მთელი ერთი წელი...

როგორ ამირიე თავგზა და ეს აწყობილი ცხოვრება...

რამდენჯერ ჩუმად ჩამოვფრინდი მედვიენში, შორიდან მაინც რომ მომეკრა შენთვის თვალი და რამდენი საქმე გამიფუჭდა მაგიტომ...

და ახლა ქალი მოგინდა და მე კიდევ — მემალები, არა?!

შე მართლა el bastardo შენ...

და ავტირდი...

<sup>1</sup> El bastardo — ესპ. უქორწინოდ დაბადებული, ნაბიჭვარი.

<sup>2</sup> კაჯე — ესპ. Calle, ქუჩა.

<sup>3</sup> ბაკანო — ესპ. Bacano / Chévere კოლუმბიური სლენგი, Bacano — „მაგარია“, ითქმის ადამიანზეც, ხოლო ¡Qué chévere! — „რა მაგარია!“, — ადამიანის გარდა, ითქმის ყველაფერზე.

<sup>4</sup> კოლუმბიელები „გრინგოს“ ეძახიან ამერიკელებსაც და, ზოგადად, ყველა თეთრკანიანს, ვინც ლათინური ამერიკიდან არაა.

<sup>5</sup> Deha ma ombre komponé bo pekao — პალენკეროზე: „მოდო, მაგ კაცმა თვეზი მოგიშვადოს“.

<sup>6</sup> Nu obbirá poné bulo mbosá — პალენკეროზე: „ვირის შეკაზმვა არ დაგავინყდეს“.

<sup>7</sup> Enu é mamá mí nu — პალენკეროზე: „თქვენ დედაჩემი არა ხართ“.

<sup>8</sup> მაპალე — El Mapalé — აფრო-კოლუმბიური სტილის ცეკვა, გამოგონილი გაქცეული მონების მიერ და წარმოადგენს მეთევზეებს მიმე სამუშაო დღის შემდეგ. ამ ცეკვის სახელი „მაპალე“ მომდინარეობს „მაპალე — ზღვის ლოქის“ (Cathorops mapale) სახელწოდებიდან.

<sup>9</sup> ტუსი, ანუ ტუსიბი — კეტამინის, კოფეინის, ფენტანილის, კლოზეპამის და ექსტაზის ნაზავი, ვანილის სურნელით, შესასუნთქი. ვარდისფერი კოქტეილი, სინთეტიკური ნარკოტიკული ფგენილი. ვისაც როგორ უნდა, ისე აკეთებს და ძალიან საშიშია. ტუსის სამშობლოა ქალაქი მედვიენი და გრამი ღირს ათი დოლარის შესაბამისი კოლუმბიური პესო. მადრიდში და ვეროპის სხვა ქალაქებში ერთი გრამი ტუსი ღირს ასი ევრო და „კოლუმბიური კოკაინი“ ჰქვია.

<sup>10</sup> მანო — შემოკლებული ვარიანტი ესპანური სიტყვისა Hermano — ძმა.

<sup>11</sup> კაჩაკო — ტერმინი cachaco ბოგოტაში გამოიყენება იმ ინტელექტუალების თაობის აღსანიშნავად, რომლებიც დაიბადნენ და გაიზარდნენ მეოცე საუკუნის პირველი ნახევრის დედაქალაქური კულტურისა და მოდის გავლენით და რომელიც დროთა განმავლობაში გაქრა. კაჩაკოები ჩაკეტული ფენას ქმნიდნენ, გამოირჩეოდნენ არა მხოლოდ თავიანთი ელევანტურით, მკაცრი ჩაცმულობითა და ქცევით, არამედ თავიანთი განსაკუთრებული დიქციითაც.

<sup>12</sup> ფინკები — ესპ. La finca — მაშული.

<sup>13</sup> აგუადენოს სომბრერო — El sombrero aguadeño — შავლენტიანი და თეთრი შლაპა, რომელიც იქცა კოლუმბიის ერთ-ერთი რეგიონის, პაისას სიმბოლოდ. იქსოვება ხელით, აგუადასის მუნიციპალტეტში, კალდასის დეპარტამენტში.

<sup>14</sup> „Quiubo m'ijo? — ესპ. „რა ხდება, ძმაო?“ — ეს გამოთქმა მისალმებად ითვლება კოლუმბიაში.

<sup>15</sup> muy bien, ¿y tú? — ესპ. „მე კარგად, შენ?“

<sup>16</sup> Malparido — კოლუმბიური სლენგია და „დროზე ადრე გაჩენილს“ ნიშნავს.

<sup>17</sup> „რძეზე ნავიდა“ — კოლუმბიურად ეს გამოთქმა ნიშნავს იმას, რომ სახლიდან გავიდა და აღარ დაბრუნებულა.

<sup>18</sup> პალენკერო — Palenquero — კრეოლური ენა, შექმნილი ესპანურის საფუძველზე, შეიცავს ბანტუს ენების, კიკონგოს და კიმბუნდუს მძლავრ სუბსტრატს, ასევე პორტუგალიურ და სხვა ევროპული ენებიდან წამოსულ დამახინჯებულ სიტყვებს. ამ ენაზე ლაპარაკობენ პალენკე დე სან ბაზილიოში მცხოვრები აფრო-კოლუმბიელები.

## დასასრული შემდეგ ნოემბერში



გამოყენებულია ავტორის ფოტოები



ანდრო ბუაჩიძე

# აბსურდის პოეზია

## შტრიხები და პარალელები



მოულოდნელი იდეა დამებადა და ვეცადე, პარალელი გამეგვლო ალბერ კამიუს „უცხოეს“ და შოთა ჩანტლაძის პოეზიას შორის.

შოთა ჩანტლაძეს არ აკლდა იუმორი და ირონია. მეც შეიძლება ერთგვარი ირონიული რაკურსი მოვიშველიო და ვთქვა: შოთა არის ავტორიტარული რეჟიმის ლირიკული მემკვიდრე. ასეთი რამ შესაძლებელია? როგორც ჩანს, შესაძლებელია, ოღონდ პოეტს თავისი ხედვის წერტილი უნდა ჰქონდეს და აქვს კიდეც. ამ ხედვის წერტილიდან გარემომცველი რეალობა ისეთ პრიზმაში გადატყდება, რომ საგნები და ადამიანები ამ რეალობისგან განსხვავებულ ფორმას იძენენ. გაუცხოებისა და სამყაროს აბსურდული აღქმისთვის, აბსურდის თეორიის თანახმად, ის ვითარებაა აუცილებელი, როცა ერთმანეთის პირისპირ ორი სხვადასხვა, ურთიერთსაინააღმდეგო ფენომენი წარმოდგება: ერთი მხრივ, ადამიანი, რომელსაც სურს სამყაროს წვდომა და, მეორე მხრივ, ირაციონალური, აუხსნელი, მდუმარე, უცხო სამყარო. ყოველივე ეს ღმერთსმოკლებულ ყოფიერებაში ხდება.

არის ასეთი რამ შოთა ჩანტლაძის პოეზიაში? ვფიქრობ, რომ არის. გაუცხოების და აბსურდის საწყისი, ძირი სხვადასხვა გარემოში სხვადასხვაა, ზოგადი ნიშანი კი ნიჰილიზმია, პიროვნების ნიველირებაა. ნიველირებული ადამიანისთვის მიუღებელია ის სოციალური გარემო, სადაც კონკრეტულ დროში ცხოვრობს. აქ მისი თავისუფლება შეფერხებულია. შოთა ჩანტლაძე ცდილობს, გადალახოს ეს შეფერხება და თავისუფლებას კენ სწრაფვა საკუთარი შემოქმედებით გამოხატოს. აი, პოეტის ერთი თავისუფალი ლექსი:

*შევედი ბაღში, სკამში ჩავესვენე. ბაღში სიცხეა აუტანელი. მე ჭადრის ფართო ფოთლების ჩრდილი მადგას სხეულზე. აღსავსე ვარ სიხებით და სიზარმაცით.*

*რადიო მომინოდებს შრომისკენ. მე მელიძეა და მეხუჭება თვალები. სიზმარში ვხედავ: ხელში მიჭირავს ბარი და ხან კვადრატული, ხან ბუდობრივი ნესით ვთევს კარტოფილს.*

ალბათ კომენტარი ზედმეტია, მაგრამ მაინც ვიტყვი: რადიო — საბჭოთა ტოტალიტარული პროპაგანდის რუპორი, ადამიანს ბაღშიც არ აძლევს განმარტოების საშუალებას, რადიოს ხმა იჭრება არამართო პოეტის ცნობიერებაში, არამედ მის ქვეცნობიერში, სიზმარშიც კი იბუდებს; იბუდებს იქ, სადაც უცხო სხეულის შეღწევა შეუძლებელია.

\*\*\*

შოთა ჩანტლაძე, უპირველესად, მკაფიო პიროვნება იყო, ყველაგან განსხვავებული პიროვნება. ყოველი დროის საზოგადოებაში არსებობენ სერიული, გავრცელებული თუ მომრავლებული „მასის ადამიანები“, რომლებიც თავიანთი „მსოფლმხედველობის“ თარგზე ჭრიან რეალურ ვითარებას, ეთიკურ და ესთეტიკურ სინამდვილესაც. ესენი არიან ხელოვანი ან ინტელექტუალი სნობი კონფორმისტები, რომელთაც კომფორტული ცხოვრება სურთ და

შემოქმედებითი ზეალსვლაც. მათი სრული ანტიპოდი გახლდათ შოთა ჩანტლაძე ცხოვრების წესითაც და შემოქმედებითაც. ცხოვრების წესში, უპირველეს ყოვლისა, იმას ვგულისხმობ, რომ ეს იყო პოეტი, რომელმაც ლექსების გამოქვეყნებაზე უარი თქვა, არ გამოუქვეყნებია თავისი ნაწარები, რამაც ვერ შეზღუდა მისი შთაგონება, მისი შემოქმედებითი თვალსაზრისი. მან იცოდა, რომ ცენზორული აკრძალვის პირობებში მისივე მსოფლმხედველობრივი მხატვრული ტრანსფორმაცია ოფიციალური მისაღები ვერ იქნებოდა. მიუხედავად ამისა, აღრმავებდა და განაგრძობდა თავის არჩეულ გზას. ასეთი იყო პოეტის, როგორც თავისუფალი შემოქმედის ერთხელ გაკეთებული არჩევანი, ასეთი იყო მისი „მონყენილობა“ — თვითმიგნებული გაუცხოების და აბსურდის სათავე. სამწუხაროდ, მისი ცხოვრება ნაადრევად დასრულდა, მაგრამ დაბეჯითებით შეიძლება ითქვას, რომ მან შექმნა თავისი სამყარო, დახვეწილი ირონიით, კონკრეტული რეალობისადმი გაუცხოებით და აბსურდით განზავებული სამყარო...

\*\*\*

შოთა ჩანტლაძის ლირიკული გმირი — ტრამვაი — გაუცხოების, აბსურდული ვითარების გამომხატველი არსებობდა. პოეტი თავის ლექსებში „ჩემი მაგიდის წიგნი“ და „ტრამვაის“ სწორედ გაუცხოების და უფრო მეტიც, აბსურდის ვითარებას ქმნის. ტრამვაი, ერთი მხრივ, ფანტასტიკური, მექანიკური არსებაა და მეორე მხრივ, ემპირიული სოციალური რეალობისადმი გაუცხოებული სიბრძნე. ის პერსონიფიცირებული სახეა, სიმბოლოა იმ ადამიანისა, რომელიც ნიველირებულია, უფლებაზე უფლებიანია, იდეოლოგიურ სტერეოტიპშია „ჩაჭედებული“. ტრამვაი მხოლოდ ერთი მიმართულებით მოძრაობს, ან ერთ წრეზე ბრუნავს და გვერდით გახედვა ეკრძალება. მას სურს, გაარღვიოს მჭიდრო წრე, მაგრამ ეს არ ძალუძს. მისი არსებობის წესი და ხასიათი იმთავითვე განსაზღვრულია. ტრამვაი, როგორც გაუცხოებული ადამიანი, მექანიკური კანონებით მოქმედებს და ყოველდღიურად ერთსა და იმავე გზას ადგავს. ეს გზა ტანჯვის და წამებისაა, რადგან ტრამვაის გაუცხოებული ყოფაცხოვრება ერთ სადინარში მიედინება, მისი წინასწარი გზის დამდგენია ლიანდაგი, რომელიც სწორხაზოვანი და მოსაწყენი მარშრუტით იფარგლება. ამ მარშრუტს ისეთი წინააღმდეგობები ახლავს, რომ ტრამვაის ზოგჯერ სურვილი აქვს ამოხტეს კიდეც ლიანდაგიდან და ცხოვრება თვითმკვლევლობით დაამთავროს. ამას კი ვერ იზამს, რადგან განსხვავებულია, გაუცხოების მსხვერპლია და შეუძლებელია, წინასწარ განიხილოს ყოფა რამენაირად შეცვალოს. ზოგჯერ მოქალაქე, რომელსაც ჰზებრდება ფეხით სიარული, ცდილობს, შეახტეს მას, მაგრამ ტრამვაის „არაგომეტრიული თვალი“ აქვს, ვერ ხედავს მოქალაქეს, ვერ ანელებს სვლას და „მოქალაქე ბორბლებზე ექცევა უმღარ / და მიზეზით დაიქნევენ ბორბლები მოქალაქეს“.

აქაც ის ორზროვანი და ორსახოვანი არსება განიცდის ნუხილს, უნდა, რომ შემსუბუქდეს, უნდა, რომ „ვეებერთელა ბამბად იქცეს“, რათა არ გათელოს მსხვერპლი, მაგრამ ცხადია, ვერ ახერხებს, რადგან რკინაა, მეტალია, „ცივი და უმძიმესი“. ასე განაგრძობს წრიულ გზას შოთა ჩანტლაძის ტრამვაი, ხან რას გადაეყრება და ხან რას, გამუდმებით მიიწევა და მიაქვს თავისი სიზიფის ლოდი ქარში, ყინვაში, თოვლში... მისი გზასავალი უცვლელია.

\*\*\*

გაუცხოებას აბსურდი მოჰყვება. შოთა ჩანტლაძის პოეზიაში გაუცხოების და აბსურდის განწყობილებას მოწყენილობა ბადებს. პოეტი ყველაზე ხშირად მოწყენილობაზე საუბრობს.

აბსურდის თეორიის ავტორი ალბერ კამიუ ერთმანეთისგან ასხვავებს აბსურ-

დის გრძნობას და აბსურდის ცნებას. პირველადი არის გრძნობა, რაც მომდევნო ეტაპზე აყალიბებს ცნებას, ანუ აბსურდული ვითარების გააზრებას. შოთა ჩანტლაძე ის შემოქმედია, რომელიც საკუთარ არსებაში განიხილ აბსურდის გრძნობას — თავის გამჭოლ მზერას და მახინჯ სოციალურ რეალობას შორის შეუსაბამობას — პოეზიად აქცევს.

ალბერ კამიუ „აბსურდის გრძნობა“ ყველაზე მძაფრად გამოხატა რომანში „უცხო“. ამის შემდეგ მან შექმნა აბსურდის თეორია, ესეი — „სიზიფის მითი“. აქ ის ამბობს: „აბსურდის გრძნობა საფუძვლად უდევს აბსურდის ცნებას, ოღონდ გრძნობა ცნებით ვერ ამოიწურება“.

როგორც უკვე ვთქვით, შოთა ჩანტლაძე სწორედ გაუცხოების და აბსურდის გრძნობას აქცევს პოეზიად. მთავარი გრძნობაა, განცდაა. აბსურდის გაგება განცდაში ეძლევა ალბერ კამიუს („უცხო“), შოთა ჩანტლაძეს კი თავის ორ ვრცელ ლირიკულ ლექსში.

\*\*\*

ცხოვრების აბსურდულობას კონკრეტული ნიშნები აქვს და ეს ნიშნები გარკვეულ ყოფით ვითარებაში მჟღავნდება. საინტერესოა, შოთა ჩანტლაძესთან რა კონკრეტული ნიშანი იჩენს თავს, რომელიც თანხვედება ალბერ კამიუს ნააზრევს.

ალბერ კამიუსთან გაუცხოებას, და შესაბამისად, აბსურდს ფართო მსოფლმხედველობრივი საფუძველი და სპექტრი გააჩნია, შოთასთან იმავე მოვლენებს სოციალური და პოლიტიკური მიზეზები აქვს. ტოტალიტარული რეჟიმის უკვე იმთავითვე აფერხებს თავისუფლებას და გამაუცხოებელ სინამდვილეს წარმოშობს. საწყისი ფაზა ცხოვრების აბსურდულობის განცდისა კამიუსთანაც და შოთასთანაც არის მოწყენილობა. ეს თანხვედრა უკვე ინტერესს აღძრავს.

აი, შოთა ჩანტლაძის ლექსი „ჩემი მაგიდის წიგნი“. ეს ლექსი ჩანტლაძისეული აბსურდის თავისებურ მანიფესტს წარმოადგენს. ქალაქი ის სივრცეა, სადაც ყოველდღე დახეტიალობს პოეტი და რომელსაც ის ადარებს სქელტანიან მოსაწყენ ნიგნს:

*ეს ქალაქი ჩემთვის ნიგნია  
სქელტანიანი, ეპოქალური და  
მოსაწყენი.*

ან სხვა ფრაგმენტი:

*ამ ქალაქში არის დიდი, ძალიან დიდი,  
ვეებერთელა,*

*ამ ქალაქისხელა მოწყენილობა,  
რომელიც უხილავი ძაფებით  
გამობმულია საათის ისრებზე.*

კამიუ „სიზიფის მითში“ აღწერს რომანის მთავარი გმირის, მერსოს ერთგვროვან ცხოვრებას და განაგრძობს: „ასეთ დროს ჩვეული დეკორაციები ინგრევა. გაღვიძება, საუზმე, ტრამვაით ჯაყჯაყი, ოთხი საათის მუშაობა, ვახშამი, ძილი... ეს არის ცხოვრების გზა, სადაც ერთი მოსაწყენი დღე ენაცვლება მეორეს. ყველაფერი იწყება ამ გაკვირვებით შეფერილი მოწყენილობით, ყველაფერი ამით იწყება — აი, რა არის მთავარი. მოწყენილობა არის მექანიკურად აწყობილი, განმეორებადი, ინერციის მიღვენილი ცხოვრების თანამდევნი გრძნობა, რომელიც ამოძრავებს ცნობიერებას და სამომავლოდ უნეებს მას პროვოცირებას“.

მაშასადამე, კიდევ ერთხელ მინდა, აღვნიშნო — ალბერ კამიუც და შოთა ჩანტლაძეც საგანგებოდ გამოყოფენ მოწყენილობის ფაქტორს, რაც მათთვის გაუცხოების და აბსურდის დასაბამია. მოწყენილობა ამ მწერლებთან ონტოლოგიური მნიშვნელობის ცნებაა.

\*\*\*

შოთა ჩანტლაძის ლექსი — „ჩემი მაგიდის წიგნი“ — ისევე, როგორც ლექსი „ტრამვაის“, აბსურდის აპოლოგიაა. ჟან პოლ სარტრის ამბობს: „აბსურდის ადამიანი კი არ განმარტავს, არამედ აღწერს“.



ასე აღწერს თავის აბსურდს შოთა ჩანტლაძეც. როგორც უკვე ვთქვით, პოეტი ყოველთვის ხეტიალობდა თავის ქალაქში. ეს ქალაქი მას აგონებს ნიგნს, რომელსაც მთელი ცხოვრება კითხულობდა და ამიტომაც ახლა უკვე დაზეპირებული აქვს და, რადგან უკვე ზეპირად იცის, აღარ ესაჭიროება ქალაქში ხეტიალი, ზეპირადვე წარმოთქვამს ნიგნის შინაარსს.

შოთა ჩანტლაძე თავიდანვე მიმართავს მეტაფორას ქალაქი ნიგნია, უფრო მეტიც, ქალაქი მაგიდის ნიგნია, რადგან ეს მისი ყოველდღიურობაა, ეს გაშლილი მეტაფორაა და მას აქვს თავისი სტრუქტურა. ამ სტრუქტურის აღწერას გვთავაზობს პოეტი და აქ პოეტის ლექსი ერთი თვალშისაცემი იმნიშნო ჰგავს კამიუს „უცხო“ ტექსტს: რაკი ის არ განმარტავს, არამედ აღწერს, მასთან უფრო მეტი რამაა ნაგულისხმევი, ვიდრე ნათქვამი. თვითონ კამიუ ამბობს „სიზიფის მითში“: „კაცი იმით უფრო ჩანს, რასაც არ ამბობს, ვიდრე იმით, რასაც ამბობს“. მერსო ასეთი სიჩუმის მაგალითია, ასეთივეა შოთა ჩანტლაძის გმირიც. ის ქალაქის არა ნიგნის სტრუქტურას აგვიწერს. აღწერა ვრცელია, მონოტონური და მნიშვნელოვანია აღწერის თავისებური სიზუსტე და არანაკლებ — აღწერის ინტონაციის ანუ კატალოგური ჩამონათვალის მდორედ დენადი სტრიქონების ეფექტური შედეგობა. ამ დენადობაში ჩანს ლირიკული გმირის, თვითონ პოეტის მდორე ინერციით აღძრული ცხოვრების რიტმი. ისევე, როგორც კამიუს მერსო, შოთა ჩანტლაძის ლირიკული გმირიც ინერციით მოძრაობს და აქ ეს ინერცია გადმოცემულია ლექსის რიტმის და, ზოგადად, ინტონაციის მეშვეობით. მისი ნიჰილისტური დამოკიდებულება მაღალი ადამიანური ფასეულობებისადმი წარმოშობს გულგრილობას. ამიტომ ლექსი — „ჩემი მაგიდის წიგნი“ — გადმოსცემს ლირიკული გმირის ინერტულობას, ცხოვრებისეული მოვლენებისადმი არა განსაზღვრულ დამოკიდებულებას, არამედ სრულ განურჩევლობას. მექანიკურად მომართული ლირიკული გმირის ცნობიერება განაგრძობს ქალაქის ნიგნთან, „ეპოქალურ და მოსაწყენ“ ნიგნთან ანალოგიის ხაზგასმას, ესე იგი, კატალოგის შედგენას და მოულოდნელად სვამს კითხვას: „იცით, რა წერია ამ ნიგნში?“ და თვითონვე სცემს პასუხს კითხვას, სადაც უკვე იწყება შინაარსობრივი კატალოგის გამომზეურება:

*ეს ნიგნი იწყება იმით,  
რომ გათენდა მოსაწყენი დილა და  
დაიწყო ცხოვრება,*

*რომ ამ ქალაქში არ არის სიხარული,  
რომ ამ ქალაქში არ არის მწუხარება,  
რომ ამ ქალაქში არ არის სიყვარული,  
რომ ამ ქალაქში*

*არ არის სიძულვილი,  
რომ ამ ქალაქში არ არის სიცოცხლე,  
რომ ამ ქალაქში არ არის სიკვდილი,  
რომ ამ ქალაქში არის დიდი,  
ძალიან დიდი*

*ვეებერთელა,  
ამ ქალაქისხელა მოწყენილობა.*

დასასრული მე-15 გვერდზე



ლიტერატორი

ანდრო ბედუკაძე


ანდრო ბედუკაძე ოცდაათ წელზე მეტია, ილია ჭავჭავაძის საგურამოს სახელმწიფო მუზეუმის ხელმძღვანელობს.

როგორია, ყოველდღე დაადგე გზას საგურამოსკენ, ქვეყნის ერთ-ერთი მთავარი სახლისკენ; ყოველდღე შენს თვალწინ ცოცხლდებოდეს ჩვენი ყველაზე მძიმე და ტრაგიკული ამბავი, და არ შეეჩვიო მას; ისეთივე კრძალვით აღებდე მუზეუმის კარს, როგორითაც პირველ დღეს, ფორმალურად არ აქციო შენი სამსახური, სრულად დაიხარჯო, არაფერი დაიტოვო, რაც ძალები გაქვს, მოახმარო, მართლაც ბოლომდე ემსახურო ილია ჭავჭავაძეს.

ანდრო ბედუკაძემ რთული, შრომატევადი და თითქმის შეუსრულებელი ამოცანები დაუსახა თავს ამ წლების განმავლობაში. ერთ საქმეს მიიყვანდა ბოლომდე და მეორეს შეეჭიდებოდა. არ დავლია იდეა, არც საზრუნავი. რა აძლევს ღონეს და, ალბათ მოძრაობა და მხოლოდ მოძრაობა...

— ილია ჭავჭავაძის საგურამოს სახელმწიფო მუზეუმის, ქვეყნის ერთ-ერთი მთავარი მუზეუმის, დირექტორი ბრძანდებით 1991 წლიდან, იქაურობის მემკვიდრე ხართ უკვე ოცდაათ წელზე მეტია, რას იტყვით განვილი ათწლეულებზე? ბევრი სირთულე შეგხვდებოდათ გზად.

— მუზეუმის დირექტორად 1991 წლის 16 დეკემბერს დაინიშნე. თუ არ ვცდები, 21 დეკემბერს დაიწყო სამოქალაქო ომი და რაც იმ ხანებში საქართველოში ხდებოდა, იგივე სურათი იყო მუზეუმშიც — ავტორიტეტით სირბილი და ძარცვის საშიშროება. არაერთი მუზეუმი დაზარალდა 90-იანებში. ილიას ობელისკს ავტომობილის ჯერი გადაატარეს. მართალია, საგურამოდან სამუზეუმო ექსპონატები არ წაუღიათ, რამდენიმე ძირი ფუტკარი კი მოგვპარეს, რომელი სკაც ვერ წაიღეს, სახურავები გადახადეს. ზამთარი იყო და ფუტკარი დაიხოცა. ყველანაირად ვცდილობდით მუზეუმის გადარჩენას, ვესაუბრებოდით იქ მოსულ შეიარაღებულ ხალხს, მაინც და მაინც შიგნით რომ უნდოდათ ქეიფი და სამშობლოს დღეგრძელობა. ასე იყო თუ ისე, მძიმე წლები დასრულდა, მუზეუმი გადარჩა და თანდათან სტაბილიზაცია დაიწყო, მაგრამ ამასობაში მუზეუმის შენობას შეეკმნა პრობლემა. მოგეხსენებათ, ის სახლი ილიამ ააშენა 1895 წელს, მას შემდეგ შენობას კაპიტალური რეაბილიტაცია არ ჩასტარებია, დროთა განმავლობაში ხის აივნის ძირითადი ნაწილი დაღება, ძლიერი მიწისძვრით გამოწვეული რყევები კი საკმარისი აღმოჩნდა, რომ აივანი შენობას მოსცილებოდა და სასტუმრო ოთახში თუნუქით გადახურული, წვიმისგან დაზიანებული ქერი ჩამონგრეულიყო. მაშინ მუზეუმს „ილია ჭავჭავაძის საგურამოს სახლ-მუზეუმი“ ერქვა, რაიონის დაქვემდებარებაში გახლდათ და ადგილობრივი ბიუჯეტიდან ფინანსდებოდა. ყოველწლიურად ბიუჯეტიდან გამოიყოფოდა ხოლმე თანხა შენობის რეაბილიტაციისთვის, შემდეგ ეს თანხა, როგორც ხდებოდა ხშირ შემთხვევაში, მოჰყვებოდა სეკვესტრში, მომავალ წელს იგივე მეორდებოდა. ასე გაგრძელდა 1999 წლამდე, სანამ პრესკონფერენცია არ გაემართე და ტელევიზიით არ გადაიკა, რომ სახლ-მუზეუმი დანგრევის პირას იყო. მაშინ „ქართუ ჯგუფი“ და საქველმოქმედო „ფონდი დაქართუ“ დაინტერესდა ამ პრობლემის მოგვარებით და საქველმოქმედო „ილიას ფონდის“ გავლით შენობას ძირითადი და საფუძვლიანი რესტავრაცია ჩაუტარდა. უზარმაზარი სამუშაო შესრულდა — საძირკვიდან დაწყებული სახურავით დამთავრებული — ყველაფერი აღდგა. თუნუქი შეიცვალა სპილენძით, აივნები მუხით გაკეთდა. სარესტავრაციო სამუშაოებში ძეგლთა დაცვაც აქტიურად ჩაერთო. ასე გადარჩა სახლი. 2007 წელს — საიუბილეო თარიღი იყო და — სახლ-მუზეუმმა სახე-



ლმწიფო მუზეუმის სტატუსი მიიღო, იმავე წელს მოეწყო ახალი ექსპოზიცია, 2018-ში კი სახლს ეროვნული კატეგორიის ძეგლის სტატუსი მიენიჭა. ასე თანდათან გამოსწორდა სიტუაცია. მუზეუმმა სხვა ფუნქციებიც, სხვა დატვირთვაც შეიძინა, მისი ცხოვრება უფრო მრავალფეროვანი გახდა. ეს ყველაფერი „ილიას ფონდის“ მხარდაჭერით განხორციელდა, ვგულისხმობ ილიას საქველმოქმედო საერთაშორისო ფონდს, რომელიც 1998 წელს ქართული კულტურისა და ილიას იდეების პროპაგანდისა და ხელშეწყობისთვის დაარსდა.

— ალბათ მთავარი, რაც ზოგადად ყველა მუზეუმს აცოცხლებს და მხოლოდ წარსულის მონმე არ ტოვებს, მისი ჩართულობა ყოველდღიურებაში, თანამედროვე კულტურულ, სამეცნიერო და საგანმანათლებლო პროცესებში. ილიას მუზეუმს ეს განსაკუთრებულად გამოარჩევს და თქვენი მნიშვნელოვანი, მსხვილი პროექტები სწორედ ამის დამადასტურებელია. ამ პროექტებზე მინდა ვისაუბროთ. მოდი, დავინყოთ პრემიით „საგურამო“, რომლის იდეაც თქვენ გეკუთვნის.

— მუზეუმს კულტურულ-საგანმანათლებლო და სამეცნიერო ფუნქციები აქვს და ამ მიმართულებებით საკმაოდ აქტიურად ვმუშაობთ. სამეცნიერო კვლევები მუზეუმის ერთ-ერთი ძირითადი საქმეა, კულტურულ-საგანმანათლებლო მიმართულებები კი საკმაოდ ფართო ცნებაა და „კულტურულში“ პრემია „საგურამოს“ გადაცემაც შედის. პრემია 2003 წელს დააარსა „ილიას ფონდმა“. არსებობს ასეთი კომპანია „შპს ლილო მოლი“, რომლის დამფუძნებლებიც საგურამოში ცხოვრობენ, ვიცნობდით ერთმანეთს, ურთიერთობა გვქონდა, სწორედ მათ გავუზიარე იდეა და შეეთავაზე პრემია „საგურამოს“ დაფუძნებაში მხარდაჭერა. თავიდან „საგურამო“ ოთხ ნომინაციაში გაიცემოდა — პროზაში, პოეზიაში, კრიტიკასა და თარგმანში. მოგვიანებით ნომინაციათა ჩამონათვალს ჰუმანიტარული მეცნიერებები, ხელოვნება და საბავშვო ლიტერატურა დაემატა.


— „საგურამოსთან“ ერთად გასცემთ განსაკუთრებულ ჯილდოს, „ილიას მედალს“ — „მარად და ყველგან საქართველო, მე ვარ შენთან“.

— „ილიას მედალი“ პრემიასთან ერთად დაარსდა. ის გაიცემა ქართული კულტურისა და სულიერების წინაშე განსაკუთრებული დამსახურებისათვის. არცერთი წელი არ ყოფილა, პრემია და მედალი არ გაგვეცა. წარმოიდგინეთ, 20 წლის განმავლობაში რამდენი ადამიანი დაჯილდოვდა.

— ეს პრემია სხვა პრემიებისგან განსხვავდება იმით, რომ ავტორი — ამჯერად ლიტერატურას ვგულისხმობ — ან ერთი

რომელიმე ნაწარმოებისთვის, ვთქვამთ ბოლოს დაწერილი თხზულებისთვის, არამედ მთელი შემოქმედებისთვის ჯილდოვდება, მთელი მისი ნამუშევარი ფასდება ამ პრემიით. ნუთუ რთული არ არის ამდენი კონკურსანტის შემოქმედების განხილვა და შეფასება?

— იცით, როგორ არის, ხომ არსებობს სხვადასხვა ტიპის პრემიები, მაგალითად, ადამიანები ჯილდოვდებიან გამოგონებისთვის, აღმოჩენისთვის, წლის საუკეთესო ნაწარმოებისთვის და ასე შემდეგ. ყველა კონკურსი, ჯილდო თუ პრემია სხვადასხვანაირია... ჩვენ კი მთელ შემოქმედებას



განვიხილავთ და ვაფასებთ. ვფრთხილობთ არჩევანისას. ილიას სახელს ვუფრთხილდებით, ის გვაფალდებულებს დიდი ყურადღებით შევარჩიოთ ლაურეატი, ამიტომ პრემიის გაცემა იოლი არ არის.

— ჟიური ალბათ ლიტერატურაში სხვა, ხელოვნების დარგებში — სხვა, ჰუმანიტარულ მეცნიერებებში კი კონკურსანტებს სხვა აფასებს, ასეა?

— პრემიის ღირსება დამოკიდებულია ჟიურის არჩევანზე, მის მუშაობაზე. დიას, ძალიან რთულია, მაგრამ ჟიურის წევრები პროფესიონალები არიან, „ილიას ფონდის“ დამფუძნებლებიც შედიან ჟიურიში, მისი შემადგენლობა მუდმივმოქმედი, თუმცა სხვადასხვა დარგის სპეციალისტებსაც ვინვევთ და მათთან ერთობლივი მუშაობით, აზრთა შეჯერებით გამოვავლენთ ხოლმე ლაურეატებს. მთელი წლის განმავლობაში მიდის ამაზე ფიქრი და მსჯელობა. შრომატევადი საქმეა და, სხვათა შორის, ნერვებსაც მოითხოვს. ხანდახან იმ დღეებში, როდესაც ლაურეატი უნდა გამოვიზიდეს, ჟიურის წევრებს ერთმანეთის დანახვაც არ გვინდა, ისეთი კამათი და პოლემიკა იმართება ჩვენ შორის. ღვთის მადლით, მოგეხსენებათ არჩევანიც მწირი არ არის. შეიძლება ადამიანმა წელიწადში ორი-ორი პრემია მიიღოს სხვადასხვა კონკურსში, ჩვენთან კი პრემიის გარეშე დარჩეს, ანდა სხვა კონკურსებშიც დაჯილდოვდეს და ჩვენთანაც.

— მომდევნო შეკითხვა ამ თემის ერთ-ერთი გაგრძელებაა, ის ეხება თქვენს ახალ დიდ პროექტს — „საგურამოს“ ლაურეატების შემოქმედების სრულ გამოცემას. წარმოდგენილი მასშტაბის პროექტია, თუ გავითვალისწინებთ ნომინაციების რაოდენობას თუნდაც ლიტერატურაში.

— ეს მართლაც ურთულესი საკითხია. პროზა, პოეზია, თარგმანი, საბავშვო ლიტერატურა და ჰუმანიტარული მეცნიერებები — ამ ნომინაციებში გამოვლენილი თითოეული ლაურეატის შემოქმედება სრულად უნდა გამოიცეს.

— ეს ხომ უდიდეს ადამიანურ და ფინანსურ რესურსებთანაა დაკავშირებული. როგორ ახერხებთ?

— რთული და შრომატევადი საქმეა. როცა ამ პროექტის იდეა გამიჩნდა და ჩემს ლიტერატორ მეგობრებს გავუზიარე, გაცემული მიყურებდნენ, ხომ არ შეიშალაო. საქმე რა არის, იცით, პრემია პრემიაა, სახელია, პატივია, მნიშვნელოვანი ჯილდოა, მაგრამ მინდოდა, ამით არ დასრულებულიყო; მინდოდა, ამ ხალხის შრომა, შემოქმედებითი ღვაწლი რაღაცნაირად, მეტად დაგვეფასებინა, რაღაც ისეთი მომეფიქრებინა, რაც მათი ცხოვრებისა და შემოქმედების ერთგვარი გვირგვინი იქნე-

ბოდა. შემოქმედების სრული გამოცემა ძალზე მნიშვნელოვანი რამ არის. ამის გაკეთება ადვილი არ გახლავთ.

— რა თქმა უნდა, ასეა. დარწმუნებული ვარ, ამ ხალხის, ლაურეატების ვგულისხმობ, უმეტესობა, დამოუკიდებლად ვერ მოახერხებდა საკუთარი შემოქმედების სრულად გამოცემას.

— გეთანხმებით, ვერაფერ შეძლებდა. რატომ, იცით? თუნდაც იმიტომ, რომ როცა ვეუბნები, სრულად უნდა გამოვცეთ რაც დაგინერია, რაზეც გიმუშავია-მეთქი, ზოგიერთი ავტორი უარობს, ემინია, სიტყვა „სრული“ აფრთხობს. ამბობს: „არა, ის ტექსტი არ გვინდა... ეს არ გვინდა“. ვეუბნები, მაშინ საერთოდ არ გამოიცემა-მეთქი. ჩვენ თანამედროვეები ვართ, ანმყოფი ვცხოვრობთ, მაგრამ მომავალში, სხვა დროებაში, ახლანდელი ამბები არ უნდა დაიკარგოს, ახლანდელი ისტორია ვერ წაიშლება, ხომ ასეა? დღეს დაწერილს ხვალ როგორ წაიკითხვენ, არავინ იცის. მაშინ „რჩეულს“ დავარქმევდი გამოცემებს და გამარტივებოდა საქმე, მაგრამ ჩემთვის ძალიან პრინციპულია, რომ იყოს სწორედ სრული გამოცემა, ასე სჯობს მომავლისთვის. დღეს აღარ არიან ის ავტორები, რომელთაც სტალინური რეპრესიები შეეხოთ და, ასე ვთქვათ, ეს აისახა მათ შემოქმედებაშიც. ახლანდელ ავტორებს შეიძლება ის შერცხვეთ, რომ ოდესღაც კომკავშირსა და პარტიაზე წერდნენ. და მეერ რატომ წერდნენ, ვინ აძალებდა? არავინ. ეს მათი არჩევანი იყო. ამიტომ უნდა დაიბეჭდოს ყველაფერი.

— წელიწადში ერთხელ გაიცემა პრემია და ამის შემდეგ იწყება მუშაობა გამოცემებზე? ნუთუ ის ერთი წელი, მომავალ დაჯილდოვებამდე, საკმარისი დროა, რომ ლაურეატების მთელი შემოქმედება მოზადდეს და გამოიცეს?

— ეს ხომ ახალი პროექტია, პრემია კი 20 წლის განმავლობაში გაიცემა, ამიტომ ჩვენ ჯერ წინა წლების გამარჯვებულების შემოქმედებას გამოვცემთ, ძველი ლაურეატების ტომეულებზე ვმუშაობთ. ჯერჯერობით 11 წიგნია გამოსული.

— სხვადასხვა ავტორის?

— დიას. რევაზ სირაძის 6 ტომი გამოვიდა, ლევან ბრეგაძის 5 ტომი დაიბეჭდა, დანეყულია თამაზ ჩხენკელის პირველი ორი ტომის ბეჭედი, მისი 6-ტომიანი გამოცემა ვმუშაობთ თემურ დიასშვილის შემოქმედების გამოცემაზე, მალე გამოიცემა ბაჩანა ბრეგაძის მრავალტომიანი, პირველი და მეორე ტომები თითქმის მზადაა.

— დიდი სარედაქციო ჯგუფი მუშაობს პროექტზე?

— სარედაქციო ჯგუფს, ძირითადად, „ილიას ფონდის“ დამფუძნებლები წარმოვადგენთ. როსტომ ჩხეიძე, უჩა შერაზადიშვილი, ვანო ამირხანაშვილი და მე — ესაა ბირთვი, სამუშაოს უდიდესი ნაწილი ჩვენზე გადადის, დანაწილებული გვაქვს თემები, ავტორები. ლევან ბრეგაძე თვითონ მუშაობს თავის ტომეულებზე. რა თქმა უნდა, ჩვენც ჩართულები ვართ. პარალელურად, ალექსი ჭინჭარაულის 9 ტომი მზადდება, მისი რედაქტორია ავთანდილ არაბული, სწორედ მან ჩაიბარა ჭინჭარაულის საკმაოდ რთული, სპეციფიკური ენათმეცნიერული მასალის დამუშავება, პირველი ტომი უკვე აწყობილი და დასაბეჭდად გამზადებულია. ასე რომ, მხოლოდ ჩვენ ვერ გავწვდებით ყველაფერს, არის ტექსტები, რომელსაც შესაბამისი დარგის თუ მიმართულების სპე-






ციალისტი სჭირდება. პროექტის მთავარი ფინანსური მხარდაჭერი ისევე „ილიას ფონდია“, გვყავს სხვა სპონსორებიც.

— წელს დასრულდა ილიას 20-ტომეულის გამოცემა. უდიდესი შრომა გასწიეთ. საინტერესოა, როგორ დაინწყო და მიმდინარეობდა ეს პროექტი, ვინ იმუშავა ტომეულებზე, როგორ მოერიეთ ამხელა საქმეს.

— ილიას მრავალტომეულის გამოცემა 35 წლის წინ დაიწყო. მასზე მუშაობდა ლიტერატურის ინსტიტუტი მეცნიერებათა აკადემიასთან ერთად. გამოვიდა ხუთი ტომი, დაიბეჭდა მეექვსეც და პროექტი შეჩერდა — დადგა 90-იანები და აირია ქვეყანა. მე-6 ტომი სტამბაში დარჩა, ვერ გამოისყიდეს. გადავწყვიტე, ეს საქმე გამეგრძელებინა და მეშვიდე ტომის შედგენა დაეინწყეთ. ამ წლებში განმავლობაში მჭიდროდ ვთანამშრომლობდით ლიტერატურის ინსტიტუტთან, მასალაზე მუშაობდნენ ინსტიტუტის სპეციალისტები, ტექსტოლოგები. ერთად ვმსჯელობდით რა, რის შემდეგ და როგორ გამოგვეცა, ტომები როგორ შეგვედგინა და ასე შემდეგ. ასე, ერთობლივად მივიყვანეთ საქმე ბოლომდე. ერთ-ერთი ტომი, მაგალითად, ორ ნაწილად გამოვეცი, იქ ბევრი რუსული ტექსტი იყო და ვფიქრობდით, დაგვეტოვებინა ასე თუ გვეთარგმნა, ბოლოს თარგმნა გადავწყვიტეთ, ამან ტექსტების მოცულობა გააორმაგა, ერთმა წიგნმა მთელი მასალა ვერ დაიტია და ის ორ ნაწილად გამოიცა. თუმცა ამ წლების განმავლობაში მხოლოდ ილიას 20-ტომეულზე არ გვიმუშავია, ილიას ბიბლიოგრაფიაც გამოვეცი, ეს გახლავთ 1200-გვერდიანი წიგნი, რომელიც მოიცავს სრულ მასალას ილიაზე 1907 წლიდან 2007-ის ჩათვლით, ხოლო ის, რაც 1907 წლამდე დანერგა, 1957 წელსაა გამოცემული. ბიბლიოგრაფიაზე ვიმუშავებ „წიგნის პალატასთან“ ერთად. დიდი შრომაა განუყოფელი მუზეუმში.

— რას გეცხვით ჟურნალ „საგურამოზე“, რომელიც წლების წინ დააარსეთ? რით გამოირჩევა ის სხვა ლიტერატურული პერიოდული გამოცემებისგან?



— ახლა ჟურნალი „საგურამო“ წელიწადში ერთხელ გამოდის, თუმცა თავიდან მეტი სიხშირით იბეჭდებოდა. მასში ვერ ნახავთ ორიგინალურ ლექსს ან მოთხრობას, თუმცა ესეისტიკა, პუბლიცისტიკა, კრიტიკა, ჰუმანიტარული მეცნიერებები არაერთ საინტერესო სტატიასა და ნერიოს შემოგთავაზებთ.

— ძირითადი პროექტების გარდა, რაზეც ზემოთ ვილაპარაკეთ, მუზეუმის ყოველდღიურობა მდიდარია ღონისძიებებით, ძალიან დატვირთული რეჟიმით ცხოვრობთ.

— უამრავი რამ ხდება ჩვენთან, ბევრი პროექტი ხორციელდება, არაერთი ღონისძიება იმართება. ყოველ წელს ილიასთან დაკავშირებული სამი თარიღი აღინიშნება: 2 აგვისტო — ილიაობა, 12 სექტემბერი — მისი გარდაცვალების დღე და 8 ნოემბერი — დაბადების დღე, როდესაც ჯილდოვდებიან პრემია „საგურამოს“ ლაურეატებიც. გვექონდა ასეთი ტელეპროექტი „საუბრები ილიაზე“, როცა მუზეუმში ჩანერგილი გადაცემები ტელევიზიით გადაიცემოდა, თუმცა არანაკლებ პოპულარული იყო სხვა ტიპის ვიდეოპროექტი, რომელიც მთელი შარშანდელი წლის განმავლობაში სოციალური ქსელებით ვრცელდებოდა — ორ კვირაში ერთხელ მასწავლებლები, მეცნიერები, მწერლები, პოეტები ილიაზე ლაპარაკობდნენ. ჩვენთან ხშირად იმართება წიგნის პრეზენტაციებიც და ავტორებთან შეხვედრებიც. აღარაფერს ვამბობ „საგურამოს“ ლაურეატებთან შეხვედრებზე, რომელსაც ყოველთვის ბევრი ხალხი ესწრება. ჩვენი პრიორიტეტი მაინც ახალგაზრდობა, მომავალი თაობა, ბავშვებია. ასეთი პროექტი გვექონდა „მუზეუმი სკოლაში“ — სოფლებში დავდიოდით, მცხეთა-მთიანეთის მუნიციპალიტეტების ყველა სკოლას ვენვით, საოკუპაციო ხაზთან მდებარე სოფლის სკოლებშიც ვახლდით, მერე ბავშვები ჩვენთან ჩამოვიყვანეთ, სამდღიანი ფესტივალი გავმართეთ — პატარებმა ერთმანეთი გაიცნეს, ხატეს, წერეს, იმღერეს, ითამაშეს და სახლებში შთაბეჭდილებებით დაბრუნდნენ, მთელი ცხოვრება ემასსოვრებათ ალბათ მუზეუმში გატარებული ის სამი დღე.

— გეგმებზე რას იტყვით? — დაწყებულ პროექტებს გავაგრძელებთ, თუმცა ძალიან გვიწინდებს დაგუთმობა მეტი დრო. ვფიქრობ, ჩვენი ყურადღება, დახმარება ყველაზე მეტად სწორედ მათ სჭირდებათ. ამიტომ საგანმანათლებლო პროექტები ჩვენს პრიორიტეტად რჩება.

ესაუბრა თამარ ჟურნალი

ანდრო ბუაჩიძე

# აბსურდის პოეზია

## შტრიხები და პარალელები

დასასრული


სწორედ ეს არის რეალობის, რეალური საგნებისა და მოვლენების რადიკალური ტრანსფორმაცია — გროტესკი. ეს არის ქალაქი, სადაც სიხარული სიხარულს არ ჰგავს, არც სიყვარული და სიძულვილი, სიკვდილი და სიცოცხლე ისეთი, როგორც უნდა იყოს; ყველაფერი მოწყენილობის ვეებერთელა საბურველშია გახვეული. ამ მოწყენილობიდან იბადება გაუცხოება და აბსურდი. ამ ქალაქში ანუ ამ წიგნში ყველაფერი ერთნაირია და ერთმნიშვნელოვანი. ყველაზე უარესი ის არის, რომ ეს ქალაქი-ტექსტი ყოველდღე ხელახლა იწერება — გუშინდელი ტექსტი ზუსტად ისეთია, როგორც დღევანდელი, დღევანდელი კი ისეთი, როგორც ხვალისდელი იქნება და ასე დაუსრულებლად. ეს ორი ლექსიც — „ტრამვაის“ და „ჩემი მაგიდის წიგნი“ ერთნაირია, მუდმივი განმეორებადობა აბსურდის გამოხატველია. ერთი ინტონაცია და ერთი რიტმი იმას გვატყობინებს, რომ ადამიანის თავისუფლება შეფერხებულია, უარყოფილია სტერეოტიპის არტახეზშია მოქცეული და ცდილობს, მაგრამ ამ არტახეზიდან თავის დაღწევას ვერ ახერხებს. ეს ლექსები ერთმანეთს ავსებენ, ტრამვაი ქუჩა და ქუჩა — ტრამვაი. პოეტი მიმართავს ტრამვაის: „ქუჩებში დაწყებული ცხოვრება გრძელდება შენში. შენ ხარ ქუჩა მთარული“. ლექსებს შორის განსხვავება ისაა, რომ ქუჩაში ადამიანები მოძრაობენ და ქუჩა უძრავია, ტრამვაიში კი ადამიანები არ მოძრაობენ, ხოლო ტრამვაი მოძრავია. და კიდევ ისრები, საათის ისრები. როგორ შეიძლება იყოს საათი მექანიკური კანონებით მოქმედ გაუცხოებულ ქალაქში? ძალიან ნელა მოძრავი. მინიატიურაში „საათი“ დრო უკან ეზიდება საათის ისრებს, რომელთაც სურთ თავისუფლად მოძრაობა. დროის რიტმი ისეთია, როგორც არის სიცოცხლის და ცხოვრების რიტმი. სიცოცხლე კი ამ მოწყენილ ქალაქში შეყოვნებულია და შეფერხებული. პოეტიც თავისუფლებისკენ მოუწოდებს შეყოვნებულ ისრებს: „შეჩერდით, ისრები საათის, / ისმინეთ ლაღლი ჩვენი / გაფრინდით, გაფრინდით გაფრინდით!“ საათის ისრები მართლაც ცდილობენ გაქცევას, მაგრამ ვერ ახერხებენ, დრო მათ არ უშვებს, დრო ზუსტად იმეორებს ცხოვრების იმავე რიტმს, რომელიც მოწყენილ ქალაქშია გამეფებული. „მაგიდის წიგნში“ პოეტი გვეუბნება: „მოწყენილობა უხილავი ძაფებით გამობმულია საათის ისრებზე“. მასასადამე, მოწყენილობა განაგებს დროს, როგორც ამ უკანასკნელის განუყოფელი ნაწილი.

\*\*\*

რომანში „უცხო“ კამიუმ წარმოაჩინა თანამედროვე სამყარო, რომელიც უსამართლობას, გაუცხოებას და განწირულებას ამჟღავნებს. ამ სამყაროში ადამიანი უცხოოდ გრძნობს თავს. ამიტომაცაა ამავე ავტორის გმირი მერსო უცხოოდ ნოდებული. ასევე უცხოოდ გრძნობს თავს გარემომცველ სამყაროში შოთა ჩანტლაძის ლირიკული გმირიც. ის, როგორც კამიუს მერსო, ყოველდღიურობის ტვირთს ეზიდება. ეს ტვირთი, როგორც კამიუ მიგვანინებს, სიზიფეს ლოდია, რომელსაც ის ყოველი გათენებისას მოიგდებს ხოლმე ზურგზე და დანიშნულების ადგილას მიაქვს, მაგრამ ლოდი ისევე ქვემოთ მოგორავს, ლირიკული გმირი კი კვლავ მწვერვალისკენ ეზიდება მას და ასე დაუსრულებლად გრძელდება გმირის ტანჯვა. ეს ხდება იქამდე, ვიდრე არ დასვამს ის კითხვას — „როდემდე?“ და არ იგრძნობს აბსურდული ვითარების ტყვეობაში ყოფნას. აბსურდის გრძნობას კამიუსთან „უცხოში“ და შოთა ჩანტლაძის ლექსებში სწორედ ეს მოწყენილობის მომგვრელი მუდმივი განმეორებადობა ბადებს. შოთა ჩანტლაძე ამბობს:

მე ღმერთმა მომისაჯა ამ წიგნის ყოველდღე კითხვა, ეს წიგნი მე უხლა ზეპირად ვიცო და მაინც ვინყებ თავიდან მის კითხვას.

ამ მუდმივად განმეორებად გზას ადგას ყოველდღიურად კამიუს მერსოც და შოთა ჩანტლაძის ლირიკული გმირიც და, საბოლოოდ, მათ აბსურდის გრძნობა ეუფლება. ეს აბსურდის გრძნობა ანიჭებს ქართველ პოეტს ამბოხის სურვილს, რაც მისივე შემოქმედებით გამოიხატება.



წინო მოზესი  
**დაცემა**

თავი ძალიან მომწონდა — კეთილი, ლამაზი, მოწყალე, გარკვეულწილად რჩეული — მომცა საბაბი ცხოვრებაში, ასე მეფიქრა. ერთი წელიც არ იქნებოდა, რაც ნიურნბერგში დავსახლდი და ჩემი ტყუპებიც ჯერ მხოლოდ სამი თვისანი იყვნენ. სახლთან ახლოს ვასეირნებდი, ის ქალი რომ შევნიშნე. ძველმანები ეცვა, ძველი ზურგჩანთა ეკეთა და თავსაბურავი ემოსა. სკამზე იჯდა და ისვენებდა. ამაყი და თავმოწონე მივედი და ვკითხე — რამით ხომ არ დაგეხმაროთ. გაბმული მოტირალი ხმით მიპასუხა — ღამის თავშესაფარში რომელი ავტობუსი მიდისო. მოვკიდე ხელი და გადავიყვანე გაჩერებაზე. ავტობუსშიც ჩავსვი. ყველა ერთხმად აყაყანდა, როცა ეს უმწეო ქალი დაინახეს — უხსნიდნენ თავშესაფრის მისამართს. მეორე დღეს ისევ შემხვდა, მალაზის წინ სკამზე იჯდა. მიუფიქრე. შემეძლო, არც მივჯდომოდი, მაგრამ განა კეთილი მე ამას შეძლებდა? მიუფიქრე და ჩიფები გავუნლო. მაშინ პირველად შევხედე თვალებში და გულმა რეჩხი მიყო. არასოდეს მენახა ასეთი ღრმა, ლურჯი და მეტყველი თვალები, იდუმალი სევდით სავსე და უცხო ციდან არეკილი, ესებონის ტბასავით კამკამა და წრფელი. ოჯახი გყავს? — ვკითხე და ხმა ამოიღო, რაღაც ენაზე საუბრობდა, გერმანული არ იყო, არც ჩემთვის სხვა ნაცნობი ენა, მაგრამ ყველაფერი გავიგე. ეს მცირე შოკი დაძლია ჩემმა თავმოწონებამ. ხელით აღმოსავლეთისკენ მანიშნა — იქით, იქითა ჩემი ოჯახი, ერთ ოთახს ვეძებ სადმე. შევთავაზე, ჩემთან გაეთია ღამე, ვიდრე რამეს მოძებნიდა. მოხვალ დღეს რვაზე აქვე? მოვალო, შემპირდა და კიდევ ერთხელ ჩამძირა ესებონის ტბაში. შინ მისულმა უაპელაციოდ განვაცხადე, რომ დღეს სტუმარი მოვა. სამ ოთახში ხუთი სული ვცხოვრობდით მაშინ. დავინყე ფიქრი, სად დავანვენდი. ვდარდობდი ფულსა და ოქროზე, იქნებ მოიპაროს და ნავიდეს და გადავწყვიტე, მეზურუნა ჩემს ავლა-დიდებაზე. ეს საკითხი მანუხებდა. რვაზე მივედი დათქმულ ადგილას, ის კი არ მოვიდა. ჩემი სიკეთე და რჩეულობა აღმოვოთდა, ნუთუ მომატყუა და არ მოვა? ერთი საათი ვვლოდე, ღრუბლები გაშავდა ცაზე და ჭექა-ქუხილი დაიწყო. ძალიან დამცირებული ვგრძნობდი თავს, რომ დავკარგე საშუალება, გასათევი მიმეცა მწირისთვის. მისი თვალები გამახსენდა. საყვედურით მიმზერდნენ, ქურდი გეგონე და არ მოვედი, ასე განსაჯა განგებამ. ეს აზრი ამეკვიცა და შემამინა. იქით უნდა ნავიდე, გვიფიქრე ეიფორიაში, იქით, სადაც მანიშნა, რომ მისი სახლია. აღელვებულმა არც კი შევხედე შუქნიშანს და ქუჩა გადავჭერი. დარტყმის ხმა არ გამიგია, თავში მხოლოდ ერთი სიტყვა ისმოდა, იუდა. როცა გავიღვიძე, თეთრ პალატაში შუახნის ქალი დამცქეროდა. იმ ქვეყნიდან მოგაბრუნეთ, თითქმის სასწაულია, მალონდ მითხარით, რატომ გემინათ ასე გერმანელების, ნარკოზში ჩხუბობდით და ფაშისტებს გვეძახდით, ომი ხომ დიდი ხანია, დამთავრდა. ბუნდოვნად მესმოდა ნათქვამი აზრი. ბოლოს პირი გავაღე და ვუპასუხე, იუდა. ექთანს ვეტყვი, დამამშვიდებელი გაგიკეთოთ და დაიძინეთ, მიპასუხა შემფოთებულმა და დამტოვა. ამ ამბებთან ერთი თვე გავიდა, სახლში დავბრუნდი და თითქმის გადამაგონყდა ის ქალიც და ავარიაც, რომელიც ჩემი მიზეზით მოხდა. სადღაც მივდიოდი და ჩემგან რამდენიმე მეტრში დავინახე იმავე ძველმანებში, იმავე ზურგჩანთით. მისტიკურმა შიშმა მომიცვა. უკან მივყვებოდი, მიახლოება არც მიფიქრია. პირველად დავაკვირდი, რომ ფეხზე შავი და მძიმე „ბათინკები“ ეცვა. რატომღაც ვიფიქრე, რომ ჩლიქებს მალავდა ამ ვეებერთელა ფეხსაცმელში. ჩვენს შორის მანძილი არ იზომებოდა მეტრებში. ჩვენს შორის მანძილი ჩემი შიშითა და დაზავებით თუ გაიზომებოდა. თითქოს ცეცხლოვანი კედელი აღმართულიყო. ჩემი თავი აღარ მეგონა არც კეთილი და თავმოწონილობაც აორთქლებულიყო. პირველად აღმოვაჩინე, რომ ესებონის ტბასავით თვალების პატრონს შეიძლება, ჩლიქები ჰქონდეს, რომელიც საიმედოდ მალავს ფეხსაცმელში. ასე მოხდა ჩემი დაცემა, აქ გაიხლიჩა ჩემი სამყარო და აქ დავინახე, რომ დღემდე ყველაფერი იყო ფიქცია, თავის მოტყუება, სარკეში ნაკვთების თვალთვლება და თვითტკობა. და მხოლოდ ეს იყო ნამდვილი და ამიტომ საშიში, ლამაზიც და ბინძურიც ერთდროულად. იმ დღის მერე აღარასოდეს შემხვედრია ეს უცნაური ქალი, რომელმაც ხმალივით გაიარა ჩემში...





ჰილდე დომინი

ყველაზე რთული გზები

ყველაზე რთული გზებს მარტონი გავდივართ, იმედგაცრუება, დანაკარგი, მსხვერპლი — სულ მარტონი ვართ. მიცვალებულიც კი, რომელიც ყველას ძახილს ისმენს და არავის ეუბნება თხოვნაზე უარს, არ გვეხმარება, მხოლოდ გვაკვირდება, შეეძლებოდა თუ არა. ცოცხალთა გამოწვეული ხელები ხეების ტოტებს ჰგავს ზამთარში. ყველა ჩიტი დუმს. მხოლოდ საკუთარი ნაბიჯის ხმა გვესმის და იმ ნაბიჯის, ჯერ რომ არ გადაგვიდგამს, მაგრამ გადავდგამთ. გაჩერება და უკან მობრუნება გამოსავალი არაა. გასაველელი უნდა გავიაროთ. სანთელი დაიჭირე ხელში, თითქოს კატაკომბებში ხარ, სუსტი შუქი ძლივს სუნთქავს. და თუ უკვე დიდი ხანია გზაში ხარ, სასწაულს ელოდე. რადგან სასწაული ყოველთვის ხდება და რადგან წყალობის გარეშე ვერ ვიცოცხლებთ: დღის ცინცხალი სუნთქვა სანთლის ალს აძლიერებს, შენ მას ღიმილით უბერავ სულს. და როცა მზის გულზე დგები, აყვავებულ ბაღებში ჩაფლული ქალაქი გეშლება თვალნი, შინ კი თეთრად გაშლილი სუფრა გხვდება. და ცოცხლები, რომლებიც შეიძლება დაკარგო, და მკვდრები, რომლებსაც ვეღარ დაკარგავ, პურს ტეხენ და ღვინოს განვდიან და მათი ხმა კვლავ გესმის სულ ახლოს გულთან.

ღრუბლები თავდაბად

მენატრება ქვეყანა, სადაც არასდროს ვყოფილვარ — სადაც ყველა ხე და ყვავილი მცნობს, სადაც არასოდეს მივდივარ და სადაც ღრუბლებს არ ვაფიქსირებ — უცხო ვარ, ვერც ერთ სახლში ვერ ვიოხებ ტირილით გულს. უნავსადგურო კუნძულებს ვსტუმრობ და გასვლისთანავე გასაღებებს ვყრი ზღვაში. ვერასოდეს ვალწევ დანიშნულების ადგილს. ჩემი აფრები თითქოს აბლაბუდებია, რომელთაც ქარი ვერაფერს აკლებს.

და ჰორიზონტს მიღმა, სადაც დიდი ფრინველები ფრენის შემდეგ მზის გულზე იშრობენ ფრთებს, ერთი კონტინენტი, სადაც უნდა მიმიღონ — პასპორტის გარეშე — ღრუბლები თავდაბად დამიდგებიან.

ჰანრიხ ბიოლი

სამაის

ჩვენ შორიდან მოვდივართ საყვარელო ბავშვო და წინ შორი გზა გვიდევს ნუ გეშინია ყველა შენთანაა ვინც შენამდე იყო დედაშენი მამაშენი და ყველა ვინც მათზე წინ იყო დიდი დიდი ხნით ადრე ყველა შენთანაა ნუ გეშინია ჩვენ შორიდან მოვდივართ და წინ შორი გზა გვიდევს საყვარელო ბავშვო

ერის კესტნერი

მე დრო ვარ

მე დრო ვარ. ჩემი სამეფო პატარაა და უსაზღვროდ ვრცელი. მე დრო ვარ. მე დრო ვარ, მივიპარები და მივიჩქარი, იარებს ვაჩენ, იარებს ვკურნავ. არა მაქვს გული, არც ჩინი თვალის. არ ვიცი ცუდი, არ ვიცი კარგი. ჩემთვის ერთია ცოდვა და მადლი. მე არავინ მძულს, არც მეცოდება. მე დრო ვარ.

ერთი რამ არის, რაც მსურს გაგანდოთ: თქვენ მეტისმეტად ბევრს ხმაურობთ! მე აღარ მესმის, როგორ გადიან ჩემი ნუთები და საათები. მე მესმის მხოლოდ წყველა და ლოცვა, მესმის ხანდახან ტყვიის გასროლა; თქვენი ხმა მესმის ყოველთვის, ყველგან ...

ისმინეთ, კაცნო, რისი თქმა მინდა: ბოლოს და ბოლოს გაიკმინდეთ ხმა! ჩემს მოსასხამზე მტერის ნამცეცი ხართ, — შეწყვიტეთ დავა!

ნერტილისხელა არის პლანეტა, თქვენთან ერთად რომ კოსმოსში ბრუნავს. მიკრობნი განა ასე ყვირიან?! და თუ არ გინდათ ისწავლოთ ჭკუა, კრინტს მაინც ნუ ძრავთ. უსასრულობას დაუგდეთ ყური, უსმინეთ დროს!

მაშა კალეკო

რეცეპტი

განდევნე შიშები და შიშების შიში. ამ ნუთისოფელში ყველაფერი გეყოფა: პური განჯინაში და სამოსი კარადაში.

შენი არაფერია. ყველაფერი დროებით გერგო. იცხოვრე ახლა და ნახავ, რა ცოტა გჭირდება. ფხიზლად იყავი. და ჩემოდანი სულ ახლოს გქონდეს.

სიმართლეა, როცა ამბობენ: რაც მოსახდენია, მოხდებაო. ტკივილს თავს ნუ დაიტყვ. მაგრამ თუ მოვა,

მშვიდად გაუსწორე თვალი. ის ბედნიერებასავით წარმავალია.

ნურაფერს ელი. კარგად შეინახე საიდუმლო. ძმაც კი ლალატობს, ხან შენ, ხან კი საკუთარ თავს. საკუთარი ჩრდილი აირჩიე თანამგზავრად.

კარგად დაგავე ოთახი. ნუ დაინანებ სალამს მეზობლისათვის. გულმოდგინედ მოწანი ღობე და ზარი დაკიდე ჭიშკართან. ჭრილობას შენში ნუ მიაძინებ წარმავლობის ჭერქვეშ.

დახე გეგმები. გამოიჩინე გონიერება და მოეჭიდე სასწაულს. ის უკვე დიდი ხანია აღწევს დიდ გეგმაში.

რაინერ მარია რილკე

ცხოვრების გაგებას ნუ შეეცდები...

ცხოვრების გაგებას ნუ შეეცდები, დღესასწაულად თუ გინდა იქცეს. იყავ ვით ბავშვი, რომელსაც ქარი ყოველ ქოლგაზე ჩუქნის ყვავილებს. მათ აკრეფას და შეგროვებას ბავშვი გულშიც არ გაივლებს. მშვიდად დაიხსნის თმებიდან ტყვეობაში მყოფ ყვავილებს, და თავის ახალგაზრდა ნლებს ახლისთვის კვლავაც გაუნვდის ხელს.

სიყვარულში გამოტყდომა

შენი ჩუმი ძახილი მესმის ყველა ჩურჩულში, ამოკენესაში, სრულებით თეთრი საფეხურებით, რომლებიც ჩემმა ოცნებამ შექმნა, მესმის მე შენი ჩემთან მოსვლის ხმა.

შენს მეგობარზე შეიტყვე უკვე, რომ მას უყვარხარ... უყვარხარ ძლიერ. იცი, მის ბაღში ყველა ყვავილი, მზის მომზირალი ყველა ყვავილი ერთ ღამეში რომ აყვავდა უცებ?

როზე აუსლენდერი

თავიარკვევა

გამოქცეული ანგელოზები თეთრ პერანგებში ღრუბლებიდან ცვივიან

ჩვენ მათი მოტეხილი ფრთების მდინარეში მივცურავთ წამწამებზე მიყინული ცრემლებით.

ქარი ტრომბონს უბერავს.

ანგელოზს შენში

ანგელოზს შენში უხარია შენი სინათლე და დასტირის შენს ბნელს

მისი ფრთებიდან შარიშურობენ სასიყვარულო სიტყვები ალერსი და ლექსები ის შენს გზას დარაჯობს

გადადგი ნაბიჯი ანგელოზისკენ

თარგმანი ქეთევან ნიკოლაძე

ლიტერატურული გაზეთი

საქართველოს კულტურის, სპორტისა და ახალგაზრდობის სამინისტრო საქართველოს მხარეთმცოდნეობის ინსტიტუტი

რედაქტორი ირაკლი ჯავახიძე რედაქტორის მოადგილე უჩა შერაზადიშვილი ჟურნალისტი თამარ ჟურული

მობ. ტელ.: (577)742277; (599)269852; e-mail: litgazeti@yahoo.com

